

БЫД ТӖЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

3
МАРТ
(РАКА)
2002

ПЕТӖ 1926 ВОСЯНЬ

ЛЭДЗӖНЫ:

КОМИ
ГИЖЫСЬ
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ

СЫКТЫВКАР

□ □ □

ТАЙӖ НОМЕРЫН:

Александра МИШАРИНА. Кыпӧдчан лунӧ. Кывбурьяс . 3
Геннадий ЮШКОВ. Гӧтыртӧгид абу олӧм. Шмонь 5
Николай ЩУКИН. Арӧн козьналӧм кывбурьяс 34
Владимир ТИМИН. Еджыд ру. Повесть 37
Анатолий ИЛЛАРИОНОВ. Кывбурьяс 64

ТАЛУНЪЯ СИКТ

Павел СЕЛЬКОВ. Кыр горув исковтӧ Чуклӧм 65
Игорь УЛЯШЕВ. Трипан Вась — Висар 73

ЧЕЛЯДЪЛЫ ВИСЬТЪЯС

Александр НЕКРАСОВ (Гамса). Вӧрса пӧжар. Ловья
барометрьяс. Гыча вад. Висьтъяс 77
Виталий КУРАТОВ. Мӧскупа кӧсьян видзӧдлыны? Мез-
дысим. Висьтъяс 79

□ □ □

Январь, февраль да тайӖ тӧлысся обложка вылын снимокъясыс
Г.Лисецкийлӧн.

© «Войвыв кодзув» («Северная звезда»), 2002 г.



Александра МИШАРИНА

Кыпөдчан лунө

* * *

Лым шебраса на ягыс, олыыс.
И чарөм артмө сывлөм бөрын.
А сынөдыс нин тувсов көра,
И пыста тулыс йылысь дольö.

И лунлөн содөмыс нин төдчө.
И югдө водз, и пемдө сөрөн.
И ывла ойдө тувсов горөн.
Дзор төлыс пышйö, тулыс вөтчө.

И гаръяс гөрддзасигөн пулы
Шань югөръяссö шондi койö.
И овны көсья сьөлөм дойдөдз,
Öд чужан муын бара тулыс.

* * *

Веж көдзыдыс на лолö мартас,
И турөб дыр на лымсö гартас.
И толаясыд оз на сыв,
Но турөб виччысьтөг друг бырö.
И шондi югөръясөн тырö
и парма вөр, и чарөм выв.

А медводз тувсов праздник лунö
тэ мамтö, чойястö эн вунөд.
И гөтырпулы козин вөч.
А кодкөд нэмсö олан, пöлыд
мед тэкөд орччөн шуда вöли,
көть сийö важөн пöрысь пöч.

И шоналö на таысь ловным.
И водзö окота на овны.
Öд тулыс воис татчö бөр.
И мед жö нюмъяласны аньяс —
медмичаясыс, миян шаньяс,
кызд шондi улын парма вөр.

* * *

Майбырöй дай тулысöй,
ванас няйтсö нуысьöй.
Веж туруна боръясöй.
Лэбач сьылөм горъясöй.

Сиктын муяс гөрöны.
Войтыр зiля вөрöны.



Сідз и пуё олөмыс.
Карсаяс тшөтш волёны.

Көть эськё и важмёма
чужан керка, гажмёма.
Челядь йылөм керка тыр.
Сідзкё, олөм оз на быр.

Кыпөдчан лун воёма.
Енэж югыд лоёма.
Майбырөй дай тулысёй,
лэптан весиг кулысьёс.

Во чөж ло шаньён

Ывла югдөма едждөдөм мусьыс.
Тöрыт лунтыр өд небыд лым усис.
Талун көдзыдыс чеплялө ныртө.
Коми муным тадз Виль воёс пыртө.

Медым дзоньвидза вөлі во чөжыс.
Мулы тырмымөн зэрис и пөжис.
Бөръя часөдзыс зэв шаня оліс,
Быд морт сёлөмөдз шудлунөн воліс.

Мед эз ышнясь да повзьөдлы йөзсө,
Видзис ясыда енэжлысь лөзсө.
И мед бурдөдіс быдөнлысь дойсө.
Сьыліс-йөктіс на медбөръя войсө.



Пыдди пуктана
Геннадий Анатольевич!

Нэм джынйысь унджык Ті уджа-
ланныд литератураын. Тайӧ каднас Ті-
ян петіс кывбуръяса, пьесаяса, висътъ-
яса да повестьяса матӧ нелямын не-
бӧг. Творчествоад медвылыс тишун-
дӧн лоины «Чугра», «Рӧдвуж пас» да
«Бива» романъяс.

Уна кывбур выльӧ композиторъяс лӧ-
сьӧдісны музыка, а «Коми ань», «Марья-
моль» да мукӧд сыланкывъяс лоины
йӧзӧн медся радейтанаӧн.

«Макар Васька — сиктса зон», «Кыськӧ тай эмӧсь» да мукӧд
пьесаяс серти сувтӧдӧм спектакляс кыскисны театр радей-
тысьясӧс олӧмысь босьтӧм сюжетнас да лӧсьыд, кокни кывворнас.

Тіянлысь кывбуръяс, висътъяс, повестьяс вуджӧдӧма роч да му-
кӧд кывъяс выльӧ, велӧдӧны школаясын, училищеясын, вузъясын.

Гижӧдъясад зэв кужӧмӧн петкӧдлінныд Коми мулысь мичлун-
сӧ, йӧзыслысь оласногсӧ, сямсӧ, этшсӧ, тӧжд-могъяссӧ, кӧсьӧмсӧ
вужвойтырсянь босьтӧмӧн да талунӧдз.

Литература уджысь Тіянлы сетӧма Коми Республикаса на-
роднӧй гижысь, Россияса культураын заслуженнӧй уджалысь по-
чӧт нимъяс да «Знак Почёта» орден.

Сӧлӧмсянь чолӧмалам Тіянӧс, Геннадий Анатольевич, — енбуа
мортӧс, Коми му да коми войтырнымӧс выльӧ лӧптысьӧс, чужан
лунӧн! Сиама дзоньвидзалун, кузь нэм, бур шуд да водзӧ выльӧ
уна выль мича гижӧдъяс!

КОМИ ГИЖЫСЬ КОТЫР
«ВОЙВЫВ КОДЗУВ» РЕДАКЦИЯ

Геннадий ЮШКОВ

Гӧтыртӧгыд абу олӧм

КЫК ЮКӦНА ШМОНЬ

ВОРСЫСЬЯС:

МИШӧ ВАСЬКА, ЛАБОРОВ
ЛЮБА
РОЗА МАКАРОВА
АЛЬБИНА
ИЯ ГАБОВА
ЧОЖИНЬ

Кыкнан юкӧныс вӧчсӧ ӧтилаын, Эжва дорса сиктын, Мишӧ Васькалӧн
керка йӧрас, гоҗся кухня водзас. Сэтчӧ пызан петкӧдӧма да пу диван, кы-
мынкӧ улӧс и. Пызансӧ вевтъӧма пызандӧраӧн, дзоридз тыра банка сув-
тӧдӧма. Луныс шондіа, гоҗӧм шӧр.

МЕДВОДДЗА ЮКӨН

Локтө Люба, киас гаровтөм газет. Пырө йөрө да матыстчылө пызан дорө.

ЛЮБА (*гузъялө*). Кыськө тай эм! Лөсьөдчөма нин сэтчө. Дзоридзтө нетшкөма и. (*Чукуртчылө да горөдө*.) Кытөн нө Васька-ыс? Мый он тыдав?

ВАСЬКА (*шыасьө*). Татөн. Гожся кухняын.

ЛЮБА. Век на пусян? Со нин шондйис-а.

ВАСЬКА (*шыасьө*). Мед. Шойчча талун. Войнас на ытшки Вом-лөс сёнын. Локті да водлі.

ЛЮБА. Кывлі өд трактор шытө. А пырала али ачyd петалан?

ВАСЬКА (*шыасьө*). Петала, колөкө. (*Петө гожся кухнясьыс*.) А мый нө, мый висьталан, Любаыс?

ЛЮБА. Яндысьтөм син! Мый сэсся висьтала?!

ВАСЬКА (*шай-паймунлө*). Мый сэтшөмсө вөчи? Кор?

ЛЮБА. Мыйкө вөчөмыд нин! Босьта да газетө гижә! (*Кучкалө газетнас пызанө*.) Лыддә, колөкө, аслыд?! (*Паськөдө газетсө*.)

ВАСЬКА. Сідз төда.

ЛЮБА. А садьтө он төд! (*Лыгдьө*.) «Кык во сайын кувсис гөтырөй, дыр нин висис вөркнас да».

ВАСЬКА. Эз нө вись?

ЛЮБА. Эн торкав! (*Лыгдьө*.) «Ныв-пиянөй разалісны, асьныс нин олөны. Отнам и коли гортө».

ВАСЬКА. Отнам и коли.

ЛЮБА. Ланьтлы! (*Водзө лыгдьө*.) «Абу нин эськө том, да абу на и сэтшөм пөрысь, ветымын на сөмын и локтө».

ВАСЬКА. Ветымын на и локтө. Киа-кока и.

ЛЮБА (*ырыштчылө да водзө лыгдьө*). «Луннас эськө мед, уджала да вунөдчыла, а рытнас и гажтөм, шог курыд».

ВАСЬКА. А сідзи, ог и соссьы.

ЛЮБА (*водзө лыгдьө*). «Сійөн и гижә, оз-ө кодкө шыасьлы бур сьөлөма. Гөтыртөгыд абу олөм».

ВАСЬКА. Абу и олөм, он кө юсьы!

ЛЮБА. Энлы, помала! (*Лыгдьө*.) «Ярө пиянысь Мишө Васька. Лаборов, овөй серти кө».

ВАСЬКА. Но?! Ылөдча нө?! Сөри мыйкө? А садьтө пө өд он төд!

ЛЮБА. Он и төд! Ыкшаыд тойлө!

ВАСЬКА. Кутшөм ыкша?

ЛЮБА. Сэтшөм! Быттө некод абу тані өтка бабаыс. Бур сьөлөмаыс да. Газетө колө гижны, пасьтала шызьөдлыны... Сёөн мед төдласны!

ВАСЬКА. Кысь эськө сёыс да?!

ЛЮБА. Этша нө... мужиктөмыс? Миян тані кымынөн-а! Син-мыд абу!

ВАСЬКА. Эм эськө да.

ЛЮБА. А он тай аддзы! Кодкө ылысь колө!

ВАСЬКА. А ачyd?!

ЛЮБА. Мый ачым?

ВАСЬКА. Төвнас тай пестө вайи да...

ЛЮБА. Эг нө пызан сайө пуксьөдлы?

ВАСЬКА. Мый сійө пызан сайыд...

ЛЮБА. А мый нө вөлі колө?

ВАСЬКА. Гашкө тай, мися, узя да...

ЛЮБА. Эн нө тэ гажа вөв?
 ВАСЬКА. Сійö и бур!
 ЛЮБА. Сюсь тай кылан! Мед эськө узьтөдан, а сэсся... код
 төдас!
 ВАСЬКА. Сэсся, гашкө, и өтлаасим.
 ЛЮБА. Гашкөыд кашкө на.
 ВАСЬКА. А мыжми нин быттьö тэ водзын да некытчö нин эг
 и воштысь. Тэкöд и гозйөдчи. А тэ... скöрмөдін на... бурөдөм пыд-
 ди. Ыстін нин эськө менö дай шуин на, трактортö пö эн коль тат-
 чö. Сэсся код юрөн и ковмис нуөдны. А öнi ме вылө каттысян.
 ЛЮБА. А гөтыр корсян да! Газетö гижан! Он сёрниөн воы-а!
 Садь юрөн да мича рытö! Эн тай сэк воы!
 ВАСЬКА. Кор?
 ЛЮБА. Сійö луннас. Кор тай ме пожъяся вöлі... ваас келөмөн...
 лядьвейөдз куштысьöма...
 ВАСЬКА. А-а... Но!
 ЛЮБА. А шондйыс мышку сайсянь вöлі, да кодлөнкö вуджөрыс
 вылысö усис. И оз вешйы. Бергөдчи, а тэ сэтөн!
 ВАСЬКА. Пыж дінö лэччылі. Дзижавны.
 ЛЮБА. Мый нө, мися, Васькаыс, да мый шуин?
 ВАСЬКА. Ме ог төд. Вунөді ли.
 ЛЮБА. Вежөс пö тай петкөдлан, шуин!
 ВАСЬКА. А мый нө, этатчөдзыд тыдөдөмыд да... медся ма-
 лыштанаинтö... Вежөй и петалис.
 ЛЮБА. Но вот! Кыдз путкыль нө? Тоин кока?
 ВАСЬКА. Абу. Гөгөр на лөсьыд, ен ськөдөн.
 ЛЮБА. А эн тай воы рытнас! Водзö кыв эн шулы ни! Ку-
 тшöма виччыси-а!
 ВАСЬКА. Мый сэсся... он куж овнытö да.
 ЛЮБА. Он и куж! Эськө гозъя нин, гашкө, вөлім.
 ВАСЬКА. Ме ог төд.
 ЛЮБА. Мыйла он төд? Вежыд кө, шуан, петалис?
 ВАСЬКА. Вежыд эськө... уна вылө петалö да. Öтчыдтö ли кы-
 мыныськө... мыйкөкернытö. А гөтырыд... он öд и куж шунытö...
 мед эськө нэмыд кежлө коліс! Муса туйö и мамыд туйö на!
 ЛЮБА. Ме, инö, бара ог шогмы? Матö ог лөсяв? Коркөя мо-
 зыд?!

ВАСЬКА. Сэки тэ... ме армияысь вои да... ветлан нин вöлі
 Öльöшыдкөд.
 ЛЮБА. Мед. Верми и дугдыны, ныв на вöлі да. Ме тэныд шулі.
 А тэ Раяыд вылө ыштін.
 ВАСЬКА. Ог öд ылөдлы сійөс, куим во виччысис да.
 ЛЮБА (ышловзьö). Мыйлакө тай волі! (*Бöрггзылө да тильö
 синсö.*)
 ВАСЬКА. Энлы на пыдзрав асьтö. Гашкө, некод оз и воы.
 ЛЮБА. Оз, дерт, бур мужикыд дорö! Сэсся воас кодкө сьөлөм
 вылад дай!
 ВАСЬКА. Код төдас.
 ЛЮБА. Но! (*Ырөстö.*)
 ВАСЬКА. А гашкө, ог на и инась... некод вылө.
 ЛЮБА. Эн!
 ВАСЬКА. Гашкө, тэ вылө на и бурася... мукөдыс дорысь.
 ЛЮБА. Бурась. Водзөстö öд... (*Көсйö окавны.*)
 ВАСЬКА (*пыксьö*). Энлы на тэ водзөснад...
 ЛЮБА. А бурась дай! Öнi бурась! А, Васька?!

ВАСЬКА. Ог на, Люба. Эн лөгась-а!
ЛЮБА (*нюкыртчылө*). Ойя да! (*Лэгзчысьö пызан сайö*.) А мун сэтись, лёк!
ВАСЬКА. Муна. Гыча черинянь суйлі пачö да эз кө нин сот-чы. (*Пырö гожся кухняö*.)
ЛЮБА (*ас кежас*). Съөлöмыд потас! (*Зырало морөссö*.) Кодöс Енмыс и вайöдас?! Сё автобус ветлö да... öтарö и мöдарö... Дась мужик вылад кымынлөн горшыс паськыд! Со кодöскö вайöдö нин. Татчö и кежö со... бöжтöм тпрутьöыд!

Локтö Роза Макарова, киас сумка.

РОЗА. Видза тiянлы! (*Копыртлö юрсö*.)
ЛЮБА. Видза, колöкö. А мый нö висьталан?
РОЗА. Видлыны... локтi.
ЛЮБА. Кодöс?
РОЗА. Мишö Васька Лаборовöс. Ярöпиянсьыс татысь. Сылөн кө тайö керкаыс?
ЛЮБА. Сылөн. А мый нö сийöс видлан?
РОЗА. Гöтыртöгыд пö абу олöм да. Ачыс газетö гижöма. Оз-ö пö кодкö шыасьлы бур съөлöма.
ЛЮБА. Гижнытö быдтор позьö.
РОЗА. А мый нö?!
ЛЮБА. Нинöм! Кыскалö кодкö тэнö! Йöйöс!
РОЗА (*пагъялö, бергöдчылö нин мунны*). А кодi нö эськö тэ сылы? Чой?
ЛЮБА. Мыйла чой?!
РОЗА. А мый нö, гöтыр?
ЛЮБА. Бур тöдса! Гöтырыслөн шонгьянöйлөн и. И некодлы нин ог и сет. Аслым кольöда!
РОЗА. Кольöд.
ЛЮБА. А он мун да.
РОЗА. Асьсö аддзыла да. Мый шуас. (*Пуксьö пызан горö*.)
ЛЮБА. Дiтшкысис сэтчö! Томджыкыд абу нин сюрöма!
РОЗА. А оз на и сюр. Либö гöтыра, либö юсьöма.
ЛЮБА. Кымын арöс?
РОЗА. Меным? Комын куим.
ЛЮБА. А сылы ветымын локтö. Мый ыджа коластыс! Мыйкö думайтан кө?
РОЗА. Думайта.
ЛЮБА. Мый?
РОЗА. Ог висьтав.
ЛЮБА (*скöрмö*). Эн скöрмöдчы! (*Кучкö пызанö*.)
РОЗА (*чеччö пызан горысь*). Аслыс висьтала. Юалас кө. (*Вешйö пызан горысь*.)

Гожся кухняысь петö Васька, вайö черинянь, пуктö пызан вылö.

ВАСЬКА. Сотчö нин вөлöм. Ковмис тертукаөн босьтыштавны. Чериняньтöгыд абу жö коми пызан. (*Вигзöгалö*.) Быттö тай сёя-на-а. (*Ышловзьö*.) А быдлаö на и колö гöтырыд!
ЛЮБА (*зывöка*). Со тай! Локтiс нин öти! Вöзйысьö!
РОЗА (*шöйöвошлö*). Ме ог... (*Чорыда*.) Ме ог вöзйысь!
ЛЮБА. А мыйла нö эськö локтiн?
РОЗА. Сiдзи. Видзöдлыны.

ЛЮБА. Надеятӧг?
 РОЗА. Надеяӧн. Сэсса ачыс... мелань-ӧ-кодлань. Муна дай, ог
 кӧ мыйкӧкер...
 ЛЮБА. Мый он кӧ мыйкӧкер?
 РОЗА. Ог кӧ синмас усь.
 ЛЮБА. Синмас тай и пыран!
 РОЗА. Ог. Эг весиг краситчы.
 ВАСЬКА. Энлы, Люба! Певъялан мортсӧ! (*Розалы.*) Олан-вы-
 лан, нимтӧ ог тӧд-а!
 РОЗА. Роза. Роза Васильевна. Макарова.
 ВАСЬКА. Видза и олан, Роза!
 РОЗА. Аслыд видза!
 ВАСЬКА. А том на зэв меысь да.
 ЛЮБА. Комын куим пӧ тай.
 РОЗА. Мый нӧ кӧ... сы пондаыд!
 ВАСЬКА. Да ӧд ме со нин кутшӧм... тэ серти кӧ... Сё чукы-
 рӧсь! Лют-лёт нин гӧгӧр!
 РОЗА. Абу на!
 ВАСЬКА. Арлыд коластным мый ыджа и!
 РОЗА. Сійӧ и бур!
 ЛЮБА. Мыйӧн бур?
 ВАСЬКА. Томнас и бур!
 ЛЮБА. Гашкӧ, маласьнытӧ кӧ... (*Розалы.*) А сэсса?
 РОЗА. Кага на верма вайны. Ковмас кӧ.
 ЛЮБА. Кага вайӧмнад эн ышнясь! Сідзи нин сылӧн кык ныв
 да пи. Асьныс нин быдтысьӧны и.
 РОЗА. Мед. А выльысь кӧ кодкӧдкӧ овны, гашкӧ и... гӧрӧдсьыс
 на гӧрӧд лоӧ... бӧрдысьыд.
 ЛЮБА. Да мун сэтысь каганад! Шу, Васька, да мед оз веж-
 ньӧдлы тані улісӧ!
 ВАСЬКА. Ланьтлы, Люба! Он вермы джын вомӧн сёрнитны!
 Бытӧ кисьыд нин менӧ мырддӧны!
 ЛЮБА. А кийсь со и мырддӧ да!
 РОЗА. Ог!
 ВАСЬКА. Ачым на ме аслам! (*Розалы.*) А аслад нӧ, Розаыслӧн...
 эн дӧзмы-а... некод абу быдтаныд?
 РОЗА. Эм. Ныв. Ӗкмыс арӧса.
 ЛЮБА. А мужикыд? Кытчӧ лои? Эз и вӧвлы? (*Чиктылӧ.*) А
 мый нӧ, корсин нывтӧ? Водлін кодкӧ улӧ, да сідзи?
 ВАСЬКА (*Любалы.*) Дугды, энлы на лӅктӧ пес!
 РОЗА. Оз нӧ ылавлыны нывъясьыд?! (*Бӧргӧ.*)
 ЛЮБА. Эн ылав дай! Ӗні сэсса мужик колӧ! Татчӧ локтӧмыд
 да кыйкъялан!
 РОЗА. Ньӧти ог кыйкъяв! Син водзаныд сулала. Кутшӧм эм.
 Мисьтӧм кӧ, и мисьтӧм. Пеж кӧ, и пеж.
 ВАСЬКА. Чӧв, эн урсав асьтӧ! Ен сыкӧдӧн, позьӧ на видзӧдлы-
 ны. Зэв на анытуя, буракӧ, и.
 ЛЮБА. А мужиктӧгыс олас! Кытысь локтіс, мед сэтысь корсьӧ!
 (*Васькалы.*) А тэ эн на чепсасы!
 ВАСЬКА. Абу ӧд дом йылын!
 ЛЮБА. Абу и кыр пон! Важӧн нин верстьӧ! (*Розалы.*) Мун,
 дась бурӧн!
 РОЗА (*оз гзык пыр, гзугыля*). Муна. Олӧй. (*Вӧрзьӧ ньӧжйӧник.*)
 ВАСЬКА (*вӧтӧгӧ*). Энлы, дона ныв, энлы!
 ЛЮБА. Дона ныв сэтчӧ лоис... чаня вӧлыс!

РОЗА (*Васькалы*). Ог, муна.
 ВАСЬКА. Лөгасин ме былө?
 РОЗА. Лөгаси.
 ВАСЬКА. Мыйыськө?
 РОЗА. Сыыськө. Ачыл газетö гижан... а аслад абу чорыл кыв-
 йыл. Ылөдчан.
 ВАСЬКА. Ог. Ылөдчынытö эг велавлы, да öнi ог нин велав.
 РОЗА. А вошöмыл на. Шөрö-вийö. Ачыл он тöд, кодиджык
 колö.
 ВАСЬКА. А вошöма на и эм. Ог на и тöд, кодиджык пуксяс
 сёлöм былö. Кута нö сойöдыл да овны и пыртöда керкаö? А
 ачым кө ог шогмы? Оз нö тэныл ков унаысь на ылдыда лолышт-
 лыны?
 РОЗА. Колö. Бөжöй на кузь и.
 ВАСЬКА. Сийö бөжыл... гашкө и, мича на том нывбабайды.
 Лок пуксьыл на. Лок, бобöнянь, лок.
 РОЗА. Локта. (*Пуксьö пызан горö.*)
 ЛЮБА (*гзутыла*). Бобöнянь сэтчö лоис сир туруныл! Киад и
 сибдö тай картупельтö мудйигөн!
 ВАСЬКА. Люба, эн матькөд! Со кутшöм мича луныс да!
 ЛЮБА. А мый шулис Раяыл кулöм водзвылас? Вунöдiн?
 ВАСЬКА. Мый шулис? Мösным пö тай том на да, эн на бырöд
 коньөрös, кула кө ме. А эг на и бырöд. Кор ачым идрала, кор
 чожиньöлы тшöктыла.
 ЛЮБА. Мösнад тэ менö эн ылöдлы! Мөдтор на шулис. Ас дыр-
 йиыл.
 ВАСЬКА (*нюкыртчылö*). Мый?
 ЛЮБА. Йөрман кө пö дзикöдз, Любаös, со, чукöст дай. А тэ
 чукöстiн?
 ВАСЬКА. Эг на... эг на сэтшöма йөрмы да.
 ЛЮБА. Эг пö öд йөрмы! Ачыс газетö гижö-а, гөтыртöгыл пö
 абу олöм! Мыйла эн чукöст?
 ВАСЬКА. А сiдзтö кө... мед эськө тэнö и вötасьли! А эг, вот!
 ЛЮБА. Кодös нö?!
 ВАСЬКА. Ог на тöд кодös.
 ЛЮБА. Он тöд?!
 ВАСЬКА. Ог. Тавой на тай... видз вылысь локтöм бöрын водли
 да... вötаси да... йöрын танi кодкө и ветлөдлö... гожся халата, вöня
 коска, лöсьыдiник... менлы былö и быттö...
 РОЗА. А чужöм вылас... кутшöмджык? Арлыда нин?
 ВАСЬКА. Ог куж висьтавы.
 ЛЮБА. Мыйла он? Эн öмöй нö видзöдлы?
 ВАСЬКА. А эг и видзöдлы лючки.
 ЛЮБА. Мыйла эн?
 ВАСЬКА. Ме ог тöд... полi ли, яндыси ли... йирмög тай босьтiс-а...
 Быттö матыстчис мелань... сэтшöм сöстöм гөгөр... а ме быттö
 трактор вылысь на... мыссьытöм... Ымöстi, мед оз инмöдчы! Сэс-
 ся сыысь и садьми.
 РОЗА. А сийö и бур!
 ЛЮБА. Мый бур?
 РОЗА. Татшöм гөтырыл и мусаджык... кодысь вежавидзан.
 ЛЮБА. Мыйкө тэ тöдан!
 РОЗА. Тöда. Абу кө муса, абу и... гозъя сiдзтö!
 ЛЮБА. Ланьт! (*Нерыштöмөн.*) Ветымын арöснад сылы... торъя
 муса колö!

РОЗА. А коді нө колө?
ЛЮБА. Горт олысь! Мед шог эз төд!
РОЗА. И муса мед! Да өд, Василий Михайлович?
ВАСЬКА. Сідзикөн.
ЛЮБА. Но и корсь мусатө! Со тай бара кодкө локтө! Тапө ку-
тшөмкө!

Петкөдчө Альбина, сумкаа.

АЛЬБИНА (сүвтө). Татчө эг веськав?
ВАСЬКА. Татчө. Лок, эн пов. Олан-вылан да!
АЛЬБИНА. Ог эськө пов да. Абу өд гортад. Он ышнясь.
ВАСЬКА. А коді нө? Кытысь?
АЛЬБИНА. Вожаягысь. Баба рөд. Со тай кутшөм. Кызсө олөма
нин. (Вашъялө.)
ВАСЬКА. Олөматө эськө он на шу да.
АЛЬБИНА. А гортын и совхозын на... пуксьывны ог эштыв
да... эг на сэтшөма и киссьы, буракө.
ВАСЬКА. Абу на. А нимыд нө... татшөм варовыслөн?
АЛЬБИНА. Альбина тай пуктылөмаось. Сэсся лоө нин кыскав-
ны. Он өд веж.
ВАСЬКА. Оз и ков.
АЛЬБИНА. А ачыд нө... Гашкө, Миша Васькаыс и лоан да?
ВАСЬКА. Сійө. Он кө повззы.
АЛЬБИНА. Абу повзөдчысь кодь да. Мудзөм синма и.
ВАСЬКА. Ытшки войнас. Локтө да водлі.
АЛЬБИНА. Сідзкө и, олөм олысь! А абу кө лёкпоз, и кык мужик
дон на! Майбыр, кодлы веськалан!
ВАСЬКА. А-а... а коді на и менын веськалө, сідзтөкө. Öтарө
майбырыд... дыр оз овлы.
АЛЬБИНА. Ачыд кодөс... медся матө пуктан. Эн сорассы дай!
ВАСЬКА. Код төдас. Мукөдсө бөрдзөдөма лоө, да сійө-а.
АЛЬБИНА. А мый сэсся?! Керка тыр гөтыр он лөсьөд! Асьтө
косявласны! (Сералө.)
ВАСЬКА. Абу колөма некытчө гижны да.
АЛЬБИНА. Мед! Эг и төдлы эськө тэ йылысь, а лыдди дай...
шыасьла, мися.
ВАСЬКА. А он нө лөгась, он ёр менө, оз кө тэлань и кежөд
сьөлөмөй?
АЛЬБИНА. Лөгася эськө да... Мед, эг өд вөзйысьны лок!
ЛЮБА. А мыйла нө?
АЛЬБИНА. Висьтавтөгыс олан... он кө гөгөрво.
РОЗА. А ме ог жө вөзйысь, тадзтө кө.
АЛЬБИНА. Оз и ков. Абу өд коньөрүшка.
РОЗА. Абу.
АЛЬБИНА. Ме тай баба туйө и мужик туйө гортын. Таво на
теплица вөчи выльөс. Пывсянысь джоджсө вежи и. Вөлася и гын-
дыся.
ЛЮБА. Мый сэсся тэныд мужиксьыс?
АЛЬБИНА. А кодкө мед и малыштис. Бабаыдлы... каньлы до-
рысь на малыштөмыд колө. Да мед эськө аслад мужикыд!
РОЗА. Сідзи.
ЛЮБА (Альбины). А эз нө и вөвлы? Некод?
АЛЬБИНА. Мыйла эз вөвлы? Кык пиөс на быдтө да!
ЛЮБА. А кытчө нө лои?

АЛЬБИНА. Жугөдіс асысө. Мотоциклөн. Гажа юрөн да. Сэсся кык поснийон и коли.

ВАСЬКА. А эн и петавлы сэсся?

АЛЬБИНА. Эг. Дай эг и лыстылы.

ВАСЬКА. Мыйлакө?

АЛЬБИНА. На понда, пьяной понда. Йөз батыд, мися, кыдзи на... Ой-ой!

ЛЮБА. А өні и... лыстан?!

АЛЬБИНА. А быдмисны да асыныс нин гөтыраөсь да... И прөст-ми быттьө! Некодос нин ог грековөйт! Ачымос кө ог?!

ВАСЬКА Он. Ставыс морт нога. Лок водзлань. Пукуштам сэсся. Со ме черинянь пөжалі.

АЛЬБИНА. Ме өд пөжасышті жө.

РОЗА. Ме тшөтш.

Альбина да Роза ректөны пызан вылө ассыныс пөжассө. Альбина доз на сувтөдө.

АЛЬБИНА. Со на босьті и.

РОЗА. А ме эг винатө. Ме йөв сөмын... аслым вылө. Мися, оз кө некөн ло сөйөмөй. (*Перйылө сумкасыс йөв тыра сулеясө.*)

АЛЬБИНА. Ме өд гажөд вылө. Эг кодавын. (*Васькалы.*) Он кө вид, Василейыс?

ВАСЬКА. Видны и колө эськө да. Сьорсьыд ваян! Ме өд кос вомөн ог на пукөд, ачым на быттьө коралі да.

АЛЬБИНА. Мед, содтөд вылө.

ЛЮБА. Менам вөлі жө көнкө дозыйд. Ветла кө гортө!

ВАСЬКА. Сытөг овлан! (*Альбины.*) А тайө нө коньяк тэнад?

АЛЬБИНА. Абу, ас вийөдөма.

ВАСЬКА. А мича гөрд да! Сөдз и! Пырыс тыдалө!

АЛЬБИНА. А сөдзөдөма и эм! Кос сөчөнтө пөжалан да сотан гөрдөдз...

ВАСЬКА. Но?

АЛЬБИНА. ...сэсся тоян посни пызьөдз да сы пыр и сөдзөдан. И чөскыд, и небыд лоө!

ВАСЬКА. Быдлаө, буракө, сямыд. Быдтор кужан!

АЛЬБИНА. А быдтор и кужа. Сиктса уджтө.

ЛЮБА. Эн ошйысь, эн!

АЛЬБИНА. А ог и ошйысь! Скөрма кө, некытчө на ог йөрмы! Коркө на порсь начки. Жаль эськө аслад порсьыд да...

ЛЮБА. А йөрмөмыд на тай! Йөзө локтан, мужик корсян!

АЛЬБИНА (*шөйөвошлө*). А-а... А корся и эм! Вира и яя на да! Абу на и ковтом бур мужикыд!

РОЗА (*Любалы*). А мый тан лөкыс... локтім кө? Огө өд тай гусясьөй! Дай абу на и тэнад Василий Михайловичыс.

ЛЮБА. А меным гөтырыс шуліс... кула да... эн сет некодлы!

РОЗА. А мед ачыс шуө, коді сы серти. Ог кө өд шогмөй, мунам дай... бөрти рытнас.

АЛЬБИНА. Тан ог узьөй.

ВАСЬКА. Да быдөн на эськө шогманныд да. Карад дорысь сиктад... өткөнтө сьөкыд, а гөзйөнтө абу жө кокни. Гөтырыды ёна на сюрө... уджыд да нокуд. А майбыр, абу на повзьөмыдөсь!

АЛЬБИНА. Он и пов, коды синмас уджыд пырө.

РОЗА. Да кысыс оз усь! Ме абу жө ньөти кужтом. Ставсө жө бергөда. Гудөкася и. Кор гажтом.

ЛЮБА. Өні и гудок шысө он кывлы-а. Кытысь нө, кодысь велөдчылін?

РОЗА. Карын. Педучилищын. Ме педучилище помавлі, номер двасө.

ЛЮБА. Сэсся?

РОЗА. Сэсся детскöй садйын и уджала. Воспитательницаөн.

АЛЬБИНА. А бур и удж нывбабаыды! Мый ме, зоотехник да?!

ВАСЬКА. А мый нө, лёк удж?

АЛЬБИНА. Абу эськө да. Колө өд вердны мөстө! Мед дун кы-нөмыс! Абу гурана таті! (*Петкөдлө коссыйс улті.*) А мыйонкө он верд, абутөм көрымнад!

ВАСЬКА. Джын мусө да видзсө нин эндөдім да, он и босыт кө-рымтө. Асьным сэтшөмөсь нин и...

ЛЮБА. Кутшөмөсь?

ВАСЬКА. Вошөмаөсь олөмсьыс. Абу совхозынөсь ни абу аслы-ным олысьяс! Ме, шуам, велалөма да, уджала на, а кодыкө и веськодь!

ЛЮБА (*гөзмөмөн*). А дутдөй соборуйтөмнад! Абу сёрни тайө талун! (*Васькалы.*) Пуксьөдан кө, пуксьөд!

ВАСЬКА. А пуксямөй дай пукалыштамөй. Некод нин, гашкө, оз лок.

РОЗА. Мед эськө да.

ЛЮБА. Оз, дерт, коді төдлас.

АЛЬБИНА. А он өд беддён сувт. Со тай бара кодкө.

РОЗА. Татчө и кежө.

ЛЮБА. Тпрутьө!

АЛЬБИНА. Ачыд быттьө абу тпрутьө!

ЛЮБА. А ме ог на нөйтчы!

АЛЬБИНА. Чөв! Шусьяс мыйкө да...

РОЗА. А мый тан мисьтөмыс?

ВАСЬКА. Нинөм и абу. Сьолөмтөгыд он на вөрззы гортсьыд. Та могысьтө. Сьолөмыс на и кыскалө коньөрөс.

ЛЮБА. Коньөр сэтчө лои!

ВАСЬКА. А коньөр и эм өткаыд! Ачым и!

Петкөдчө Ия, кызіник, ньөжмыд, киас пакет.

ИЯ (*мыкталөмөн*). Здраст-вуй-те.

ВАСЬКА. Олан да вылан. Лок водзлань.

ИЯ. А мыйла нин, гашкө, и локті?

ВАСЬКА. Мыйла-мыйла?

ИЯ. А тэ Мишө Васькаыс? Лаборовыс?

ВАСЬКА. Ме.

ИЯ. А куимөнөсь нин дінад да?!

ВАСЬКА. Мед. Абу на... некодкөд гөрөда. Сыысь кө полан. (*Куим нывбабаыс.*) Эн, колөкө, лөгасьөй-а!

АЛЬБИНА (*Иялы*). Эгө на чашйөй, эгө. Киа и кока на со. (*Ингө Васька вылө.*) Гөгөр на аслас, кытөн мый эм.

ИЯ. Миянө автобусыс сёрөн волө, да сійөн сөрми.

ВАСЬКА. Ньоти на эн сөрмы. Ми весиг пызан сайө на эгө пуксьылөй. Буретш на воин.

ИЯ. Унаөнөсь да, сійөн-а. Ми вокыс.

РОЗА. А нывбабаыд унджыкөнөсь и эм. Өткаыс и.

ЛЮБА. А кысь нө ачыд? Коді?

ИЯ. Шудөгысь. Ия Габова.

ЛЮБА. А мый нӧ сэн уджалан?
 ИЯ. Пуся. Школаын.
 ЛЮБА. Мися, яя!
 АЛБИНА. Буретш! Нывбабаыдлы!
 РОЗА. Косыд нӧ мича?!
 ЛЮБА (Иялы.) А мый нӧ абу верӧс сайын?
 ИЯ. Сідзи.
 ЛЮБА. Сідзи, дерт!
 ИЯ. Шудтӧм да.
 ЛЮБА. Гашкӧ, эн и петаавлы?
 ИЯ. Эг.
 ЛЮБА. Некодкӧд эн овлы ни?
 ИЯ. Эг.
 АЛБИНА. А синмӧ усяна да! Сёрниыд шань и! Мыйкӧ... йӧ-
 йӧсь кӧ тӱян сэн айуловыс-а!
 ИЯ. Ачым йӧй. Пола вӧлі.
 ВАСЬКА. Мыйыськӧ?
 ИЯ. Мед некод оз кутлы. Пышгъяла.
 ВАСЬКА. А том дырйиыд ӧд... зонмыд на полан... кодӧскӧ кут-
 лынытӧ. Пӧсьӧ и уськӧдлӧ.
 ИЯ. А сьӧлӧмӧй вӧлі чеччалӧ. Пемдылӧ ывлаыс.
 ЛЮБА. А ӧні нӧ оз чеччав?
 ИЯ. Оз нин сэтшӧма. Ог нин сэтшӧма бӧрдлы и. Ог кӧ код-
 дзы.
 ЛЮБА. А монастырӧ кӧ мунан и! Медся на бур тэныд!
 ИЯ. Ме ог монастырад!
 АЛБИНА (нюмсерӧн). А ньӧти на гректӧм да... некыт на вӧр-
 зьӧдлытӧм да... райӧ сӧсся и веськалан. Он миян моз адӧ!
 РОЗА. Мыйысь ми адас?
 АЛБИНА. Нинӧмысь на эськӧ да.
 ИЯ. Мый нӧ... кулӧм бӧрад райыд?!
 ЛЮБА. А кор нӧ? Олігад?
 ИЯ. Мыйтакӧ мед и олігад. Сӧмын нӧ бӧрдны мед ловъя дыр-
 йиыд да ӧткавывсьыд?
 АЛБИНА. А верӧс саяд, чайтан, он бӧрдлы?
 ИЯ. Мед, сы пондатӧ.
 ЛЮБА. А абу нин том да... ӧтнад нин кызсӧ олӧмыд да... мый
 нин тэныд верӧс сайсьыс?
 ИЯ. А мед и гозъя кодкӧдкӧ! Абу на ӧд кулӧма! Абу мича и...
 АЛБИНА. Мый абу мича?
 ИЯ. Енмыс водзын...
 РОЗА. А мый абу мича?
 ИЯ. Он кӧ и вайлы кагатӧ. Сідзи кӧ и эндан.
 ЛЮБА. Мед эн энды дай! Оз на верӧс сай ков кагатӧ вайны!
 Чукӧстлін кодӧскӧ дай!
 ИЯ. Ме ог сідзтӧ.
 ЛЮБА. Он кӧ, и олас! Нярган, локтӧмыд да!
 ИЯ. Ме ог няргы. А быдӧн абу на ӧткодь. Кодкӧ и нор сьӧлӧма.
 (Чышкалӧ синвасӧ.)
 ВАСЬКА. Сідзи, сідзи. Да энлы на... нюкрав асьтӧ. Нор сьӧ-
 лӧмыс, гашкӧ, и шоныдыс нывбабаыдлӧн.
 ЛЮБА. Шонтысь, кольӧд да! Ми мунам-а... кын сьӧлӧмаыс!
 (Альбинылы да Розалы.) Локтӧй, локтӧй!
 ВАСЬКА (ӧлӧдӧ). Муна ме тӱянлы! (Любалы.) Быд кывйӧ колӧ
 пысасьны! (Ставынлы.) Гозйӧнтӧ овны... сӧтор на колӧ нывба-

баыдды, мед и авъя да мывкыда вöлiн. А мыйöнкö и чорыд да топыд! Олöм кутысь!

РОЗА. Муса мед и!

ВАСЬКА. А сытöгыд... абу жö гöтыр!

АЛЬБИНА. Сiдзтöкö... шуда, инö, и вöлi гöтырыд? Эз кö висьö-мыс жугöд...

ВАСЬКА. Ог лысьт шуны. Гашкö, мыйыськö и дiлькъявлiс. А юалi тай кулöм водзвылас... мися, ёран он менö... гашкö, лёка видзи да?... Ог, шуис, нинöмысь пö ог.

АЛЬБИНА. А тайö öд и морт доныд! Бара кодкö шуда и лоö, кодлы веськалан!

ЛЮБА. Кодöс ачыс кольöдас. Юрыс öд эм.

ИЯ. Сьöлöмыс да.

ЛЮБА. Сьöлöмыд эськö öдйö на ылöдлас.

РОЗА. А юрыд нö оз?

АЛЬБИНА. А öти кывйö мед воасны юрыс да сьöлöмыс дай. (Васькалы.) Сiдз öд?

ВАСЬКА. Ой, ме ачым на шöйöвошöма! Меным тi ставныд на матö сибöданаöсь! Вайö пуксьыламöй да пукыштамöй... бур кузя!

АЛЬБИНА. Вайö!

ВАСЬКА. Час, ме вая на мыйсюрö. Гудöкöс и.

ЛЮБА. Энлы, отсала.

Васька да Люба мунöны. Альбина, Роза да Ия лöсьöдöны пызансö, пукталöны ассъыныс вайöмторъяссö.

ИЯ. Дыр-ö сэсся пукалам-а?

АЛЬБИНА. Луныс öд миян.

РОЗА. Рытыс и.

ИЯ. Öнi эськö и войыс югыд да.

АЛЬБИНА. Войыд... кодлы на усьö... гажаыд.

ИЯ. Гортадтö бөр мунны... шуа.

АЛЬБИНА. А энлы на тэ шогав сыысь!

ИЯ. Ог эськö да. (Тильö синсö.)

РОЗА. Мыйкөкерлы на!

ИЯ. Мый?

РОЗА. Ме тай... кутшöма оз курзьöдлы став сьöлöмöс да, бөр ньылышта став курыдсö дай. Бөрти бөрда, ог кö шогмы. (Чышкыштö синвасö.) Лэчча эстчö вадорас да.

АЛЬБИНА. Ме ог тöд, ме бөрда ог. Подөн гортö пета дай. Мед усьла кок йылысь!

Локтöны Люба да Васька, вайöны дозмук да сёян-юан. Пельпом саяс, волысалöмөн, Васька гудöксö тшöтш вайö.

ВАСЬКА (ставсö пукталöм бöрын). Но пуксямöй!

ЛЮБА. Кодi — кытчö?

ВАСЬКА. Индала нö? Абу öткодь öти пызан саяс? Лок орччөн... сэтшöма кö нин...

ЛЮБА. А медся на и матыс тэныд. (Пуксьö гiнас.)

ВАСЬКА (мукöдыслы). Энö лөгасьöй-а. Абу на син сайы-нöсь. Ме абу мышка и.

АЛЬБИНА. Абу.

ВАСЬКА. А сiдзтö кö и... (Кисьталö румкаясö.) Мед ставным-лы на овсяс да вывяс! Босьтöй да вöрззыламöй!

ЛЮБА. Кытчöкö?

АЛБИНА (*шмонитомён*). Бөрө ли, водзё ли.
 ВАСЬКА. Бөрөтө меным сёр нин. Эськё гётрасьлі кё да юк-
 сьылі, бара кодёскё лосьёда...
 ЛЮБА. А он нё лосьёд?
 ВАСЬКА. Ме ёд ог ловъя гётырысь вывтi. А матё вои да... во-
 дзё на олём вылё!
 РОЗА. Водзё вылё и эм! Абу на сэтшём пёрысь ни!
 ИЯ. Вира бана.
 ВАСЬКА. Кысь нин эськё вира банаыс да?!
 РОЗА. А абу на и усьём чужёма.
 ИЯ. Нёти на он пов тэысь. Ме тай ог-а.
 АЛБИНА. Некод оз и пов. Локтёма нин лои да.
 ВАСЬКА. А вёрзыламой!

Точкисьёны да юёны, нуръясьёны.

ЛЮБА (*чушъяломён*). Вёрзим эськё да... Кытчё волам-а?! Эта
 мынданад!
 ИЯ. Кытчё нуёдас.
 ЛЮБА. Оз ёд вотчыны! Йёйлы тэныд!
 РОЗА. А разёдчам нё? Сідзикён?
 АЛБИНА. Кытчёкё век волам!
 ВАСЬКА. Кытчё шуёма лои. Ог тай бёрнясь. Гашкё и...
 АЛБИНА. Гозйён, шу, вода тавой.
 ВАСЬКА. Воднытё эськё... гажёй нин бырёма да...
 ЛЮБА. Кодысь?
 ВАСЬКА. Нывбабасьыс. Шоныд вира-ясьыс. Да мед эськё и
 бурьыс да мусапырысь. Ачyd мед сылы эн тойыштана вёв ни.
 ИЯ. Абу и тойыштана некодлы! Меным абу-а!
 ВАСЬКА. Аскинас мед эн чукрась ни. Йёйыд пё тай эм.
 АЛБИНА. Эн сорассы дай. Бара шусяс.
 ВАСЬКА. А энлё на и тэрмёддой.
 ЛЮБА. Ачyd тай газетасянь. Он вермы пыклыны асьтё.
 ВАСЬКА. А пыки-пыки дай мыні пыкёдыс!
 РОЗА. А сійё и бур! Ёні асьыд нин дэльыд лоё вайны кодёскё.
 ВАСЬКА. А дэльыд и эм, веськыда кё.
 АЛБИНА. А эн и нюжод, сідзкё, кузь тулыс моз. Кор тай
 кузь тулысыд, ыджыд ва ни мича шоныд он и тёдды. Коді пук-
 сяс сёлём вылад, сійё мед и пуксьё. Сійёс и шу бёрти.
 ИЯ. А ёні шу дай, коді пуксьё.
 ВАСЬКА. Ёні нё... (*Шёйёвошлё*.) Кытчё на?!
 ЛЮБА. Ланьтлы эськё тэ... некодлы шогмывтёмыс!
 ИЯ. Мун сэтысь! Асьыд шуа, да виньдылан! Лёк... абу жё
 некодлы муса вёлёмыд!
 ЛЮБА. Мыйкё тэ тёдан!
 ИЯ. А тёлалёма нин синмыд! Ывла кодь!
 АЛБИНА. Энлё на тшетшйысьёй!
 ВАСЬКА. Он кё эськё дутдыллой!

Ланьтылёны. Сёмын Ия да Люба чушъялёны на ас кезаныс.

РОЗА. Гажтём босьтас тадзтё. Лунсё дзугам и. Вай ме ворса
 мыйкё! (*Ингылё гудёк вылё*.)
 ВАСЬКА. А мёдысьён юамой да. Мед довгыштас юраным. Сэсся
 и гудёкасям. Ачым видла и. (*Кисьталё румкаясё*.) Вайё кётёддой
 лов пыдінытё! Мед оз на косьты некодос олёмыс!

АЛБИНА. Мед эськө да! Оз на тай шедлы сэтшөм долыдыд.
 РОЗА. Сыысь өд и медся шогыс.
 ИЯ. Нывбабаыдлы. Коньөрөйлы.
 АЛБИНА (*Васькалы*). Тэ өд уналы он жө тырмы. Кодлыкө
 өтилы сөмын.
 ВАСЬКА. Сідз эськө да. А меөн өд эз на помась дай оз на и
 помась айуловыс.
 РОЗА. А оз өд и... медтыкө сөмын айулов! Мед эськө и верөс
 на!
 ИЯ. Аслад! Дзик өти!
 ВАСЬКА. Ме эськө... верми кө... ставнытө и гозйөді да. А кысь
 ме ставныдлы верөссө босьта?
 ЛЮБА. А некод эз көкөд тэнө Эжва кузялаыс! Дай оз пө и
 көккы, буракө, ай көкыс! А колө кукуасыны! Ой-ёк! (*Ырыштчылө
 гыррдзанас.*)
 ВАСЬКА. А мый сэсся... йөйталі нин да?!
 АЛБИНА. Мед. Эн өд тешитчы миян вылын.
 ВАСЬКА. Эг! Ен мед видзас!
 АЛБИНА. А мед оз на и усь юрыд!
 ВАСЬКА (*нимкоя*). А вайө и мөдысьөн!

Юоны да нурьясьоны.

ИЯ. А ме гажми нин. Роза, шуан тай вөлі...
 РОЗА. Мый?
 ИЯ. Ворса пө.
 РОЗА. Ворса. Съыламөй.
 АЛБИНА. Йөктам и.
 ЛЮБА. Шогөдас на. Регыд.
 АЛБИНА. А шогсьыд он и мынлы да.
 ВАСЬКА (*Любалы*). Урсасьө сэтөн! Ме ог төд... Ворс, Роза, ворс!

Роза ворсө. Съылөны. Весиг сувталөны съывнысө. Сөмын Люба торйөн-
 джык сувтө да видзөдалө өтилаө-мөдлаө. Көсйылө нин мунны, но оз на мун.

А МЕД И ГАЖМЫЛАН

Съыланкыб

И важөн юлісны
 Да суртө пулісны.
 И өні винатө
 Оз ньөбны сідз.
 Од сьөлөм курыдтө
 Он ванад бурдөд тэ,
 А сьөлөм долыдтө
 Он гусьөн видз.

Унаыс:

А мед и гажмылан
 Да овны вашмылан,
 И шуда гозья мед
 Дай водзө на!
 Мый оз ков юнытө,
 Зэв кокни шунытө,
 А ньөти ютөгыд —
 Ни би, ни ва!

Мед кодкө юсьөма
 Да мортсьыс усьөма,

А кодкө винатө
Оз видлы войт.
Бур олөм олысьтө
Он аддзы полысьтө,
И олөм олысьтө
Он тайон дойд.

Рытпомнас гортад ли,
Важ тодса ордад ли
Кор юан бур кузя,
Сэк ставыс бур.
И овлө сёр нин-а,
Шань, восьса сёрнинад
Он янөд асьтө ни
Он вошты юр.

ИЯ. А, Роза, «Ой, сёлөмөйтө»!
АЛБИНА. Йөктөмөн.
ВАСЬКА. Лок, Люба, эн ышнясь!
ЛЮБА. Тэ эськө асьтө төд!
ВАСЬКА. Код водзын?
ЛЮБА. Ме водзын!
ВАСЬКА. Но лок и йөктам!
ЛЮБА. Эштыла на!

Роза ворсө. Ссылөны да йөктөны. Люба матыстчылө пызан дорө да кисьтө
аслыс, юө гусьон. Сэсся тшөтш сувтө йөктыны, суйсьө Васька водзө.

ОЙ, СЁЛӨМӨЙ

Ссыланкыв

Кор йиыс юсьыд кылалө,
Кор ваыс — дор ни пом,
Сэк бара быттьө нылалан
И бара быттьө том.

Ой, сёлөмөй, ой, сёлөмөй,
Эн өдйө тіпкы вай.
Ой, лөньөмыд нин вөлөмөй,
Да ышмылан на тай.

Кор ывла вылыс вералө,
Кор кылө көнкө гым,
Сэк лолыд быттьө сералө
И кодкө дінө пым.

Ой, сёлөмөй, ой, сёлөмөй,
Эн өдйө тіпкы вай.
Ой, лөньөмыд нин вөлөмөй,
Да виччысян на тай.

Кор лэбө юсьыс-дзодзөгыс,
Кор пушкө чизыр төв,
Сэк дойдө, быттьө кочөгысь,
И шытөг бөрдан чөв.

Ой, сёлөмөй, ой, сёлөмөй,
Эн өдйө тіпкы вай.
Ой, лөньөмыд нин вөлөмөй,
Да радейтан на тай.

Кор лымйөн гөгөр тырөма,
Кор пемыд войыс кузь.
Сэк эшкын улад пыран да,
Мый дум вылад оз усь?!

Ой, сьолөмөй, ой, сьолөмөй,
Эн өдйө тіпкы вай.
Ой, лөньөмөй нин вөлөмөй,
Да эскылан на тай.

АЛБИНА. А өні «Гордаястө», Роза!

ВАСЬКА. Огө пуксьылөй?

АЛБИНА. Та бөрын.

Роза ворсө. Сьылөны да йөктөны.

ГОРДАЯС

Сьыланкыв

Ойдөм юлөн сөртасас
Кыкөн-кыкөн
Уялөны гордаяс
Тувсов рытө.

Локтөмаось быдтысьны
Чужанінас.
Петөмаось рытйысьны
Бадьяс дінас.

А ми, нывьяс, видзөдам
Вежалөмөн.
Сьолөмнымөс личөдам,
Да и сөмын.

Ныв-зон костад вөлі кө
Эськө сідзи,
Шудтө аслад пөлыдкөд
Нэмтө видзин.

Зонъясыдлөн муслуныс
Дженьыд нэма.
Өзйылөны-куслөны,
Ок и эмөсь!

Ойдөм юлөн сөртасас
Кыкөн-кыкөн
Уялөны гордаяс
Тувсов рытө.

Пуксьө шонді вөрвылас,
Петө кодзув.
И век айыс бөрвылас,
Эньыс — водзын.

ВАСЬКА. А бур ногөн кө, гөтырыд мед водзын и эм тэысь!
Мича туйө и вежа туйө!

ЛЮБА. Важөн нин мед и лөсьөдін, эн кыскы та дыра!

ВАСЬКА. А ог нин сэсса и кыскы!

ЛЮБА. А лок кистав дай шу, кодөс шуан! Кодөс лысьтан
шуны?!

ВАСЬКА. Некодөс на ог!

ЛЮБА (*пондө скөрмыны*). Мыйла?

ВАСЬКА. Сідзи на овлан! (*Мукөдыслы*.) Локтөй, водзө на кат-
ламөй! Өти пыжөн! (*Кисьталө румкаясө*.)

Точкысьөны да юөны.

ЛЮБА. Мекöд эз и точкысь!
ВАСЬКА. Но вай! (*Лэптылö румкасö.*) Со абу на тыртöм.
ЛЮБА. Мый сійö бöрыннад! Мыльöснад!
ВАСЬКА. Скöрмöдас пызан саяд.
ЛЮБА. Скöрмöдны и колö тэнö!
ВАСЬКА. А эн эськö пычкысь! Ме эг на водлы тэкöд!
ЛЮБА. Водлöм нö колö?!
ВАСЬКА. А мыйкö и колö на! Кутшöмкö төв нбылыд сёлöмыд-
лы! А абу кö...
ЛЮБА. Мун, сета ныр-вомад!
АЛЬБИНА. А Люба... Шуан да — шуöма лоö... А оз кö нö мор-
тыс?..
ЛЮБА. Ланьт эськö тэ! (*Кыйкнитлö öтарö-мöгарö да котöрт-
лö саявытöдз, курана локтö.*) Ойкöда ставнытö, онö кö муналöй
татысь! Гортаныд бöжнытö лэпталöй!
АЛЬБИНА. Яндысь йöзтö пежавны!
РОЗА. Тадзтö öд асьтö жö уськöдан!
ИЯ. Абу жö... тадзтö кö... аньтуя!

Люба дугдö ыршасьнысö, падъялö. Васька мырддö курансö, оз и лёкысь.

ВАСЬКА. Мун пальöдчы! Со гортыд!

Люба сыркъялöмөн бöрддзö да мунö.

ЗАНАВЕС.

МÖД ЮКÖН

Идравтöм на пызан дорын, мудзöмаöсь да гажмöмаöсь, пукалöны Мишö
Васька, Альбина, Роза да ИЯ. А кадыс рытьявыв нин, шондi лэччандор.
Мишö Васька гудöкасö да тшöтш сыйлö мукöдыскöд. И сыйлöмыс
пондö кывны занавесыс воссьытöдз на.

КОМИ МУАД ШОГЫД СЮРÖ

Сьыланкыв

Ягын пожöм вылын юра,
Керка керйыд вылö бур.
Коми муад пуыд сюрö,
Сёлöм сетысьыд оз сюр.

Тöвся лымйыс шорөн тюрö,
Ойдö ваён видз и нюр.
Коми муад ваыд сюрö,
Сёлöм косьтысьыд оз сюр.

Югыд изйыд абу курыд,
Пывсянад оз висёд юр.
Коми муад изйыд сюрö,
Сёлöм шонтысьыд оз сюр.

Лэбзьöм водзын горзö тури,
Кольтöм вöсна вуджö ур.
Коми муад шогыд сюрö,
Сёлöм кутысьыд оз сюр.

РОЗА. А оз öд и сюр! (*Ырöстö.*)

ИЯ. Оз! (*Лимзалö.*)

АЛБИНА (*тілыштө синсө*). Энлө на ымзалөй!
 ВАСЬКА. Мед. Он өд дзижав сьолөмтө.
 АЛБИНА. А он на и пыдзрав. Меным тай пинь висьом до-
 рысь на сьокыд да... шамыртла этаті дай. (*Шамыртлө сьылі увсө.*)
 ВАСЬКА. А меным аслым... путкыль-муткыль...
 РОЗА. Мыйлакө?
 ВАСЬКА. Юр андзим! Кори быттьө, мед воланныд, көсйыси
 лючки, а шутөм на и лои. Некодлы нинөм!
 ИЯ. Луныс кольө-а.
 АЛБИНА. Со тай нин шондіыс.
 РОЗА. Автобуссыд колям и.
 ИЯ. Йөрмам татчө.
 ВАСЬКА. Сы понда эськө... Тані узянный дай. Со тай керкаыс.
 АЛБИНА. Оз на өд и узьсы!
 РОЗА. Мыйла пө и кольччи?!
 ИЯ. А ачыд нө кытчө водан?
 ВАСЬКА. Татчө, гожся кухняө.
 АЛБИНА. А сэсса?
 ВАСЬКА. Сыысь и гудрөдлө. (*Пуктө гудөксө да йөжгылясьө.*)
 АЛБИНА (*гөзмөмысь*). А шу дай, кодлы мый шуан! Сэсса и
 помө волам!
 ВАСЬКА. Ог на лысьт.
 АЛБИНА. Мыйла?
 РОЗА. Ог өд парсалөй...
 ИЯ (*нора*). Мед, коді мусаджык.
 ВАСЬКА. Ог на төд, да сійөн ог и лысьт шуны.
 АЛБИНА. А мый нө, ми төдам?! Но муна, ог сэсса дөзмөдчы.
 Дыр-ө тан жөвьяла?! (*Босьтө ассыс сумкасө да мөдөгчө.*)
 ВАСЬКА (*вөтөгө*). Но, Альбина! Энлы на лөгасьлы, энлы! Ен
 мogyсьөн!
 АЛБИНА. Ворсөдчан да. Кутов-катов!
 ВАСЬКА. Ог ворсөдчы, ог. Сө збыль!
 АЛБИНА. А он кө, эн и падъяв!
 ВАСЬКА. Ог и падъяв. Зэв оз на и сюр тэ кодыд. Да соось
 на өд! (*Ингө Роза да Ия вылө.*) Жальөсь!
 АЛБИНА. Кольөд дай коднысөкө. Со тай Роза, томджык и
 мичаджык меысь! Меным сідз нин овсяс. А колөкө, и Ияөс кольөд!
 Ичмонь кодь на со. Гортад быдтор вөчас и. Дзим-дзурк!
 ИЯ. Вөча. Менам гортын джодж вольөсөй өдзөс дорын
 еджыд.
 ВАСЬКА. Мед он и тувччыв?
 ИЯ. Мед няйт кокөн он пыр.
 АЛБИНА. Аддзан, кутшөм?!
 ВАСЬКА. А тэ энлы на муны. Олышт на! А?

Альбина ышловзё да косө, чөвтө сумкасө бокө.

АЛБИНА. Йөйталі нин да йөйтала нин.
 ВАСЬКА. Он йөйтав, он.
 РОЗА. Сідзкө, ме муна. Волі и бөр!
 ВАСЬКА. Кытчө?
 РОЗА. Гортө! Быттьө он төд!
 ВАСЬКА. Оз на сотчы гортыд.
 РОЗА. Ачым сотча! (*Сьомгалө.*)
 ВАСЬКА. А лок и кутыштла бурысь! (*Кутыштлө пельномө-
 дыс.*) Да энлы на тэрмасьлы.

РОЗА. Ог на либё.
 ВАСЬКА. Мед оз на доршась синвайд.
 РОЗА (*нюмгылё*). Мед оз на.
 ИЯ. А мый нё, ме муна? (*Рикёстё*.) Медводз? Матё ог шогмы?
 ВАСЬКА. Мыйла он шогмы?! Некыт на абу ётдортана да. Ортсы
 ни пыдi.
 ИЯ. А он тай шу, эн пё на мун!
 ВАСЬКА. А эн на и мун. Аски.
 ИЯ. А он тэ менё вай! (*Ырзалё*.)
 ВАСЬКА (*шөйёвошлё*). Ме ог тёд. Гашкё и... Гашкё и... вая!
 Скёрма да!
 ИЯ. Ме вылё?
 ВАСЬКА. Ог, ас вылё. Ола со да... некодёс и малыштнытё.
 ИЯ. А он тэ менё вай!
 ВАСЬКА. Мыйла ог?
 ИЯ. Абу ме вылё синмыд.
 ВАСЬКА. Со!
 ИЯ. Абу веськыда ме вылё.
 ВАСЬКА. А некод вылё на и абу веськыда, сiдзтёкё!
 ИЯ. А ме тан шудтёмыс! Медся шудтёмыс! (*Оз ёвсьы бёр-
 гёмсьыс*.) Ойя да ойя!
 АЛЬБИНА. Ия, но... энлы на сэтшёма бёрдлы.
 РОЗА. Быттё ми шудаёсь.
 ИЯ. А менё сiдз бёрдёдё, коддза да. А ёнi и... кок йылысь
 уськёдё! (*Кёсийё муас и водны*.)
 ВАСЬКА (*кутё водёмсьыс*). Энлы, татчё эн! Лок керкаё водлы!
 ИЯ. Водла.

Васька нуёдё Ияёс. Альбина да Роза чёв олёны.

АЛЬБИНА. Муна кё эськё... А мый и босьта бурсё?
 РОЗА. Нинём.
 АЛЬБИНА. А ланьтёдан асьтё дай?
 РОЗА. Верман кё. Ме ог-а.
 АЛЬБИНА. А сёлёмыд нё оз пот тадзтё?
 РОЗА. Потё.

Шогалёны.

АЛЬБИНА. А ворс мыйкё да... ылёдлам асьнымёс.
 РОЗА. Кыдзыкё?
 АЛЬБИНА. Ссылёмнас.
 РОЗА. Ссылёмнад нё ылёдлан сёлёмтё? Ёнджыка на жугёдлан.
 АЛЬБИНА. А ёдё нё мед шог курыднас?
 РОЗА. Оз. Ворса, абу ёд сёкыд. (*Ворсё гудёкён, и ссылёны*.)

КӨК НА МЕНЫМ, КӨКӨЙ

Ссыланкыв

**Югыд тувсов войё
 Вёрыс-ваис сьылё.
 Кыськё мёдлапёлысь
 Кёклён кёкём кылё.**

Унаысь:

**Эн на ланьты, кёкёй,
 Оз-ё шогёй бырав,**

Көк на меным, көкөй,
Овны мыйкө дыра.
Ку-ку, ку-ку.

Ветлө гыөн ытва,
Вадор баддыс ойдө.
Долыд босьтөм пыдди
Морөс увтө дойдө.

Сьолөмыды колө,
Шудаөн кө лоны,
Кодкө тэлань мелі,
Ачыд сылань шоныд.

Тулысыд оз гажөд,
Мед и шыа-гора.
Колө на и муслун,
Мед и синва сора.

АЛБИНА (*vigzöдавлә*). Ылаліс, тыдалө, миян Васькаыд...

РОЗА. Лөвтө на, колөкө, сюсь на асланыс Ияыд.

АЛБИНА. Лөвтөмнад и босьтан?

РОЗА. А жалыс кө петас и... Васькаыдлөн?!

АЛБИНА. Оз. Абу кө йөй.

РОЗА. Мыйла оз?

АЛБИНА. Жалыд мусатө оз веж.

РОЗА. Мыйөн төдан?! Пырала кө эськө керкаас!

АЛБИНА. Эн, эн ыръяв!

РОЗА. Мыйла ог?

АЛБИНА. Аслад мывкыдөн ов! Абу на дзуртан пу! Пес былө
сөмын! Мед тэнө донъялөны!

РОЗА. Донъялас кодкө... эня-нылатө.

АЛБИНА. А гашкө и, зэв на!

РОЗА. Чөв. (*Босьтө гудөк да ворсө. И сьылөны сэсся Альби-
накөд.*)

НЫВЪЯСТӨ ЭН ВИДӨЙ

Сьыланкыв

Нывъястө эн видөй,
Нывъястө эн вөйпөй.
Шунытө өд кокни,
Полысь пө да йөй пө.

Нывъясыды колө
Петны верөс сайө.
И мед эськө муса,
Коді тэнө вайө.

Майбыр эськө сэки
Нэмтө овны гознад.
Сөмын татшөм шудыд
Усьө на ли оз на.

Олан гажтө выльысь
Кодкөд сэки панан?
Кодлы на и колан
Кага мездоранад?

Нывъясыдлөн нэмыс
Уна узьтөм воя.
Нывъясыдлөн шудыс
Синва пычкан доя.

Нывъястӧ эн видӧй,
Нывъястӧ эн вӧйпӧй.
Шунытӧ ӧд кокни,
Полысь пӧ да йӧй пӧ.

РОЗА. А мыйкӧ... Альбина...

АЛЬБИНА. Мый?

РОЗА. Шуин тай, аслад мывкыдӧн пӧ ов.

АЛЬБИНА. Аслад мывкыдӧн и ов. Абу ӧд няр баля! Кодкӧ мед неньӧдас!

РОЗА. А дыр нин бӧрдӧ да...

АЛЬБИНА. А сэсса и... ланьтив.

РОЗА. А сӧдзи нӧ мед и коля... абу гӧтыр ни, абу дӧва ни?

АЛЬБИНА. Эн эськӧ да...

РОЗА. Сэсса ӧд и пӧрысьма.

АЛЬБИНА. Он тай и мын сыысь, пӧрысьмӧмсьыд.

Дзугылясьӧны.

РОЗА. А юала кӧ мыйкӧ?

АЛЬБИНА. Юав.

РОЗА. А он скӧрмы?

АЛЬБИНА. Ме ог тӧд.

РОЗА. Ог эськӧ лӅктор да...

АЛЬБИНА. Эн и пов, сӧдзкӧ.

РОЗА. Мыйкӧкерас тэныд... оз лӅсяв... сыысь пола.

АЛЬБИНА. Он, шуан, лӅктор да?

РОЗА. Ог и лӅктор, а... (*Börgö.*)

АЛЬБИНА. А юав дай... бӧрдӧм дорсьыд!

РОЗА. Ачыд тай висьталан... вӧлӧмыд нин верӧс сайын...

АЛЬБИНА. Вӧлӧ.

РОЗА. Кык пиӧс быдтӧмыд и...

АЛЬБИНА. Быдтӧ.

РОЗА. Тӧдлӧмыд нин морт олӧмсӧ...

АЛЬБИНА. Кутшӧмакӧ, дерт, тӧдлӧ.

РОЗА. А ме эг на! (*Börgö.*)

АЛЬБИНА (*шӧйӧвошлӧ*). А-а... А сэсса мый?!

РОЗА. Эн лӅгась!

АЛЬБИНА. Ог и лӅгась. А сэсса мый?

РОЗА (*нюкрасьӧ*). Дугӧдчы Васькасьыс.

АЛЬБИНА. Мыйла дугӧдча? Тэнлы вылӧ коля?

РОЗА. Ым.

АЛЬБИНА. А кыдзи нӧ ме дугӧдча, ачыс кӧ, шуам, оз менӧ ӧдорт? (*Ӗвтыштӧ кигугыс.*) Менам ӧд сӧлӧм жӧ!

РОЗА. Сӧлӧм.

АЛЬБИНА. А кыдзи нӧ сэсса?!

РОЗА. Водзвыв. Тӧдӧмӧн.

АЛЬБИНА. Босьта да муна? Шог абу?!

РОЗА. Эм эськӧ да.

АЛЬБИНА. Тэныд — бур, а аслым — лӅк?!

РОЗА. Сӧдз эськӧ да.

АЛЬБИНА. Ланьт, эн скӧрмӧдчы.

РОЗА. Ланьта. (*Ланьтлӧ да ырӧстӧ.*) А позьӧ ӧд и бур вӧчны кодлыкӧ. Ыджыд бур! Ме эськӧ нэмӧс тэнӧ югыда казгыла. Вич-коӧ на ветла да молебен сьылӧда.

АЛЬБИНА. Колӧ меным молебеныд!

РОЗА. А сё во на мед Енмыс видзас!
АЛБИНА. Мый сэтшөм сё восьыд, өткөнасьыд?!
РОЗА. А мед нө ме ог и тōдды морт оломсö? Ачыд тōдлōмьд-а!
АЛБИНА. Ме сэсся мыжми?! Ме сійōс дзуга?!
РОЗА. Он эськō да. Мися, гашкō, матō пуктан... Сійōн и шы-
асьлі. Эн дивит.
АЛБИНА. Ог. Мед.

Пукалōны шогōсь. Сэсся Роза гудōкасьō, и сьылōны.

КИССЬОМ ВАТō ОН НИН КУРАВ

Сьыланкыв

Кор ныла-зонмьд ветлан бура,
Сэк гозйōн олан усьō шуд.
А киссьōм ватō он нин курав,
А мынōм черитō он кут.

Ме ачим вōлі кокни юра,
Да сōмын тэнō ог и вид.
А киссьōм ватō он нин курав,
А чегōм пелысьтō он йит.

И водзын быттьō гōпта гуран,
И некōн матын пыж ни пос.
А киссьōм ватō он нин курав,
А кольōм гожōмьд оз кос.

И коркō паныд кō мен сюран,
Ме вежōн муна, кыв ни джын.
А киссьōм ватō он нин курав,
А сотан синвасьыд он мын.

РОЗА. Ойя да ойя! (*Сыркъялō.*)
АЛБИНА. А энлы на сыркъяв!
РОЗА. Ог тэныд!
АЛБИНА. А муна, гашкō.
РОЗА. Кытчō мунан?
АЛБИНА. Гортō.
РОЗА. Мыйла мунан?
АЛБИНА. Бур ылō тэныд! Мед эськō тай муні, шуан! Мед
тōддан морт оломсö!
РОЗА. А асьыд нō оз кучкы сьōлōмад?
АЛБИНА. Мед. Оз кō пот и. Ог сайōд Васькатō. Сэтшōма кō
нин колō!
РОЗА. Колō.
АЛБИНА. Кытōні и сумкаōй? (*Босьтō сумкасō.*)
РОЗА. А сэсся ёран менō?
АЛБИНА. Ёра кытчōкō?! Абу о́д гуга синма!
РОЗА. А оз нō ков тэныд шудыс?
АЛБИНА (*чуймō*). Сэсся менō кутіс жалитны!
РОЗА. Водзōстō. Эн на ылō мун дай. Бōр на лок дай.
АЛБИНА. Ланьт, эн дōзмōдчы. (*Мунō, сōмын сувтовкерлō син-
васō чышкыштны.*)

Карта сайсьыс локтō Чoжинь, оло́ма нин ань. Видзōдō Роза ылō.

ЧОЖИНЬ. Кодкō и том на. Ар комына.

РОЗА. Комын куима.

ЧОЖИНЬ. Сибыд чужома и.
РОЗА. Ме ог тӧд.
ЧОЖИНЬ. Аддза ӧд. А тэнӧ и кольӧдіс?
РОЗА. Эз.
ЧОЖИНЬ (*пыркмунлӧ*). А кодӧс нӧ?
РОЗА. Некодӧс на эз.
ЧОЖИНЬ. А мый нӧ керсьӧ?! Кытӧн ачыс?!
РОЗА. Со тай локтӧ.

Локтӧ Васька.

ВАСЬКА. Но, чожиньӧ тані!
ЧОЖИНЬ. Тані. Мӧстӧ йӧрті. Турун мездор на нетшки и. Кезала, мися.
ВАСЬКА. Сійӧ и бур! Лок пуксьыв!
ЧОЖИНЬ. Пуксьыла ме тэныд!
ВАСЬКА. А мый нӧ? Мыйысь лӧгасин?
ЧОЖИНЬ. Пельӧй нин съӧдмис! Гӧтрася да гӧтрася! А кӧні нӧ, коді гӧтырпуыд? Кодӧс ваян?
ВАСЬКА. Энлы на... мыйкӧ но...
ЧОЖИНЬ. Энлы ме тэныд... он кӧ инась кодкӧ вылӧ! (*Лэптылӧ шамыра кисӧ.*)
ВАСЬКА. Гашкӧ и... инася. Лок пуксьыв.
ЧОЖИНЬ. Эштыла ме пукавны, со на шондіыс да. Мӧстӧ на колӧ войтӧдны и.
ВАСЬКА. Сэсся и войтӧд.
ЧОЖИНЬ. Мун, йӧй! Гажа юрӧн нӧ мӧс дорас пыра?! Сійӧ ӧд мӧс! Абу юысь баба! (*Кӧсйӧ мунны.*)
ВАСЬКА. А волы на, чожиньӧ!
ЧОЖИНЬ. Гашкӧ и, вола на. Юрситӧ нетшка, он кӧ домась кодкӧдкӧ! (*Мунӧ.*)
ВАСЬКА. А ӧтнад да, Розаыс?
РОЗА. Ӑтнам.
ВАСЬКА. А кӧні нӧ Альбинаыс?
РОЗА. Муніс.
ВАСЬКА. Кытчӧ муніс?
РОЗА. Гортас.
ВАСЬКА. Мыйла муніс?
РОЗА. Дӧзмис да.
ВАСЬКА. Вӧтчыла кӧ эськӧ!
РОЗА. Вӧтчыв.
ВАСЬКА. А ог али мый?! (*Котӧрӧн мунӧ.*)
РОЗА. А ме тадзтӧ кӧ... ачым муна. Сылы Альбина колӧ да! Альбина кӧ, и мед! (*Бӧргігтырйи босьтӧ ассъыс сумкасӧ.*) Ваӧ нӧ пыра?! (*Ньӧжйӧник мунӧ.*)

Локтӧ Люба, довъялӧ.

ЛЮБА. Некод некӧн. Пызаныс идравтӧм-а. Юаныс на мыйта и! Гортгысь йӧйыд дзибырті! (*Кисьтӧ га юӧ.*) А мед и коддзыла! (*Нюмрасьӧ.*) Скӧрма да кучка на Мишӧ Васьӧыдлы! Косьышта! Мед оз діав менӧ! (*Сутшиктӧ.*) А водісны али мый нин? А кодкӧд нӧ эськӧ водіс? Жутӧдла, иганаӧсь кӧ! (*Ӑвтчигтыр мунӧ.*)

Недыр мысти кылӧ ойзӧм-горзӧм. Сэсся Люба вайӧдӧ шошаӧдыс Ияӧс.

ИЯ (*мынтөдчө*). Понийд тай эм! Пурсьысь понийд! Лэдз но, лёк бөжтөм увө!

ЛЮБА (*оз на лэгз, летйө*). Пурны и колө тэнө! Локтан да йөз ордө водан! Куш ситанөн! Мед этшаджык удж Васькалы! (*Лэгзө, тойыштө*.)

ИЯ. Эн лөсьөдды! Вода йөз ордө куш ситанөн? Лёк пеж вом!

ЛЮБА. А эн нө водөмыд нин вөв?

ИЯ. Мый нө кө? Шогөдіс да... Мед ог лясъяв тані... ачыс пыр-төдіс.

ЛЮБА. Сэсся небыд диван вылө?!

ИЯ. Джоджас и көсйылі, да... татчө пө лок.

ЛЮБА. А сэсся?

ИЯ. Мый сэсся?

ЛЮБА. Эз и вөрөд?

ИЯ. Эз.

ЛЮБА. Эн соссьы!

ИЯ. Ог и соссьы.

ЛЮБА. А эн и төдды код юрнад!

ИЯ. Мун сэтысь, лёк! Ме садьтө эг на воштыв!

ЛЮБА. А лок и бурасям!

ИЯ. Ог.

ЛЮБА. А лок... морт өти румкаөн!

ИЯ. Ме ог тэкөд.

ЛЮБА. Он кө, и олас! (*Кисьтө аслыс*.) Меным и өтнамлы на пырас. Сэтшөма нин бонзи да. (*Но оз ю*.) А көнөсь нө мукөдыс?

ИЯ. Ме ог төд. Мунісны кө-а. Абуөсь да.

ЛЮБА. А Васьөыс? Вир йөйыс?

ИЯ. Мыйла йөй?

ЛЮБА. А мый нө... газетө гижә... өти гөтырыд и колө да! Эськө уна кө-а!

ИЯ. Öтиыс на өд оз сюр.

ЛЮБА. Оз и сюр?! Син водзад и эм да!

ИЯ. А сійөн, гашкө, он и ков. Дөзмөма нин тэысь.

ЛЮБА. Сэсся тэ вылө и ыштас? Эсіян вылө ли, кодкө вылө?

ИЯ. Ме мыйөн төда?!

ЛЮБА. А муніс али мый тшөтш?

ИЯ. Колльөдө, гашкө.

ЛЮБА. Энлы, волас! А тэ нө эськө мый он мун? Мый сэтчө ланьтөдчин?

ИЯ. Виччысьла.

ЛЮБА. Кодөс?

ИЯ. Васькасө.

ЛЮБА. Мыйла виччысьлан?

ИЯ. Мый шуас.

ЛЮБА. Мый ме шуа, сійөс и сійө. Мун... дась бурөн!

ИЯ. Ог. Мый ачыс шуас.

ЛЮБА. Итыль абу?! Мед эськө кинад воан! (*Ырыштчылө*.)

ИЯ. Во.

ЛЮБА. Ланьт, эн петкөдлы урпиньтө!

ИЯ. Кутшөм урпинь?

ЛЮБА. А мый нө кык водз пиньыд, вылысыс? Понийөн тай менө и нимтін! А понъяд өд пөран татшөм оломсьыд!

ИЯ. Кутшөм?

ЛЮБА. Татшөм!

ИЯ. Кутшөм татшөм?

ЛЮБА. Гижома тай, гөтыртөгыд пö абу олөм.
 ИЯ. Но.
 ЛЮБА. А мужиктөгыд нö олөм гөгөр на судзсына бабаыды?
 ИЯ. Абу.
 ЛЮБА. Оз номсöдлы виртö да яйтö?
 ИЯ. Номсöдлö.
 ЛЮБА. Аслым вылö нин и видзи гөтырыс кулөм бöрын! (*Индылö гожся кухня вылö.*) Мися, волас да коралас! Лючки сэсся öтлаö и водам! И со тэныд! (*Аслыс нырас зургыштö.*) Лёкман он татчö?
 ИЯ. Лёкман эськö да. А мед эськö и лöсялнныд... ськöд. Эськö эз и гиж негытчö.
 ЛЮБА. А ме, гашкö, узьлі нин ськöд! Мыйöн тэ тöдан?!
 ИЯ. Узьлін?! (*Оз эскы.*)
 ЛЮБА. Но... вöтөн!
 ИЯ. Мый сійö вöтнад?!
 ЛЮБА. А оз нö нинöм вöтыс висьтав? Быттö вальмалö менö этадзи... а ме быттö пескылся... быттö ыджыд чери. Сэсся садьми да... руала — пöсь... быттö пывсянысь петі.
 ИЯ. Мый он вöтасылы да?!
 ЛЮБА. А он кö нö любит мортсö, вöтасын татшöмторсö? А локтöмыд да кийсь мырддьян!
 ИЯ. Ме ог мырдды. Мый ачыс шуас.
 ЛЮБА. А шуас кö, лок пö да олам?
 ИЯ. Локта.
 ЛЮБА. А, Любö, тэ мун татысь?! Чужъя да, тутан! (*Чужыйыштö сідзикөн.*) Со öд кытчö кучкö! Мыйкö гөгөрвоан кö?!

Ия оз вочавидз, бергöдчылö на Любаысь. Люба чушъялö на да пуксьö пызан дорö, лöньö вочасөн, сьывны пондö. Ия тшöтш сюртчö сьывнысö.

ЁНА ЖÖ НИН МЕНЫМ ШОГ

Сьыланкыв

Ок,
 Ёна жö нин меным шог!
 Ловъя мортлы абу мог.
 Ачым ог тöд, кытчö муна,
 Гашкö, гортö ог и лок.

Ок,
 Колö бöрдны, да ог бöрд!
 Некодöс ог весьöпöрт.
 Сöмын гырöн синмö усьö
 Рытъя кыаыслөн шöрт.

Ок,
 Эськö садьöс кö эг тöд,
 Вöлі öти зон дай мöд!
 Öтиыс на шудтö нуас,
 Сöмын тэөн оз на пöт.
 Ок,
 Сэсся му вылад и ов,
 Мисьтöм шуасьöмысь пов!
 А вот сьöлöмыд кö потö,
 Овнытö кö оз и ков?!

Ок,
 Ёна жö нин меным шог!
 Ловъя мортлы абу мог.

Ачым ог төд, кытчо муна,
Гашкө, гортө ог и лок.

Васька бөр на вайөдө Альбинаос да Розаос, такөдө найос.

ВАСЬКА. Пуксьыламой на бөръяысь. Гөгортамой лунсө. Сэс-
ся, гашкө, и шуома лоо...
АЛЬБИНА. Бара «гашкө»? Ачыд косөдін-а.
РОЗА. Менө и.
ВАСЬКА. А он өд паськыд вомөн... сувт да горөд.
РОЗА. А гусьөн шу дай, кодлы шуан.
ИЯ. Мед ми огө төдлөй?
РОЗА. А гашкө, тэныд шуас.
ИЯ. Кыськө дай.
ВАСЬКА. Да энлө... пуксьыламой на... сэсся... Мый лоаныс ло!
ЛЮБА. А мед и мунісны кө! Вайөдін сэтчө!
ВАСЬКА. Тэ тай локтөмыд жө... мунлін да.
ЛЮБА. А тэныд эськө мед эг нин и воы?! Синтө вежа?!
ВАСЬКА. Он веж, он! Аддза на ме тэнө.
АЛЬБИНА (Любалы). Гашкө, тэныд на и кольө. (Ингө Васька
вылө.)
ЛЮБА (бурасьө). Енмыс кө эм!
РОЗА. А Енмыс нө тэныд сөмын?
ИЯ. Миянөс оз аддзы?
АЛЬБИНА. Быдөнлы эськө Енмыд да. Кодлы на тай мый усьө.
ВАСЬКА. Дутдылөй. Енмыд некытчө оз ло, асьным кө огө вошөй
олөмсыйс. Локтөй.
АЛЬБИНА. А мыйла нин и пуксьылам?
ЛЮБА. Оз и ков. Морт өти румкаөн и...
РОЗА. Мый «и»?
ЛЮБА. Туйө!
ИЯ. Сэтшөм өдйө?!
ЛЮБА. А мый нө, бара сэтчө паськысян? (Индылө керка вылө.)
ИЯ. Шогөдас кө и.
ЛЮБА. Гортад шогав!
ВАСЬКА. Люба, энлы на... печлась... абу жө небыд кывйыд
да. (Кисьтасьө.)
ЛЮБА. А оз нө чорззы, вошан кө олөмсыйс? Ачыд тай шуан!
ВАСЬКА. А вайө, мед огө на и вошөй! Некод!

Точкисьоны да юоны, нуръясьоны.

АЛЬБИНА (жугыля). Сэсся и гортлань, буракө.
ВАСЬКА. Энлөй, гудөк на босьтла. Ачымос сыла. (Ворсө гу-
гөкнас да сылө, мукөдыс тшөтш.)

ӨТИ МУСЛУНЫД АБУ И УНА

СЫЛАНКЫВ

Вөлі том дырйи рытгоров муна,
Некор вой шөрыс гортын оз су.
Өти муслуныд абу и уна,
Но и этшаөн сійөс он шу.

Джуджыд ваө моз повтөгыд сунан,
Өдйө босьтас кө гөтрасян ру.

Ўти гётырыд абу и уна.
Но и этшаён сійёс он шу.

Гозъя костад став курыдыд вунас,
Он кё мывкыдтё вошты ни ю.
Ўти шудлуныд абу и уна,
Но и этшаён сійёс он шу.

Кокни олөмтё аслыд он тунав,
Сёмын төв бёрыс медем оз ну,
Ўти олөмыд абу и уна,
Но и этшаён сійёс он шу.

РОЗА. А вайлы, ме «Тёлысь пыдёс» ворса.
ВАСЬКА. И ме верма.

РОЗА. Ог, ме ачым. (*Босьтё гудёксё да ворсё и сьылё, мукё-
гыс тшөтш сьылёны.*)

ТЁЛЫСЬ ПЫДЁС

Сьыланкыв

Койё төлыс катшашыдёс,
Ваыс йиа, муыс кын.
Тёлысь пыдёс, төлысь пыдёс
Быліас и сёлөмын.

Кольё сиктыс, би оз чусав,
Ставыс веськодъ, вой-ё-рыт.
Чайтан, муса, чайтан, муса,
Абу на тай вёлөмыд.

Водзын вёрыс джуджыд козъя,
Сэтён пемыд, шы оз кыв.
Кодкё гозъя, кодкё гозъя,
Кодкё эновтёма ныв.

Чарла пиньён шогыд инмё,
Дойыд дінё вёчө дой.
Мед и кынма, мед и кынма
Көнкё вёрас тайё вой.

Койё төлыс катшашыдёс,
Ваыс йиа, муыс кын.
Тёлысь пыдёс, төлысь пыдёс
Быліас и сёлөмын.

АЛБИНА. А төлысь пыдёс нин и эм эськё да.
ЛЮБА (чушмунлө). Кодлы?

АЛБИНА. Аслым меным. Век на тай мыйкё виччысян-а.

ИЯ. Выхь төлысь.

РОЗА. Коркё чужлас кё. (*Пуктё гудёксё.*)

ВАСЬКА. А өдйё жё тиянёс... шогё и кежөдө.

АЛБИНА. А вөчин шогсё да. Со кымынөнлы.

ВАСЬКА. Вөчи и эм.

АЛБИНА. Аски на, колөкё, воласны и.

ВАСЬКА. Мыйён төдан.

ЛЮБА. А эн ов дай... восьса заворён! Быд тпрутьёислы!

ВАСЬКА. Сёрниыд тэнад, Люба... Бара скөрмөдан!

ЛЮБА. А ворс, ворсан кё!

ВАСЬКА. Мый ворса?

ЛЮБА. Гажаёс мыйкё. Мед огё на кулөй татчө!

ВАСЬКА. Но «Өтка олөм», сідзтөкө.

Васька гудюкасьö. Люба йöктö да сьылö. Сэссия и мукöдыс сы бöрся.

ОЙ, ОЛÖМ, ÖТКА ОЛÖМ

СЬЫЛАНКЫВ

Ой, олöм, öтка олöм,
Кор шогöдлö, кор оз.
А нинöмысь на полöм,
И некодкöд на гоз.

У н а ы с ь:

Мен колö талун гудöк
Да войыс колö кузь.
Ой, кутöй менö, кутöй,
Мед, йöкта да, ог усь!

Ме öтнам керка помын,
И некодi оз вид.
И, гашкö, тырö комын,
А гашкö, комын вит.

Ме садьöс ог на таляв
И лолöс ог на той,
Ни — дiнын кага-баля,
Ни — гортын верöсшой.

Мед кодкö кöнкö шуас,
Мый ыкса ме да йöй.
А новлöдлö на муыс
И ваö ог на вöй.

Мен сэтшöм муса колö,
Мед лолыштны ог лысьт.
А мустöмыдкöд олöм —
Куш зык да тусь ни пызь.

Ме абу ышö-пашö,
А неуна и код.
Ме сы вöсна и гажа,
Мед сьölöмöй оз пот.

Чöв олöны, ловнысö веськöдöны.

АЛБИНА (*ышловзьö*). Огö на муналöй? Воим нин, буракö, да.
ВАСЬКА. Кытчö? (*Пуктö гудöксö*.)

АЛБИНА. Матi помö.

ВАСЬКА. Эг на нинöм шу да.

АЛБИНА. А ланьтiн сэтчö да. Шу, кодлы мый шуан! Дыр-ö
тан тойтам?!

Васька дзуглясьö.

ЛЮБА. А мед и мунöны, Васька, мед! Сэссия тупкы заворотö
дай! Татшöм ыжыд уна ветлö!

ВАСЬКА. Люба, эськö тэ... энлы на сүйсьы быдлаö!

ЛЮБА (*чегсьылö*). А мый нö, ме муна?! А? Ме муна?!

ВАСЬКА. Гашкö и...

ЛЮБА. Шулы сöмын!

ВАСЬКА. Некод оз кут.

ЛЮБА. Ок, урöс! Кучка мыйöнкö, да мед потö юрыд! (*Вигзö-
галö кок улас*.) Изйыд абу! Косявла чужöмтö!

●
ВАСЬКА (*кутö Любаöс сойöдыс*). Мун, песовта сойтö скөрвы-
лысь!

ЛЮБА. Тэ бара песовтан!

ВАСЬКА. А эн кутась дай! Эг на ме тэнад гез помысь орöдчы!
Мун!

ЛЮБА (*муныштö*). А мед оз жö ло олöмыд аслад! Гозйөн ни
өткөн! Мед бордйыд чегö шыр варышлөн! (*Мунö.*)

ВАСЬКА (*чöв олыштöм бöрын*). Уна жö лёк төрö мортыдлы.

АЛЬБИНА. А бурыс этша жö да. Сэсся лёкөн и тыран. Ми нö
абу вомаöсь, чайтан?

РОЗА. Он и төдлы тай, шусяс мыйкö.

ИЯ. Дилькмуна да.

ВАСЬКА. А вайö тшай пуктыламö!

РОЗА. Вайö.

АЛЬБИНА. Тшайнад этша нин веськöдан сьölöмтö.

ВАСЬКА. Со öд тай... кодаыс.

АЛЬБИНА. Нинöм нин оз ков. Кода ни юмов.

ИЯ. Сидз пукыштамö на.

АЛЬБИНА. Кытчö нин кыскан?!

ВАСЬКА. Мый кыскан?

АЛЬБИНА. Лунсö тайöс. Пычкины лоö кывтö. Абу жö тыр
морт!

ИЯ. Мыйла абу?

АЛЬБИНА. Сийөн и абу. Став комиыс тай татшöм!

РОЗА. Кутшöм?

АЛЬБИНА. Усьöма ловнас! Кывзан да, найö и йöзыс, а карта
сайсьыд вöртö пöрöдöны, некытысь и вотчынытö, да шуысьыд
абу! Ме кö ог шыасьлы! (*Васькалы.*) А мый и ручасян?!

ВАСЬКА (*гöзмö*). Ог эськö ручась да!

АЛЬБИНА. А быттö шедöмысь полан да! Шу, коды мый шуан!

ВАСЬКА. Но лок... олам!

АЛЬБИНА. Ме локта?!

ВАСЬКА. А мый нö?! Эн нö сы могысь воны?

АЛЬБИНА. А таdzi нö шулöны?! Мырдысьён?

ВАСЬКА. Ме ог төд сэсся, кыdzi! Лок дай олам!

АЛЬБИНА. Сьöлышта вайтö! (*Босьтö сумкасö да мунö.*)

ВАСЬКА (*ас кежас*). Сöтанскöйыд и эм!

РОЗА. Кытöни и сумкай? (*Босьтö.*)

ВАСЬКА. Сэсся тэ тшöтш?

РОЗА. А эн меным шу да... лок пö олам.

ВАСЬКА. А лок и олам, тадзтö кö!

РОЗА. Ме ог тадзтö... бöрыннад. (*Мунö.*)

ВАСЬКА (*Иялы*). Сэсся тэ муна дай?!

ИЯ. Муна.

ВАСЬКА. А кольччан кö и?!

ИЯ. Ме ог любиттöгыд. (*Мунö.*)

ВАСЬКА (*жövьялö*). Йöйтö и корси аслым!

Локтö Чожинь.

ЧОЖИНЬ. Войтöдi мöстö. Сысьялi йöвсö и. Гожся кухняд.
Биджыд бидонас. Кылан он?

ВАСЬКА. Кыла.

ЧОЖИНЬ. А быттö кольмöмыд да! Абу аслад чужöмыд! Мый
нö сэтчö лоин?!

ВАСЬКА. Нинём эг.
 ЧОЖИНЬ. Абу тай! А кӧнӧсь нӧ баба рӧдыс?
 ВАСЬКА. Мунісны.
 ЧОЖИНЬ. Кор?
 ВАСЬКА. Муртса на.
 ЧОЖИНЬ. А некодӧс эн и кольӧд?
 ВАСЬКА. Эг.
 ЧОЖИНЬ. Мыйла?
 ВАСЬКА. Налы быдӧнлы любитӧм колӧ да.
 ЧОЖИНЬ. А тэ нӧ сытӧг кӧсьян? Мун вайӧд, коді аслыд му-
 саджык!
 ВАСЬКА. Вайӧдан кызкӧ?!
 ЧОЖИНЬ. А кок улас уськӧдчыв! Мед сылӧ сьӧлӧмыс! Ӗдйӧ!
 (Тогмышкалӧ Васькаӧс, и сійӧ котӧрӧн мунӧ.) Котӧртӧ тай эськӧ
 да! (Нюмъялӧ.) Кодӧс вайӧдас-а?

З А Н А В Е С .



XX

Республикаса больничалы — 80 во

1870 воын земство осьталіс Коми му вылын медводдза больничаяс. Усть-Сысольск уездын — нельӧс. Юркарын — дас крӧвать вылӧ, Кулӧмдінын, Визинын да Ношульын — быдын нель висьысь вылӧ. 1940 воын Коми АССР-ын вӧлі нин квайтымын кык больница, 1750 висьысь вылӧ.

1922 воын Усть-Сысольск юркарся больница подув вылын осьтісны Коми автономнӧй областся больница. Медводдза пятилеткаяс помын, вой-наӧдз, Сыктывкарын кыпӧдісны да осьтісны больничнӧй городок. Сійӧ ёна содтіс бурдӧдчан керкаясын крӧвать лыд, вильмис да бурмис быд пӧ-лӧс кӧлуй.

Ӗні Коми Республикаса больничалӧн кирпичысь кыпӧдӧм нель ыджыд корпусын ӧттшӧтш вермӧны бурдӧдчыны сюрс гӧгӧр морт. Войтырлысь дзоньвидзалунсӧ бурмӧдӧны матӧ кыксӧ врач, витсӧ гӧгӧр медсестра да санитарка. Став сэтчӧс уджалысьыс, ӧтвывтӧмӧн — сюрс кыксӧ морт.

Вклейка вылын Республикаса больничаясь фоторепортаж. Снимокъясыс **С.Гавриленколӧн.**

XX



Николай ЩУКИН

Арён козыналот кывбуртас

Ёшинь улын пелысь

Ёшинь улын пелысь бара гөрдөдө,
Кутшөм лоо көрыс, ог на төд.
Бара ковмас шогсыны да бөрдны мен,
Сы вөсна, мый шуда лоо мөд.

Көсйис зонмыс лоны меным верөсөн,
Ёшинь улө пунктис пелысь пу.
Мыйла тэ он косьмы, вөсни пелысьбй,
Мыйла меным вочакыв он шу?

Мыйла Енмыс шуднас менө удзөдіс,
Мыйла меным мичлунсө эз сет?
Кодлы, зонмөй, кодзувъястө судзөдлан?
Кевма, медем тэ сайө оз пет.

Гөрдөдасны бара пелысь розъясыс,
Курыд көрсө босьтас арся пуж.
Тэкөд сөмын көсья лоны гозъяөн,
Тэысь муса мортыс эз на чуж.

Тэ менам сьөлөм дой

Ме тэныд висьтала вөтөс,
Вөтала тайөс быд вой:
Окасям тэкөд, ог пөтлөй,
Тэ менам сьөлөм дой.

Сөмын оз тшук тайө вөтыс,
Шудлунсө меным оз кой.
Вемөсын окавны көсья,
Тэ менам сьөлөм дой.

Тэ өні нюмъялан мөдлы,
Юр улад сылөн сой.

Ме аслам шоглунӧн пӧда,
Тэ менам сьӧлӧм дой.

Ме тэныд сьыланкыв сии,
Бара нин матысмӧ вой.
Тадзи и нимті ме сійӧс:
Тэ менам сьӧлӧм дой.

Тэ мен муса

Лымъялӧ, лымъялӧ, лымъялӧ,
Еджыдӧн вевттьӧ мусӧ.
Сьӧлӧмӧй сотчӧ-ымралӧ
Сійӧн, мый тэ мен муса.

Тӧлалӧ, тӧлалӧ, тӧлалӧ,
Мед кӧть и бушколӧн шусьӧ,
Тэ дорӧ тэрмӧдлӧ сьӧлӧмӧй
Сійӧн, мый тэ мен муса.

Тӧлалӧ, тӧлалӧ, тӧлалӧ
Тэ дорӧ локтан туйсӧ.
Быть талун тэ дорӧ вола ме
Сійӧн, мый тэ мен муса.

Кӧдздӧдӧ, кӧдздӧдӧ, кӧдздӧдӧ,
Пашлякыс поткӧдлӧ пусӧ.
Воськолӧс ӧддзӧда, ӧддзӧда
Сійӧн, мый тэ мен муса.

Майбырӧй томлунӧй

Майбырӧй томлунӧй, вунӧдтӧм пӧра,
Мунам ми водзӧ век, кольччан тэ бӧрӧ.
Тэнад том шыясӧн шызывліс ывла,
Ӧні на вӧтӧн век найӧс ме кывла.

Мунам ми водзӧ век —
Завидьтам налы,
Кодъяслӧн томлуныс
Вильшасьӧ талун.

Кыз пуяс, пожӧмъяс, узылытӧм войяс,
Ӧтлаын тіянкӧд прӧйдитіс збойлун.
Аддза том йӧзсӧ, да дум вылӧ усьлӧ
Аслам том пӧрайӧ, медводдза муслун.

Мунам ми водзӧ век —
Завидьтам налы,
Кодъяслӧн томлуныс
Вильшасьӧ талун.

Казьтылантор

Ас вышивайтӧм,
Ки помысь,
Ас дӧраысь
Важ ки чышкӧд
Быд пӧрйӧ, туйӧ петігӧн,
Ог вунӧд босьтны ме.

КОМИ ГИЖЫСЬ КОТЫР
«ВОЙВЫВ КОДЗУВ» РЕДАКЦИЯ

Владимир ТИМИН

ЕДЖЫД РУ

ПОВЕСТЬ

Медводдза аддзысылон

«Тешкодтор сійө, шудыд! Нем виччысытөг усьö вылад да он и тöд, мый вöчны водзö...»

Демьян Иванович шöйөвошöмөн малаліс чунь помъяснас щö-касö, а син водзсыс кокни восьласөн ылысмис ок и лöсьыдик кокъяса ань. Ток-ток-ток... Джуджыд бöра туфлиа, вöсни коска, юрсиыс шавгысьöма. Оз и бергöдчыв. Демьян Иванович, вомсö восьтöмөн, зуйгöдчöма, сьölöмыс чеччыштны видзöдö, а веськыд киас — портфель, көні, бумагаяс костас, кос вина доз сюйыштöма. Дозйыд гөгөрвоана. А мыйысь сылы та ыджада шудыс?..

Час-мöд сайын на сійö, отделөн веськöдлысь, кольчис уджаланинас, медем лöньöдны ассыс кык уджалысьöс, кодъяс лункосмöсөн волісны öта-мöд выланыс, зыкисны, тайкö тышкöдз эз воыны. Яков да Öльöксан. Олöмаджык да том. Мый найö юкöны öти жырыын пукалігөн, Демьян Иванович эз тöд, и вöлі эськö веськодь, эз кö зыксысыясыс уськöдны асланыс тшетшкöдчöмөн сылысь, веськöдлысьылысь, бур нимсö. Гөгөр и сідз нин вашкöдчисны, мый Демьян Иванович вывті небыд оласа да оз вермы кутны колана ногөн уджалысьяссö, а тадзинад кутшöм нин удж. Чорыдджык ки колö отделас. Öткымын шуöмъяс волісны Демьян Иванович пельöдз.

Кык зыксысь асьныс и вöзйисны петан түйсö. Öльöксан ньöбöма коньяк доз чужан лун кузяыс, Яковкöд сёрнитчöмаöсь пасйыны чужан лунсö уджалан лун помассьöм бöрын асланыс кабинетын да корлыны веськöдлысьнысö. Демьян Иванович пырöмөн тшöтш и вöзйис, мед талунсянь некутшöм зык ни шум сэсся эз вöv отделас. Та вöсна и ырситісны морт ичöтик стопкаөн. Винаыд варов. Быдсямасö кутісны казътивны, кодлөн мый вöвлі, армияд службатö и. Яков да Öльöксан пукалісны орччөн. «Быттьö кык вок», — любöпырысь пасйис ас кежсыс Демьян Иванович.

Сьолөмъяс небзисны. Яков тәд ылә уськөдіс, мый Демьян нимыс, вуджөдны кө грек кывйысь, лоө «лөньөдысь». «И тайө збыль»,— бара пасйис ас кежсьыс Демьян Иванович. Аслас нимыслысь вежөртассө сійө, дерт, төдіс. Талунсянь отделис лөняс, а то өд олан ладыс дзикөдз нин вошліс. Со и юыштөмыд вермас бур вайны, сөмын кужны колө, кор, көні да кодкөд. И мый вөсна. Аслас сьолөмыс небзис, и мелі синъясөн Демьян Иванович видзөдіс то өтиыс, то мөдыс ылә. Асьсө кыліс ыджыд опыта дипломатөн. «Гашкө, тадз и колө нуөдны сёрнитчөмъяссө гырысь державясөн веськөдлысьясы?— весиг татшөм мөвп юрас звиркнитіс.— Юыштасны, варовитасны и лоасны бур ёртъясөн...»

Но... Коньякыд өдйө помассис, и Яков пыр жө син еджыднас видзөдліс Олёксан ылә.

— А тэ век жө генерал шынеля лейтенант,— крапкис-шуис сійө ёртыслы, кодкөд сөмын на казытылана сёрниасын ошкисны армияын служитан вояссө.— Вывті уна ас ылад босытан.

— А тэ чайтан асьтө Соломонөн?..

— Пызъян олөмөдыс вөрса порсь моз...

— Ме абу тэ кодь наян!

— Меөдз тэд ылын!

Демьян Иванович жугыльмис — коньякыд эз отсав. Мыйкө дыра пукаліс, кывзис, эз суйсьы өтарө пансьысь зыкас, сэсся сувтіс да тшөктіс, медем пырысь-пыр разалісны гортаныс. Весиг скөрмис.

— Ывла ылас верманныд ныр-вомнытө разьны өта-мөдныдысь, а татысь өти здукөн мед вөлі весасьөма. Öні жө!

Өдйө и разалісны. Веськөдлысьыдлөн кывйыс мөрччис, көть и юыштөмаөсь.

Весьшөрө сөмын коньяксө юкталіс. Аски бара мөдасны пурсыны. Та йылысь кывсяс ылынджык. Демьян Иванович, шуасны, оз вермы кутны киас некымын морта отделсө, и водзө кыпөдчыны туй лоө пөдса. А өд сійө том на. Син саяс, төдө, нимыс век на Дима. Абу эськө и Дмитрий, но нимсө дженьдөдөны тадзи...

Демьян Иванович ёрччыштіс аслыс кывмөн да петіс ывла ылә. Гортас сійөс некод эз вичысь — гөтырыскөд юкисны челядь абутөм вөсна, оліс өти жыръя патераын. Кытчө тэрмасыны? Демьян Иванович кежис сёян-юанөн вузасян лавкалань, ньөбис кос вина доз да мөдөдчис гортаныыс.

И со, воча сылы, нюмъялысь вом доръяса синмад шыбитчана ань, да сэтшөм авъя, шань, мый Демьян Ивановичлөн здук кежлө лов шыыс вошлі. Мукөддырйи кө, сійө эськө сөмын чөла дивуйтчыштіс этатшөм мичлун ылас, гашкө и синнас кольөдіс саявтөдзыс, но öні, коньяк бөрад, пөперегаліс туйсө, зуйгөдчис да сувтіс воча чужөм. Мый лоан — ло!

— Бур рыт! «Я помню чудное мгновенье...» Тайө абу тіян йылысь?

— Мый?— ань гөгөрвотөма видзөдліс сы ылә.

— Прөститөй. Пөжалуйста, прөститөй. Тані, карас, ме нэмсө ола, а татшөм мичасө эг на аддзыв. Тайө збыль.

— Но и мый?— ань дась нин вөлі мунны.

Демьян Иванович тувйыштіс юрас: аныыс кывйө сетчытөм, а сэсся и аслас вывтіасьөмаджык, гашкө, лои. Оз тадзи ков төдмасынтө. А кыдзи колө?.. Здук-мөд мысти аныыс мунас-вошас пыр кежлө. Сійө ыджыда лольштіс. Ыркйөдлыштіс шоныд төвру, ылын шуньгисны-кывтісны кокни кымөръяс, на гөгөр жөдзисны йөз, карыс оліс аслас рытъя олөмөн...

— «Но и мый?» Да, ті правось. Ме сөмын көсийи шуны, мый ті абу татысьось. Прөститөй, та вөсна и шыаси. Виль морт, мися. Сэссия... сэссия немтор. Вот.

— Да, ме Мөскваысь вои,— мича ань шуис тайө кывъяссө и пыр жө тыдовтчис, мый ньоти абу дөзмөма. Демьян Ивановичлы кажитчис сылөн вежөра видзөдласыс. Оз ышмы, оз тшапитчы. Виччысьомөн видзөдө сы вылө. Весиг нюммунөкодь.

— Могөн воинныд, а ме со дөзмөдча...

— Вежон кежлө и вои. Сідзсө өд ме Комиысь. Талун миян аддзысьом ресторанын, ёртъяскөд, кодъяскөд школа помавлі. Сэтчө и мөдөдча. Сёрнитчим лун-мөд сайын.

— Сэссия бара Москваө?

— Да.

— А тані коді тіян?

— Ай-мам. Нөшта чой.

— Ай-мамыд карсаяс?

— Мамө сиктысь, а ай менам немеч. Но, позьө шуны, роч нин. Öнi весиг и комисө төдө.

Со кытысь мичлуныс аньлөн. Демьян Иванович коркө кывліс, мый татшөм гозъяыслөн челядьныс мичаось.

— Вежон мысти и мунанныд нин Москваад,— жалпырысь артмис Демьян Ивановичлөн. Сылы окота лои асланьөдны аньсө. Коньякыс отсасис на сёрнитнысө. Аньлөн вежөра видзөдласыс көнкө морөс пытшкас мөдіс гильөдана, чөскыда зөлитны. «Эз мун пырысь-пыр, сулалө да кывзө менсьым изөмөс»,— бара югдыштіліс юрас. Но колө вөлі мыйөкө воны, кытчөдз эз разавны, кытчөдз эз вошты пыр кежлө этатшөм дивөсө.

— Менам эм вөзйөм,— гөлөсыс Демьян Ивановичлөн дрөг-муні,— пыралөй аски ме ордө, менам эм Коми йылысь уна рөма бур альбом. Козьнала, мед энө вунөдөй Москваад ас чужан мунытө. Пыралөй уджалан кабинетө, рытланьысджык. Верманныд кө. Ёна кора.

И висьталіс, кытчө-мый пырны.

— Бур. А гашкө, тайө абу зэв лөсьыд?

— Лөсьыд. Ме виччысьны кута. Лоа зэв рад. Кыдзи тіянөс шуөны?

— Людмила.

— А менө Демьян Иванович. Демьян.

— Шоч ним.

— Озджык вун.

Демьян Иванович гортас эз кор: өти-кө, тайөн вермас дзугны ставсө — коді нө локтас сылөн патераө татшөм дженьыдик төд-масьом бөрын. А мөд-кө, Людмила аддзас, мый сійө, Демьян Иванович, пукалө ыджыд пызан сайын, сылөн аслас телефон, гөгөр-воас: олөмас сійө абу медбөръяяс лыдын. Москвасаыд сюсьось.

— Аддзысьлытөдз,— Людмила мөдөдчис мунны,— менө виччысьөны нин.

— Аддзысьлытөдз,— Демьян Иванович смелмөдчис да нюжөдіс кисө.— Онө лөгасьөй, висьталам кө ёрта-ёртлы ассьыным телефонъяснымөс?— сійө пыр жө висьталіс уджыввса номерсө.

Людмила эз нетшышт кисө и висьталіс ассьыс номерсө.

— Тайө ай-мамлөн.

Нюммуніс и тэрыб воськовъясөн мөдіс ресторанлань, көні, сылөн кывьяс серти, виччысисны школадырся ёртъясыс.

Аньлөн бөръя здукас шоныда видзөдлөмыс долымөдіс сьөлөмсө.

«Аттö шуда лун, аттö шуда лун»,— долис аслыс Демьян Иванович. Сійö радейтис öнi став мирсö, весиг Яковöс да Öльöксанöс. Карöдыс ветлöдлiс шондi лэччандорöдз, некодöс казаявтöг.

Мöд аддзысьлöм

Луныс заводитчис уна лыда кабалаяссиянь, помся триньгис телефон, пыралiсны-петалiсны йöз, асьсö Демьян Ивановичöс корлiсны некымынысь чинаджыкъяс, но öбед бöрын, рытланьыс, сійö йöртчис ас кабинетас, пызан саяс, и быд шыасьöм вылö воча-видзлiс:

— Талун ог вермы — аски... Некор... Тайöс колö выль пöв мöвпыштны, шыасьлöй аски либö лун-мöд мысти... Аддзысьлытöдз!.. Став бурсö!..

«Эськö Людмила кö шыасис,— ышловзис Демьян Иванович.— Тöрытъяыс нö вöт али вемöс вöли?..»

Уджалысьяс заводитисны нин разавны: кодi кадсьыс водз — гусьön сорөн, а позяна здуксяньыс — гораа варовитöмөн, шмонитöмөн, ёрта-ёртныслы быд бурсö сиöмөн.

Телефон чöv оліс. Демьян Иванович видзöдлiс некымынысь ыджыд öшинь пырыс ывла вылö — лөнь гожся рыт, тöv ни ру. Сэссия ветлöдыштiс öтарö-мöдарö дзуртысь джоджöдыс, видзöдлiс стенин öшалысь гудыр рöма серпас вылö (гашкö, сё во нин танi öшалö), виччысьыштiс нöшта, и, быттö кöдзыд ваö суніс,— босьтiс кабырас телефон кудсö да заводитiс öктыны колана номер. Шыасисны мöдар помас пырысь-пыр. Демьян Ивановичлөн сьölöмыс мöдiс тiпкыны пöшти кывмөн.

— А-а... Видза оланныд! Меным Людмилаöс, позьö кö. Кодi тайö? Тöдса. Сылөн бур тöдса. Пöжалуйста! Ми сёрнитчылiм. Со и... Пöжалуйста!

Чöv-лөнь пуксис. Кылö, трубкасö пуктiсны мый вылö кö. Эз дугöдны сёрнисö.

Некымын здук мысти шыасис Людмила. Сыöдз сёрнитöма чойыс, кодi олö ай-мамыскöд. Ставыс пö лючки. Тöрыт бура пукыштöмаöсь ресторанын школаса ёртъясыскöд, а йитчыны телефон пырыс талун абу лысьтöма. Гашкö пö, тöрыт тi шмонитінныд.

— Эг! Эг шмонит!— повзис Демьян Иванович.— Ме виччыся тiянöс, Людмила. Коми йылысь альбом тiянлы дась, со ме водзын сійö. Волöй! Быть волöй! Ёна кора.

Воча кылiс: «Бур». Людмила юалiс, кытчö сылы пырны, лэдзасны-ö, а сэссия пуктiс трубкасö.

Демьян Иванович дась вöли лэбовтны восьса öшиньöдыс Людмилалы воча. Сійö чеччыштiс местасьыс, мöдiс тэрыба восьлавны стенись стенö, окота лои петны ортсö, лолыштны тыр морöсөн да вочаавны Людмилаöс медйöзаинас: «Видзöдöй! Тайö ме, Демьян Иванович, аддзи этатшöм мичаысь-мича аньöс, шондi югöра, лы пырыс вемыс... А мый? Ме и ачым сы дон сулала...»

Мöвпъяс орласисны, и, кор Людмила восьтiс, таркöдчыштöм бöрын, öдзöссö, Демьян Иванович дзикöдз базмис.

— А-а, тайö тi, пырöй,— со и ставыс, мый сылөн артмис.

Людмила виччысьöмөн видзöдiс сы вылö. Платтьöйс морöс потасöдзыс восьса, яйыс тыдалö, шыльыд кокыс зэв вылöдз мытчысьлö — лолыд мытшасьлö.

— Видза оланныд, Демьян Иванович!

— Видза,— төрыт тыр нимөн висътассьома, югнитіс юрас,— видза оланнды, Люда. Син сайын, веськыда висътала, менө Димаөн шуоны. Позьо и тиянлы тадз.

— Но ті жө абу Дима. Дима — сійо Дмитрий.

— А менам дженьыд нимой кыдзи?

— Дема, Демушка. Позьо Деми...

— Абу на и лёк. Ті Люда, ме Деми.

— Лосьыд-ө тадзсө, ми өд сөмын на төдсаөсь.

— Сөмын? А төрыт?

— Төрыт вөлі төрыт,— Люда явө ворсөдчис, но сылы быдтор муніс. Сёрни шыыс весиг Демьян Ивановичлы кажитчис — мелі, муса. Сійо корис Людаос пуксыны.

Сёрнитісны эз ёна дыр. Оттор-мөдтор. Уна рөма серпасъяса альбомө ковмис кырымасыны, тадзи Люда тшөктіс. Нуа пө Москваө, сәні кута видлавны, кор лоө гажтөм чужан муысь. И виччысьтөг юалис:

— А кыдз ме тэнө аттьоала, Деми?

«Деми» эськө и төдіс, кыдзи колө аттьоавны, но эз лысьт немтор вөзйыны. Оти здукөн дзуган ставсө. Сөмын кызөктыштіс. А сьөлөмас өзйис вирби. «Өні и дырийыд, мый сәсся виччысьны? Минут мысти нин ковмас каитчыны полөмлунсьыд. Со тайө здукыс, мый нөшта виччысян?..»

Сійо тэрыба сывйыштіс стен дор улөс вылын пукалысь Людмилаөс да чуп окыштіс небыд пөсь вом доръясас («мый лоан — ло»). Людмила нинөм эз шу, и Демьян Иванович окыштіс мөдысь. Одзөс сайын кылісны воськовъяс, и ковмис зэв өдйө вешйыны. Пырис («сөтана пызыд») былькъя синма Яков. Сійо көсөйтчыліс гөрдөдөм чужөма анялань, сюся видзөдліс аслас веськөдлысь вылө — нинөм торъясө быттө эз казая: тайө кабинетас быдсяма йөзыс пыравлө — гөлөс кыпөдлөны, серавлөны и бөрдлөны, а өні со, тыдалө, вензьөмаөсь — чужөмныс кыкнанныслөн банйыштөма... Мый йылысь збыль вылас мөвпыштіс Яков, Демьян Иванович, дерт, эз төд, но сылы окота вөлі, медем Яков мөвпыштіс буретш тадзи. Видзөдласъясныс налөн вочаасисны.

— Онө кө өлөдөй Ольөксанөс, Демьян Иванович, миянөс катша и рака сералас. Ті сөмын видзөдлөй, мый сійо вөчө. А шуан мыйкө сылы — быттө пуө изйөн лыян. Тадз водзө оз позь,— Яков бара видзөдліс Людалань,— менам ставыс.

И петіс. Демьян Иванович колльөдіс сійөс дөзмөм синъясөн. Аддзөма кад пырны.

— Люда, тэ эн дивит, но со мый вөчсьө. Абу нин уджалан кад, а век на суйсьөны-пырөны. Менам эм вөзйөм: ветлам ме ордө. Тайө абу зэв ылын. Ола өтнамөн. Патераөй неыджыд, но төрам.

— А мыйла өтнад?

— Сідз артмис.

Демьян Иванович дженьыдика висътасис ас йывсьыс: челядь эз лоны, а гөтырыскөд олісны шум да зык, со и разалісны. Ачыс өні олө лөня, кортөм пырысь некод абу.

Люда бергөдлыштіс юрнас, ог пө мун. Но чөскыда окасьлөм өзтіс нин поводнөя. Вирыс и лолыс кыскис Людалань.

— Ті ордө огө мунөй,— шуис ань. Шуис небыда, весиг нюм сорөн, но сідз, мед гөгөрвоана вөлі, мый сійо Демьян Иванович ордө оз мун.

— Но мыйла?

— Огё.

— А гёститны кё ветлам?— чинысь надеяён юалис Демьян Иванович.— Менам эм бур ёрт, учёной, весиг наукаясса кандидат нин.

— Сэтчö позьö, — пöлынтьліс юрсö Люда.

Со и гөгөрво аньястö: татчö ог мун, сэтчö муна. Мед дзикöдз не кусöдны нэриник биён дзузгысь шудсö, Демьян Иванович весиг телефон трубкаö эз кутчысьлы — оз кö артмы ёртыс ордö волöмыс, позяс пыравны ресторанö, кафеö либö кöть нин кино-театрö. А сэн сэсся тыдовтчас.

— Со и бур. Ветлам. Тайö абу жö ылын.

Люда чöв оліс, а Демьян Ивановичöс выльöн чужöм кыпыдлуныс бара йöткыштис оқыштчыны. Буретш сійö жö звукас кабинет öдзöссö öдöба восьтіс Öльöксан. Ыджыд, ён, лöсавтöм гыр кодь. И скөр.

— Яков пыралöма татчö! Сісь кывнас суклясис, кöнкö, пöттöдзыс. Оз позь сылы вöля сетны. Демьян Иванович, сійö зэв наян, ті асьныд...

Öльöксан тшöкмуніс, кор аддзис, мый отделён веськöдлысьныс векуштитис, быттö пинь висьöмысь. Видзöдліс бокын пукалысь Люда вылö. Ань повтöг видзöдліс воча. Мыйкö югзыштис Öльöксан юрын, шуис: «Мöдысь пырала», и петіс öдзöс тырнас, кыдзи и пырис.

«Кодсöкö вöтла удж вывсьыс», — ас кежсьыс кывкöрталіс Демьян Иванович.

Ёртыс ордö мунігмоз, Демьян Иванович недыр кежлö пыравліс сёян-юанён вузасян лавкаö, а кор петіс, аддзис, мый кутшöмкö том морт крукасьöма нин Люда дорö, нюмъялігтыр видзöдö сы вылö, шуасьö мыйкö. Тайö скöнь эз кажитчы Демьян Ивановичлы. «Со öд мичлуныд мый вöчö, звук кежлö оз позь кольны», — мöвпыштис сійö, лолыштис пыдісянь да гырысь воськолён матыстчис варовитысьяс дорö. Синнас петкöдліс Людалы, мый колö мунны водзö.

— Став бурсö ме сиа тіянлы, став бурсö, — ки пыдöссö морöсас топöдöмөн, сьылігтырйи моз быттö, шуис том морт. Демьян Иванович вылö синсö эз чöвтлы. И ылыстчис. Öтчид бергöдчыліс на. Людалань.

— Коді тайö? — юалис Демьян Иванович.

— Ме ог тöд. Матыстчис, сөрö мыйкö.

— Мыйджык сөрö?

Люда серöктіс.

— Энö дöзмöй. Ті моз жö корö ветлыны ас ордас.

— А ті?

— А ме ті вылö ыстыси, мися, виччыся верöсöс.

Бөръя кывъясыс лөньюдыштисны Демьян Ивановичлысь сьöлöмсö.

— Москвад, кöнкö, тырыс татшöм войтырыд? Мичаястö öдйö казялöны.

— Сэнi и ме кодыд тырыс...

Ёртыс, гөгөрвоысь морт, дженьыда чолöмасьöм бöрын, пыр жö заводитіс пасьтасыны. Торъя нинöм эз юась.

— Ме кора прöща, но лöб быть тіянöс эновтны. Уджаланінным мян öні — кодзувкоткар, выльунö восььö симпозиум. Шеф мян инас оз öшйы. Со, корö бара.

— Абу лöсьыд. Гашкö, пукуштам. Виччысьлас шефыд.

— Ог вермы. Ачыл тѳдан, кор мунан пыжѳн, сыныскѳд эн вензы.

— Сідз эскѳ да...

— Мый колѳ, Демьян Иванович, ставсѳ аддзан этайѳ еджыл кѳзѳдсыс.

— Аттѳѳ, миян ставыс эм, мый колѳ. А век жѳ тѳ...

— Меным збыль колѳ мунны. Тѳкѳтѳѳ войнныд кѳ сѳрѳнджык, менѳ эскѳ энѳ нин суѳй. Бѳрынджык ме, гашкѳ, матысма. И тѳ, Люда, менѳ энѳ жѳ дивитѳй. Аддзысылтѳдз! Дыр кѳ ог лок, мунѳганыд клопнитѳй ѳдзѳссѳ — ачыс игнасяс. Менам горт — тѳян горт. Татчѳ некод оз лок. Гѳтырѳй дзѳля пикѳд тасянь ылын, Россиян. Отпускѳ петѳс. Регыл ме мѳдѳдча жѳ налань, тѳѳща ордѳ.

И мунѳс.

Демьян Иванович первойсѳ шѳйѳвошлѳс сыыс, мый Людакѳд колысны кыкѳн, но югыд «Мартини» видлѳм бѳрын, а Люда юыштѳс тшѳтш, бара збойруѳн тыри, матыстѳс асланьыс раммѳм аньѳс да сывѳйыштѳс. Чѳла видзѳдѳсны ѳта-мѳдныслы синмыс синмѳ. Окыштчисны. Сѳсся Демьян Иванович малыштѳс морѳссѳ да судзѳдчис окыштны медѳеджылдѳнъяссѳ.

— Деми,— пыдѳа лолыштѳс Люда.— Эн менѳ лѳкѳд. Тѳ меным кажитчин пыр жѳ. Ог тѳд мыйѳн. Ме эска тѳныд.

Быттѳѳ выя бордѳѳн мавтыштѳсны сѳѳлѳмсѳ Демьян Ивановичлыс. Тѳралыс тѳрыб чуньясѳн сѳйѳ мѳдѳс корсысыны. Люда эз водзсас. Кор аддзис, мый Демилѳн оз ставыс лючки да ѳдѳй артмы, сѳйѳ ачыс шуркнитѳс-пѳрччис паськѳмсѳ да юалана синъясѳн видзѳдлѳс сылань. Водзѳ кыкнаннысѳ кыскис муслун гыыс...

Пемдандорыс нин кыштым-каштым пасьтасисны. Сѳѳлѳмныс бурмис, лѳнис, и сѳрниныс вежсис.

— Кык пѳѳс быдта,— юѳртѳс Люда.— Уджала Минлепром институтын, верѳскѳд тшѳтш. Сѳнѳ и тѳдмасьлѳм.

Демьян Иванович эз торкав сѳрнитысѳѳ, гѳгѳрвоис, мый сылы шыасыны абу быть да оз и ков. Сѳмын кос гѳгѳрыс Людаѳс кутыштлѳс да кадыс кадѳ кысгыштлѳс румкаясѳ дѳна вина — югыд, чѳскыл «Мартини».

— Да, да,..— сѳмын и артмылѳс сылѳн. Висьтась пѳ водзѳ.

Корѳс чегьялан тушаа, кос, лыыс да кучикыс пѳ сѳмын верѳслѳн. Муртса лолыс ѳшѳйѳ, но кырымыс век ылын. Кинас волѳ. Чаль дон оз сулав, а ме пѳ и эм мортыс. Квазимодоыс на мисьтѳмджык. Верѳс сайѳ петѳ, мися, кѳть бѳкѳ оз мѳд котравны, век нин гортын лоѳ,— Люда ышловзис.— Сѳмын тай эз ло тѳдз. Ай ур кодь, гортын оз и овлы. Кодкѳ на и видзѳдѳ этатшѳмыс ылѳ.

— А водзтѳ радейтлѳс?

— Ульдлѳс и кысгытлѳс. Но недыр.

— Мый лои?

— Ог и тѳд. Мыйѳн челядь лоисны, сѳйѳ вежсис. Видзѳдѳ ме ылѳ гортса рѳбѳтнича ылѳ моз. А уджалам ѳтмѳза,— Люда ышловзис,— оз весь висьтавыны, кодлѳнкѳ шудыс чукойѳн тыр, а кодлѳнкѳ и чуньлыс пыдѳсын абу. Морт туйѳ оз пукты.

— Шоглы кѳ сетчан, унджык шог чѳжан,— суйыштѳс Демьян Иванович кыскѳ кывлѳмтор.

— Да ме эскѳ ѳд бур кузя, бурѳн. Мед Квазимодо кѳ. Мичлунтѳ он нюв. Но ачыс мортыс оз нин вежсы, сѳдзи и лоѳ — шог ни мог сылы. Со татшѳм менам олѳмѳй, Деми. А татчѳ волѳмыс праздник кодь.

Демьян Иванович велалѳс нин джын нимѳн шуѳмас. Вочавидз-

ны эз тэрмась, корсис стрёка суюыштны кыв, бурёдыштны сёлём
вылас зэв ёна воысь аньёс. Вёскалёма со чорыд кипод улё да
олё, быттё гым-чард улын.

— И тэлань шондйыс бана лоё,— эскөдіс сійё Людаёс.— Петан
на тыр-бур олысьё. Но тэ кө эськё көсйин... Тэ кө вермин..,—
Демьян Иванович тшөкмуніс, сійё көсйис восьтыны асьыс гуся
думъяссё, но эз лысьт. Ачыс эз казав, кыдзи «тэ»-өн кутіс шуны
аньёс.

Люда жугыля нюммуніс:

— Отар берегысь йоткыштчи, а мөдар берегас, позьё шуны,
эг во.

— Тэ меным зэв сёлём серти, Люда,— эскөдан гөлөсөн шуис
Демьян Иванович да бара ас бердас топөдіс Людаёс.

«Демі, Демі, Демі...»,— сөмын и пөся вашкөдіс выльысь öзйөм
ань.

Коймөд аддзысьмөм

Мөд бур ёрт эм Демьян Ивановичлөн — асьёс гижысьөн шуё.
Гижё и корсюрё весиг йөзөдлөны — газетын. Сэки локтас йөзөдөм
гижөднас Демьян Иванович патераё и рытбыд кыкөн варовитө-
ны онъя литература йылысь. Юрий, тадзи шуоны ёртсё, норасьё,
мый енбиа йөзлы туйсё потшөны и таысь литература ёна ворссьё.
Югыд доз сайын, дерт, варовитөны. Но татшөм аддзысьмөмъясыс
овлөны онас кыкысь-куимысь, та вөсна онъя литература вөчны
алкоголикөн некоднансё оз вермы. Юрий висьтасьё, Демьян Ива-
нович кывзё, и гижысь ёртыслы тайё ёна кажитчө. Од сы син
водзын лыддысьысь, сылысь уджсё донъялысь. Мунігас ас ги-
жөда газетсё век кольё.

Учөной-ёрт ордө волөмсянь мөд лунас нин Юрий звөнитіс
Демьян Ивановичлы да зэв кыпыд гөлөсөн юөртіс, мый газетын
йөзөдісны сылысь висьт. Сы йылысь, кыдзи гожөм заводитчигөн
вугыр вылё шедөма сир, и сирсё гортас воигөн козыналёма төдтөм
пөчөлы. А пөчөыс төдысьөн вөлөма! Шуда анькөд пө аддзысьмөм
тэнад лоё. И збылысь! Зэв кыпыд руа, визув анькөд пө төдмаси.
Настяөн пө шуоны. Шудсё ме сета, а сійё — меным. Лөсялө!

И со, Юрий корё Демьян Ивановичөс ветлыны ай-мам дачаё,
Тылаюё. Талун! Карсянь тайё ылынокдь, но ми пө войколөн. Ёна
корё тшөтш ветлыны. Демьян Иванович эськө пыксьыштіс: сөмын
пө мешайта тэныд да Настяыдлы. Да од празникыс пө кык пөв-
ста: висьт йөзөдісны, и Настякөд лои төдмасьёма. А тэ пө менам
бур ёрт.

Демьян Иванович думыштчис. Войколөн, дерт, позьё ветлыны,
аски субөта, но од сылөн аслас ань — муса и дона. Юрсьыс оз
пет. И лун-мөд мысти нин бөр мөдөдчө Москваас. Унатор йы-
лысь на колө сёрнитны. Та йылысь и восьсөн висьталіс Юрийлы.
«А тадзнас нөшта на бур!— Юрийлөн телефон трубкаас горө-
дөмсьыс Демьян Ивановичлөн пельыс тайкө эз чунав.— Людатө
кор тшөтш. Мунам рыгья автобусөн, пывсян ломтам, пукыштам,
варовитам. Ме висьтөс лыддя. А сэсся од Настя... Ме эг на гөт-
расьлы ни өтчыдысь, ог төд, кыдзи сёрнитны. Отсалан. И Люда-
ыд отсалас».

Ставыс мөдарё бергөдчис. Талун на Демьян Иванович көсйө
вөлі Людаёс ас ордас корлыны. Гарыштіс та йылысь, и Люда ёнасё

быттё эз нин и пыксы. А, мёд боксянь кё, гижысь ёртлы коло жё отсыштны. Гётрасьны кёсйё. Кад нин. Дыр бурлакаліс, ай-мамыс нин тойлісны та вылё, кыз вермисны.

Йитчис Людакёд, и сійё кокниа сетіс сёглас. Быттё виччысис корёмсё. Мед и сідз лоё.

Тылаюё мёддчисны рытъя автобусён. Демьян Иванович дорё Юрий шыасьліс нимнас, Демьянён. Ачыс сійё уджалё кёнкё «Связь» кантораын, аслас машина абу на жё, но ёні пё лоё быть, тадз юёртіс нюмъялысь Настялань видзёдомён. А Настя, пёльтчём морёсьяса топыдик ань, вашъяломён жё кывзис варов верёспуыслысь сёрнисё. Аньяс пукалісны тыр йёза автобусын, а йёзён то-пёдём кык ёрт сулалісны орчён. Кыкнанныс кышyd руаёсь. Кок уланыс мышногъяс сёян-юанён, водзын найёс виччысис гажлун, выль олёмё пырём. Сьёлём выланыс лёсьыд. Тадз эськё лэбны олёмёдыс төв нбылыд, кывтны ва кывтчёс! Весиг йёз костын жёдзёмыс кажитчис том йёзлы вёвлытём ыджыд шудлань вочасён матысмёмнас.

...Пырисны стёкан кодь лёсьыдик кык судта керкаё, уліас кык жыр, выліас — ёти, йиркыс топалё керка вевт сертиыс. Пыр жё ломтісны пывсян, Юрий сувтёдіс ывлаас шоддза яй дасьтан кёрта кёлуй, пестіс би, тэчаліс гартола сутугаяс, кытчё пысалёны яйсё. Аньяс лёсьёдісны пызан, зілісны петкёдлыны ассьыныс идёрлуннысё. Шмонітісны, сёрнитісны нбылыда. Настя восьсаджык быттё Людаысь, мыйкё шуасны да кысьтё-сералё, пуртён ворсё-вундалё ёгурчи, помидор, лук. А Люда ньёжмыдджык, нюмсера жё, сьёлёмсянь ставсё вёчё, оз тэрмась.

Юрий гораа вёзйис «пёрёдны» морт румкаён вайём «Мускат». Некод паныд эз ло. Гажёдчыны воин, сідзкё сольнитчы ёртъясыдкёд: кызди найё, сідзи и тэ. Мый сьёлёмыд кылё, сійёс и вёч. Сэки долыд лоё, личалан, шойччан.

— Тіянлы кузь нэм да бур шуд! — сиис Демьян Иванович.

— Тіянлы тшётш, — Настя кыкнанныс нимсянь тадзсё шуис, сідзкё гылыд туй вылынёсь Юрийкёд.

— Аттьё, ёртъяс!..

— Э-э!.. Водзджык на гырыся шуасьнытё, — өлөдіс Юрий. — И бурыс лёсялё сёмын ас кадё. Вайё тадз: ті мунанныд пывсянё, Демьян да Люда, а ми тані пызан гёгёрыс ноксыштам на. Ті гёстыяс, уна уджёдны оз позь. — Но-но-но!.. — бара өлөдіс ёртсё Юрий, кор казяліс, мый сійё паныд сувтё. — Видлөй миянлысь пывсяннымёс, мый сэсья шуанныд. Гашкё, и аслыныд татшөмёс жё кыпёданныд. Вола отсавны. А ёні ньёжйёник позьё нин мунны. Корёсьяс аддзанныд. Мунөй син водзысь!

Демьян Иванович лолыштис пыдіа да юалана видзёдліс Люда вылё.

— Позьё, — шуис Люда, и ачыс видзёдліс воча, быттё кёсйис шуны, мый ва вуджём бёрын нинём нин ваысь повны.

Разалісны. Пывсянё пырём бёрын Демьян Иванович горша апыштис сьёлём бурмёдан шоныд сынөдсё и бара сывтырнас сывйыштис Людаёс. Тайё эз вёв быд лунся олём, найё пырисны мойдё. Топёдчёмён дыр сулалісны чёла, сёмын окыштчылісны. Вежөрнысё чөвтисны бокё — найё абу Юрий да Настя, кодъяс регыд нин отлаасясны. А налён олём туй визьясныс водзё вылё вожалёны да вошёны кытчөкё енэжтас саяс. Быттё нинём эз и вёвлы... Нинём? А тайё матыслуныс, ота-мөдөс кыв шутөг гёгөрвоёмыс? Юрийлён пывсяныс?..

Демьян Иванович тэрмасьомён мөдiс пөрчөднү Людаос. Мөдыс ньөти эз водзсась, мөдарө, отсасис на.

«Пывсьөд менө»,— вашнитiс Люда, и Демьян Иванович корсялис пөттөдзис. Люда сөмын акайтiс. Тайө вөли өта-мөдөн любуйтчөм, муслунысь ворсөм. Некоднанныс эз кывны ас пытшсьыныс некутшөм мыж. Комияслы пывсяныд — оланногыс, та йылысь ичөтдырсянь юрад тувъялөны. Но Демьян Иванович думнас вөчис воськов водзө: «Война вылын да мусукасигөн быдтор позяна...»

Кор ставөн пывсисны, пуксялисны ывлавывса пызан сайө, сөйисны вом доръястө сотысь шоддза яй да кылөдiсны сийөс чөскыд «Мускатөн». Юръяс лөсьыда кольмисны. Юрий синсө эз вештыв Настялөн банйөм гөгрөс чужөмысь, мөдыс яндысискодь, но син потшөсөн потшөмыс сылы явө кажитчис. И нюмъевтлiс верөспуыслы лышкыда, дэльөдана. Деми да Люда пукалисны өта-мөд дiнас топөдчыштөмөн, эз тэрмасьны быдтор кузя суйсьыны сөрний. Вирбиныс, төдчө, лөнъыштөма.

Юрий лыддис газетын йөзөдөм висьтсө. Ошкисны румкаяс кыпөдөмөн, сиисны творчествоын выль вермөмъяс. Юрий копиртлiс юрсө.

— Позьө и дженьыда ошкыны, шуйө мөд Чеховөн, О Генриөн, и мем тайө тырмас,— раминика сигөртiс та кузя сөрнисө и окыштiс Настяос.

— А вайө сылам!— виччысьтөг вөзийис сэсса Настя, и пыржө заводитiс өтнасөн сывны уналы кажитчана пызансайса сыланкыв:

**«Ме ю шөрө пета
Да бакенъяс өзта,
Мед прөйдитас сэт теплоход.
Выль төлыськөд өттшөтш
Горт пристаньö чеччас
Лөз синъяса төдса пилот...»**

Пөльтiс небыд лун төв, окота вөли и сывны, и дурны, и сьөлөм восьтыны ёрта-ёртлы. Торъя сөрни эз и артмыв, но аминь лөсьыда пукалисны: шу, мый косьян, мый лөсялө здукыслы, и тайө лоө медся бур. Демьян Иванович заводитлiс өткодявны Юрика-Настяос аскөдыс, Людакөд, но эновтчис: Настя Юрийлөн гөтырпу. А Люда?.. Öтитор гөгөрвоана: талун тшупөда лун, и сийө некор оз пет юрысь, некор оз вун...

Настя мичаа нюркйөдлiс-сьылис. Мый сьөлөмнас кылис, сийө и чужөм вылас төдчис. Бандзибъясыс ымралисны. Дерт, сийө вөли водзын нуөдысьыс, запевалаыс, а пукалысьяс бөрсяныс левгисны-сьылисны, кыткө төдөны, кыткө оз.

Сэсса мукөд сыланкывъяс юргисны...

— Да тэ енбиа ань! Выль Валентина Есева! Выль Логинова!— эз вермы кутчысьны Демьян Иванович.— А? Кыдз тэ ногөн, Люда?

— Тайө дивө. Сьөлөмөс веськөдi. Сылышт нөшта, Настя, меным сьылөмыд, гашкө, медъёна мөрччө. Öд регыд туйө петны. Кор и тэ, Деми, мед нөшта сьылас.

И юргис на уна сыланкыв, весиг частушкаяс лөсiсны, кодi мый төдө.

— Савинлысь «Мича нывъяссө» вайө горөдамөй!— вөзийис гажмөм нин Юрий.— Менам батылөн тайө медрәдейтана сыланкыв.

— Ачыд он сыв-а,— дивитіс сійӧс Настя.

— Ме кывза,— паськыда нюммуніс Юрий.— Но верма и отсыштны.

— Ӧдӧбтам либӧ, ме горӧда, ті вӧтӧдӧй.

Нель гӧлӧсӧн ӧттшӧтш заводитісны сывны, но мӧдіс мӧрччыны «Мускатыд» и лои дугдыны.

— Ак, сё морӧ, эз артмы!— серӧктіс Юрий.— Либӧ ми этша на юим, либӧ вывті нин уна.

— Ссыланкывйыс ылӧ на мунӧ. Но ті улі зэв босьтінныд и сьӧкыд лои лэптыны. Нинӧм, ӧтнамӧн кута сывны,— кӧсйысис Настя. И кутіс сетӧм кывсӧ.

Рытыс коли ӧдйӧ. Ыркаммис. Вывсянь кӧдзыда югзис тӧлысь — бурлакалан шонді.

— Мый нӧ, гашкӧ, пырамӧй. Юр сюянін колӧ лӧсьӧдны,— шыасис Юрий.

— Ме вӧзъя подӧн мӧдӧдчыны карӧ.

Тайӧ чуймӧдіс ставнысӧ Люда.

— Подӧн?!— Юрийлӧн весиг горӧдсис.— А тэ тӧдан, мыйта лӧӧ мунны. Узям бура да аски асывнас зэв лӧсьыдика карад лэччам.

Демьян Иванович чӧв оліс. Сылы таӧдз юрас эз воы, мый Тылаюсянь карӧдз позью мунны подӧн.

— А мый! И лэччам!— кыпыда горӧдіс Настя.— Кокъяс веськӧдыштам.

— Но-о, ёртъяс,— Юрий видзӧдліс Демьян Ивановичлань, отсӧг сысянь виччысис.— Да ті тӧданныд, кор ми воам, асывнас сӧмын. Ӧд огӧ жӧ мӧдӧй тэрмӧдлыны миянлысь мича аныаснымӧс.

А Людалы быгтӧ пытш пырӧма: «Мунам и мунам...»

— Мунам подӧн, Деми. Татшӧм рытсӧ колӧ сьӧрысь нуны. Мӧдысь татшӧмыс, гашкӧ, оз ло.

— Мыйла оз ло? Мӧд рытӧдз на вермам тан овны. Ас саяным ставыс,— Юрий эз на эскы, мый карӧ ковмас петны подӧн.

И век жӧ ас нырвизьсӧ Люда кутіс помӧдз. Тэчсисны мышнопгяснаныс. Идрасисны. И мӧдісны. Бӧрынджык Демьян Иванович некор эз каитчыв подӧн мӧдӧмсьыс. Збылысь Люда шуис, мый мӧдысь татшӧм рытыс вермас и не лоны. Медым сэсса войбыд та ылаस्याнь подӧн тшолксӧдны-мунны. Настя туй чӧж сьыліс, сы мында сьыланкыв вӧлӧм тӧдӧ! Корсюрӧ кежавлісны туй бокӧ, кыскылісны румкаяс да сёян-юан. Ырснитлісны винатор, чипыш-кокыш сёйыштлісны босьтӧмсьыс, мый ки уланыс сюрас ноп пытшсьыс, и — бара водзӧ. Варовитісны, Настялысь сьылӧмсӧ кывзисны.

Демьян Иванович любуйтчис Людаӧн — кутшӧм сійӧ кыпыд руа да збой, водзӧ нуӧдысь и сэк жӧ кывзысьысь да быд дум гӧгӧрвоысь. Синмӧ шыбитчана, статя, мича. Юрий весиг гусьӧн сорӧн видзӧдлывлӧ, но таысь Демьян Иванович ньӧти оз дӧзмы — мичлуныд казьялӧм ылӧ и эм. Сьӧлӧм кылӧмыс шонтӧ: сьлӧн тайӧ мичлуныс, ставнас сьлӧн. Ачыс ас син водзас весиг кыпӧдчис: тайӧ шань, мича нывбабаыслы тшӧктас — и сувтасны, окыштчасны, сывъясьласны, ышӧдасны ӧта-мӧднысӧ ӧзтана кывъясӧн.

Воисны карӧ вит час асылын. Ӧдйӧ и разалісны, кӧсйысисны регыдъя кадӧ, Люда мунтӧдз на, аддзысьлыны бара. «Бур, бур, ме абу паныд»,— шуис Люда и янсӧдчан здукӧ окыштіс аския гозьяӧс — ӧтисӧ и мӧдсӧ.

Демьян Иванович нуӧдіс муса аныӧс ас ордас. Юалис, оз-ӧ май-

шасьны ай-мамыс, чойыс. Сероктіс, оз пö, менö кутысь абу, да и висьталі, мый муна школадырся нывъерткөд сылөн дачаö. Вой-колөн. Сэсся, кортöг и тшөктытöг, пөрчысис югыд шөвкөдз.

И вöлі асыв, и вöлі лун. Найö эз видзöдны часі вылö, кадыс налы сувтіс...

Коркö, лун сьöмөсас нин, Люда вашнитіс:

— Воа тэ ордö кыкнан пикöд. Примитан?

— Да,— чорыда шуис Демьян Иванович.

— Аттö...

Нёмöд аддзислөм

Öти бөрся мöд кыссьыны мöдісны öткодя гажтöм лунтьяс. Люда муніс Москваö, колльöднысö эз тшөкты. Колис сöмын адрессö. Виль районын пö ола, метроөн кө воны, медбөръя станцияыс. Сідз шусяна узян-олан район. Москвалөн картаыс Демьян Ивановичлөн вöлі, и сійö дыр корсис мусмöм аньлысь олан пельöссö. А со! Пельöс и эм. Бара сьöлөмыс чечавны мöдіс. Пырав пö, волан кө Москваас. «А верöсыд?» — «Сійö оз юась, морт кө воис Коми-ысь. Ачыд аддзан менсьым оланногöс. Пукыштам. Чай юам. Рыгтьяснас верöс век көнкө довъялö, некор оз висьтась, көн. А воас кө, тöдмöда». Медбөрын и телефон номерсö сетіс, но Демьян Иванович эз көсйысь ни пыравны, ни йитчыны телефон пыр, абу пö лöсьыд. Лолас кутшөмкө кутöдъяс эз лэдзны. Шуисны письмöасьны пошта пыр.

И со, колис вежон. Поштаын сы ним вылö некутшөм письмö абу волöма. Кежавліс нöшта лун-мöд мысти: абу. Демьян Иванович чуймис, сэсся лөгасискодь. Олан гажыс кутіс ваймыны. А öд көсйысис гижны. Со и аньлөн кыв доныс. Вежон мысти бара воліс: абу. Стенысь бердö ветлөдлö. Нöшта вежон — абу. Томиник нывка, стеклö сайын, эз нин юась овсö да ним-вичсö. Мыйөн аддзас, пыр жö и сетас гөлöс: «Тянылы, Демьян Иванович, бара на нинöм абу». И видзöдлас жалпырысь.

Морттö думыд сөйö. Гортас и удж вылын сöмын Люда юрас. Мыйын делöыс? Гашкө, висьмис? Гашкө, мыйкө лои? А гашкө, пошта номернас сорассис да куйлö öні письмöыс Главпочтамтын. Оз кө юасьны кутны, шыбитасны. Эз на кө шыбитны. Öбед кадö котöртліс Главпочтамтö — некутшөм письмö сы ним вылö абу. Кытшовтіс некымын пошта — абу. Радейтчан висьöмтö нинöмөн он бурдöд. Прöч шогö уси Демьян Иванович. Позьö жö öд вöлі гижыштны көть нин лючки-ладнö воём йывсьыс. А öд кутшөм сёрнияс вöліны! Кутшöма радейтчисны! Юрий, коркö аддзисисны да, юаліс, кыз-мый нин олö-вылö мича Людмила. Демьян Иванович кинас шеныштіс, ничево пö. А эськө став олöмыс нин торк-сис.

Сэсся, коркö смелмöдчис да, Людаөн сетöм ай-мам патераса телефон номер серти йитчис, медем юавны көть кодлысь, коді трубкасö босьтас, Люда йылысь. Висьтасяс школадырся өртөн. Шыасис Людалөн чойыс, арлыднас сійö ичөтджык Людаысь. Демьян Иванович сибдөм гөлөсөн юаліс чойыс йылысь, көсйис пö гижны, тадзи сёрнитчим, а некутшөм письмö абу. Эз-ö мыйкө ло сыкөд? Эз пö, ставыс лючки-ладнö, шуис чойыс, сöмын письмöяс гижны Люда оз радейт. Ог тöд, мыйла көсйысис. Миянлы пö во чөжөн, овлö, оз во ни öти письмö. Таö ми велалöмаöсь нин да чöv

олöмыс оз шензьöд. Йитчылім телефон пыр. Оз шыась, оз гиж,— сідзкö, нинöм выльыс, ставыс муно́ важ моз.

Тайö сёрниöдз Демьян Иванович кöсйыліс нин йитчыны ас-кöдыс Людакöд, но сы бöрын, мый кывліс, эновтчис мöвпсыс. А верöсыс кö босьтас трубкасö?.. Оз, оз позь.

Öтипöлöслунсö олöмас торклісны Яков да Öльöксан, кодьяс дугдывтöг мыждісны öта-мöднысö удж кисьтöмын.

Демьян Иванович дышпырысь лыддьыліс гижöдьяссö да скöра броткис: «Рöбöтникьяс... Дöзмöдісны дзикöдз. Вöзъя, мед дуэля-сисны. Лоа öтиыслы секундантöн. Мöд секундантнас корам фото-граф Харитонöс, сійö нэмьяс кeжлö коляс дуэлясян серпассö. Фотографиясö сeтам музейö. А отделным кыштас. Уджыс бурмас. Натöг. А накöд оз. И мыйла ме найöс кута?!»

Кадыс муніс, но лун эз кольы, мед не казътывны Людаöс, рыт ли, асыв ли, лун ли — век юрас. Öтиысь ветліс на поштаö, нинöмön бöр локтіс. Сэсья дугдіс ветлöдлыны. Öвсис.

Воис кад, и кöдзыда лолыштіс Йиа Вой саридз. Виль во водз-вылын мöдісны паныдасьны йöз ичöтик да ыджыдджык коз пу-ясön киняуланьыс. Сэк кымын мöдöдчис учёнöй ёртыс ордö чолö-мавны сійöс удж кузя кыптöмön и виччысьтöг паныдасис На-стякöд. Пыр жö дум вылас усьны Тылаю да сэсянь карö подöн локтöмыс. Гöгрöс чужöмбана Настя нöшта на шаньмöма, любö видзöдны. «Верöс сайын да сы понда, — тöдчöдіс ас кeжсьыс Демьян Иванович.— Эз тай корлыны кöлысь вылас. Ай-мамыс пö Юрийлön топыдöсь да, гашкö, кöлысьсö эз и вöчлыны. Пукыш-тісны ас костаныс дай. Ог тöд, нинöм тай эз висътавны-а...»

— Чолöм, Демьян Иванович! Век кытчöкö тэрмасын.

— Чолöм, Настя! Виччысьöны ли оз ли, а муна.

Лои висътавны мунан мог йывсьыс. Абу гусятор.

— А мый сэтшöм жугыль? Людаыд кыдзи олö? Воліс-ö?

— Кутшöм нин волöм, эз гижлы весиг öтчыдысь.

— Янсöдчинныд бура?

— Сідз быттö.

— И письмö абу?

— Абу.

— Гортса ящиксьыд некод оз гусяв?

— Сёрнитчим пошта вылö гижны.

Мый ме сылы висътасы?— мöвпыштіс Демьян Иванович, но кутчысьны мыйлакö эз нин вермы.

— Кор бөръяысьсö сэтчö ветлін?

— Поштаас?

— Да.

— Э-э... Важönкодъ нин.

— А тэ нöшта öтчыд ветлы.

— Öнöдз кö нин эз воы, öдвакö...

— А тэ ветлы. Лолön кыла, мыйкö тэд эм. Виль во водзвылад быдсяма дивöыс овлö.

— Ветла либö. Виль воön тэнö!

— И тэнö тшöтш.

Разалісны. Демьян Иванович бергöдчис:

— А тіян кыдз?..

Но вöліны ылынöсь нин ёрта-ёртсьыныс, и Настяöдз юалöмыс эз во.

Демьян Иванович веськöдчис пошталань и... стеклö сайысь томиник нывка мыччис еджыд конверт — Москваысь!

— Аттьö! Выхь воөн, дона аканьöй, Выхь воөн! Сиа став бурсö тэд!.. Сиа!..

Демьян Иванович петіс конвертнас ывла вылөдз нин, но пыр на долис: «Выль воөн, дона аканьöй! Выхь воөн ставнытö, дона йöз! Быдöнлы шуд сиа... Олöмыс мича. Энö сьölöмнаныд усьöй. Аттö, аттö... Настя молодец!.. Бур шуд тэд, Настя!..»

Рытнас сöмын Демьян Иванович восьтіс конвертсö. Линейка кузя карандашön вöчис визь, сы кузя вундіс ножичön. Кыскис тетрадысь нетшыштöм кык листа письмö. Лолыштіс пыдіа, и быттö шоныд ваö суніс — мөдіс лыддыны.

Люда гижис, мый выльыс нинöм абу, а важ йывсьыс висьтавліс нин. Та вöсна и дыр эз гиж. Прöща корö. Челядь быдмöны дзоньвидзаöсь и таысь Енлы аттö. Верöс волывлö гортö, быттö гөститны. Ставыс сылы веськодь. Сёрön локтас и ещö ыждадö на. Сьöкыд овнысö. Комиö волöм лои ыджыдысь-ыджыд праздникön, но мөдысь волыны вермас сöмын локтан во сійö жö кадö. Мыйла пö ачыд он волы? Позис эськö аддзыны позянлун бура колявны кöть нин некымын рыт. Лоö кö позянлун, быть волы. Виччыся. Ёна виччыся. Восьтивла козьналöм альбомтö Коми му серпасъясön, и сьölöмöй шонавлö — быттö бара на чужан муö волі. Вөр-ваыс зэв мича, сынöдыс сöстöм, лолавсьö кокниа, йöзыс бурöс.

Письмö помас частушка ыжда кывбур. Кодлön сійö, Демьян Иванович эз тöд, но кывбурыс лöсяліс öнъя олан руыслы.

**«Эн гажтöмав зэв, дона ёрт:
Кор кöдзыд и кор шонді пöжö,
Ме дасьта лэбны тэлань борд
И радейтöмöс ассьым чöжа».**

Некымын лун Демьян Иванович кыпыда кыліс асьсö, лолыс дугдіс пессьыны, сьölöм вылас личмуні. Весиг вöтö уськөдчыліс радейтана аныс. И век бур ногön. Но, сё дивö: сöмын заводитасны чупйöдчыны-окасьны да кинас сывйыштас гөгöрыс, кодкö быттö орöдö аддзысьмöсö. И Люда абу нин орччön, а ылын бокын. Демьян Ивановичлы шог, а Люда нюмъялö да чуньяснас корö: «Лок, лок мелань, Деми. Эн лөгась, лок». Кыдзи тайöс гөгөрвоны, Демьян Иванович эз тöд, а вот гөгөрвоöдан небөгъясын та йылысь нинöм эз аддзы. Сідзкö, нинöм абуа вöt. И юр жуглыны нинöм.

Выль во пасйис бура. Гажöдчыштісны и удж выланыс. Яков да Öльöксан эз зыксьыны, весиг точнитчисны чукийön кисьтöм быгъя шампанскöйön да нюмъялісны. Заводитчисны выль वोся уджалан лунъяс. Унатор уджас коліс вежны, бурмöдны, лöсьöдны öтарöмöдарö вежласян олöмыс серти. И сы пöраö буретш кодкö быттö вашнитіс Демьян Ивановичлы, мый колö вöчны водзö. Сійö пырис велöдчыны новлөддыны автомашина. Рыгъяснас, удж бöрын, тэрмасис автошколаö. Вöлі бура велöдчысьяс лыдын и лым сывтöдзыс на став экзаменсö сдایتіс «отлично» вылö. Удждысьмöн да мый да чукöртіс сьöм, ньöбис югыдруд рöма «Жигули». Öдйö велаліс бура ветлөддыны. Быттö сöльнитчöма машинаыскöд, туйсö бура аддзö и кылö, журъялö, шойччö руль сайын.

Некымын письмö гижис Людалы, воча кыв эз ло. Вермас лоны, Люда пошта вылас эз и ветлыв.

«Письмöыд аслыспöлöс аддзысьлöм жö», — мөвпаліс Демьян Иванович, Деми. Москваö сійöс эз мөдöддыны, а регыдön чужан муас волыны Люда эз кöсйысь. «Локтан во сійö жö кадö» пö. Сідзкö, таво нин.

Витёг аддзысьлём

Өти гожся лунё, рытланьыс нин, триньобтіс уджыввса телефон, и Демьян Иванович кыліс Людалысь гёлёс (сійёс пыр жё тёдїс):

— Чолём, Деми! Эн на вунёд? Тайё ме, Люда. Вои талун. Зэв ёна көсья аддзысьлыны тэкёд.

Бара ставыс вөрзис Демьян Иванович пытшкын, колана кывъяс вошины. «Бур аньёй менам! Мыйта жё ковмис виччысьны тэнё! Да-да-да-да! Көть өні жё!..»

Сё морё олём! Тёрыт на гортас, стенлань банён пемыдас куйліг, быдсямасё бергөдліс юрас, сы выйөдз жугліс юр вемсё, мый орччён лоины өта-мөдыслы паныда кык дум: «Радейта, овны тэтөг ог вермы» и «Синмён ог аддзы». И со — Людалён шыасём, и өти здукён вирбиыс веніс. Дёла би öзйис чужёмас.

Демьян Иванович вöзйис аддзысьны ресторанын. Мыйсянь и тöдмасьлісны во сайын, кор Люда мунё вöлі сэтчө, медым аддзысьлыны школа воясдырся ёртъясыскөд. «А өні мунан аддзысьлыны мекөд». Тадзсё вöчны важөн нин аслыс урчитліс. Люда дивуйтчыштїскодь, но паныд эз мун. Ресторанö кө и ресторанö. Демьян Иванович, ачыс зэв видзчысьысь морт, юөртїс телефон пыр удж кузя вылысджык чиналы водзджык мунны коланлун йылысь, идралїс пызан вывсьыс гижөда став кабалаяссö, зепсьыс кыскыліс да артыштїс сьöмсö (машина ньöбөм бöрын ковмис быд шайт артавны). Телефоныс эськө и тринькнитліс на некымынысь, но мунөм йывсьыс висьтасис да, эз и шыась — друг кутшöмкө виччысьтöмтор дзугас ставсö.

Ресторан дорын ковмис сулыштны өтнаслы. «Аньяслы позьö и сёрмыштны», — такөдыштїс асьсö Демьян Иванович. Сэсса ылісянь казяліс Людаёс, сійö торъяліс йöзсьыс кокни восьласөн; зумыд морёса, кузь лöсьыд кокъяса, вöсни коска, пасьтасьöма рытын петөм вылө, ставнас синмад шыбитчана, том йöз унаөн сылань бергөдчылöны. «Бара көвъясясны», — майшасис Демьян Иванович.

Сьöлөмыс Демьян Ивановичлөн өддзис. Мед көть мый, а тайö мича аныс локтö сы дорö, а оз кодкө дорö. Сыкөд аддзысьны көсйö. А видзөдöны кө, сы вылө и мич, мед видзөдны. Пöжалуйста, ме абу паныд...

— Бур рыт, Деми!

— Бур рыт!

Окыштчöмныс артмис кыздсюрö, эз веськавны өта-мөдныслы вомас. Серөктїсны кыкнанныс да пырисны. Гөгөр рөмпöштанъяс, кытчö он видзөдды, чөв-лөнъ, позьö пукавны, шойччыны, личөдчыны, лöня сёрнитыштны, кольөм वोся моз сөльнитчыны сьöлөмъяснаныс, өтлаавны кык көсйөм өтиö. Быдса во коли, унатор вежсис наын и на гөгөр.

Пуксисны.

Босьтасисны: көдзыд сёянсьыс — гөрд пөк; пöсьсьыс — тшак сорөн сьöла яй; чай дорö чимиа блин да рыт сигөртана маа лымвий. Дерт, и вина. Кодзөдан юанторъясысь вöліны сöмын коньяк, водка, кагор да мадера. Демьян Иванович юалана видзөдліс Люда вылө.

— Коньяк, — бөрйис Люда.

— Мый көсйö нывбаба, сійёс көсйö Ен, — шмонитыштїс Демьян Иванович, кодї тайö здуксяныс бара со лои Демиён.

Сёян-юан вайысь том ичмонь муніс могмөдны налысь корөмъ-яссө.

Демьян Иванович ньөжйө-ньөжйө малыштис ки пыдөснас Людаос пельпомсянныс рөммөдөм чунь гыжъясөдзыс. Төкөтбө кывмөн Люда матысмис сылань.

— Кыдзи олан? — недыр мысти юалис Люда.

— Шөркодя. Вежсьөмъяс дзоляникөсь.

— Ага! Век жө эмөсь.

— Машина ньөби...

— Де-ми... Сэтшөм окота бара кытчөкө кар сайө ветлыны. Кыдзи олоны Юрий да Настя? Найө гозъя нин?

— Ог төд,— веськыда шуис Демьян Иванович.— Көлысь йылысь нинөм эз кывсьыв...

— Ветлам на ордө!.. Огө... Ветлам асьным кытчөкө. Талун!

— Талун оз артмы, коньяк бөрад. Позяс, шуам, аски. А тэ кыдзи олан? Мый выльыс? Мунін дай вошин.

— Да-а,— ышловзис Люда.— А менам дзик нинөм абу выльыс. Кык вок, дерт, быдмөны, татчө найөс ог кыскы, москваса лоины. А верөс... Важ моз вылын киа,— Люда жугыльмис,— кабырыс сылөн век вылын. Воас кык час войө и кампужитчө. Ме ог шыась. Сылөн аслас олом, а менам, Деми, аслам жө. Ме көсья, мед тэ гөгөрвоин менө.

— Ме гөгөрвоа, Люда. Ме тэнө нинөмысь ог дивит. И ог кут дивитны, мый көть ло. Быд звук тэкөд орччөн ёна донъяла. Меным тэкөд лөсьыд, со и ставыс.

— Аттьө, Деми.

Вайисны неыджыд графинын коньяк, и нянь.

Люда серөктис.

— Коньяк и нянь, шыд да рок.

— А мем дум вылө воис Тылаюысь карө подөн воөм.

— А мем дум вылө воис, мый вөлі карө воөм бөрын нин.

— О! Тайө некор оз вун.

— Юам выльысь аддзысьлом вөсна!

— Ми вөсна!

Том ичмонь вайис прамөй сёян, сьөла яйыс чөскыда руалис.

— А өні тэ вөсна ме көсья юны,— шуис Демьян Иванович.

— А ме тэ вөсна юа, мый тэ эм, мый тэ бур сьөлөма морт и верман шонтыны менө весиг сюрс верст сайсянь.

Бара точнитчисны. Юисны.

— Сөй,— вөзйис Демьян Иванович.— Оз кө тырмы либө оз кажитчы, мыйкө мөдтор босьтам.

— Ставыс бур, Деми. Тан өд менам чужан пельөс, чужан му. Гажтөм, кор ылын тасянь. Эн на вунөд? — «И тшын ас муын юмов зэв и лөсьыд...»

— Москваса ресторанъясад, дерт, мөд нога ставыс...

— Найө быдлаын өткодьөсь, Деми.

— Тэ төдан ресторанъяс?

— Да. Кодлөнкө паса лун, и быть мөдөдчам чукөрөн ресторанө. Мед лоө мый йылысь казтыштны. Оломыс мунө гири-люки, со и окота овлө мөд оломө сунны, аддзывны мыйкө этатшөмөс,— Люда чашкөдліс чуньяссө.— Телевидениеса сериалъяслы ме ог эскы, сы вөсна мый ме абу сәні. Оломыслы колө лоны мичаөн, мыйла либө ми чужим да олам? — Люда чунь помнас вештіс другөн мыччысьөм синвасө. «И синваыс син дорас, и серамыс вом дорас», — пасйис Демьян Иванович.

Бара матыстчыліс том ичмонь да юалис, колё оз мыйкё нёшта.
— Оз,— Люда петкөдліс и кинас, мый сэсся нинём оз ков.—
Ме сьёлёмёс бурмөді сьёла яйнас, челядьдырө быттьё волі,— шуис
сійё Демьян Ивановичлы нин.

— Сьёла яйыс водзті волі миян быд лунся сёянён. Ёні вөръяс
кушмисны. И мусё куштёны,— ассъыс дойсё восьтіс Демьян
Иванович.

— Коді куштё?

— Кодлы абу дыш. Кодлы Комиыс абу чужан му.

— Дорйыны колё вөр-васё. И оланногнытё. Гөсть пё этша олө
да уна аддзё. Ме эськё, дерт, абу гөсть...

— Огё ёні та йылысь,— кинас шеныштіс Демьян Иванович.

— Огё кө и огё. Бара синва петас.

Вочасён кутісны воавны йёз. Мыччысисны бокланьын вөчём
вывтас вылын югъялысь ворсан көлуя том йёз, и зал вөйис гора
ворсан шыясё. Сёрнитны эз нин ло позяна.

Дыр пукалісны Демьян Иванович да Люда. Петалісны некы-
мынысь йөктыны. Вөліны тані и төдса йёз. На дорё матыстчыліс
фотограф Харитон, гажа нин, корис Демьян Ивановичёс сы пызан
сайын пукыштны, дерт, Людакөд. Но найё эз эновтны ассъыныс
пызансё.

— А-а, гөгөрвоа, гөгөрвоа... Ог суюсьы. Аслам йирсянін эм.

И сьоктаммём нин восьласён фотограф Харитон вошис йөк-
тысьяс костын.

...И бара вөлі Демьян Иванович олан жырийын вунөдны позьтём,
чуймөдана мойд. Том вирныс төлк вывсьыс дзикөдз кежөдіс, тор-
йөдіс мусьыс. Кажитчис, мый найё абу нин му вылынөсь, а лэ-
бёны помтём-дортём кельыдлөз енэжті. Улын ветлөдлөны йёз,
Демьян Иванович да Люда лэбёны дзик на весьтті, но йёз оз
казявны лэбысьясёс, быдён кытчөкө тэрмасьё, юрсё оз кыпөд, и
таысь весиг абу лөсьыд. Оз көсйыны либө оз вермыны таdzi жө
на моз кыпөдчыны сынөдас. А өд тайё зэв кокни: шенышт кияс-
над, и тэ нин вылын — лэбан, лэбан, лэбан...

Тайё серпасыс вуджис вөтө: войнас Демьян Иванович лэбаліс
Людакөд, кияснас кутчысьёмөн. Корсюрө Люда горөдлывліс, кор
качлісны вывті нин вылө. Но йөзыс, мыйла йөзыс оз көсйыны
найёс казявны? Со нин сывйыштіс Демьян Иванович Людаёс, мед
сійё эз усь му вылас да эз доймы.

Асьядорыс нин садьмыліс: Люда узис Деми сой вылын, нюмь-
яліс.

Жвайтөд аддзысьлөм

Куим лун чөж сэсся Демьян Иванович эз аддзысьлы Людакөд.
И нинём он вөч: ай-мамыс нуөдлісны нывнысё сиктё, Люда ма-
мыслөн чужаніно. Куим лун лои куим во кодьён. И майшасьны
вөлі мыйысь, өд Люда воис ас чужан муас сөмын некымын лун
кежлө и регыд нин ковмас мунны бөр. А сэсся... Мый лоө сэсся,
Демьян Иванович эз төд и тайё лунъясё төдны эз көсйы. Сійё
юрас кутіс Людалысь кытчөкө ветлыны көсйөмсё и быдса рыт
мыськаліс машинасё — ортсысё и пытшкөссё. Бензин баксё ты-
рөдзыс вайөдіс да и багажникас на тыра канистра пуктіс — код
төдас, кытчөдз окотитас ветлыны. Колё лоны дасьён, а ачыс дась

коть мусюр йылөдзыс мунны («ковмас кө, дженьыдик отпуск босытла — сетасны»).

Люда звөнитіс, кыдзи и пыр — виччысьтөг. Көсйис волины Демьян Иванович ордө рытланыс и сэк стөча сёрнитчыны. Корис водзджык локны гортас.

Лун югыднас на найө аддзысисны Демьян Иванович ордын, гортас. Пукалісны кутчысьмөн, уна эз сёрнитны. А мый йылысь сёрнитнысө? Бара со мунө Москваө. Та вөсна колө донъявны быд здук, кор найө өтлаынөсь на. Сёйыштісны. Люда ырситіс неуна кос вина, а Демьян Ивановичлы оз позь — руль сайын лоө. Да и сідз оз позь. Вөр-ва ордө гөститны мөдөны, и колө лоны дасьон кывзыны да гөгөрвоны ставсө.

Мыйкө дыра сёрнитөм бөрын шуисны ветлыны кытчөкө матігөгөрө, көні эм ва берег дор, вөр да видз. И мед вөліны дзик өтнанис. Став корөмсө төд вылө босьтөмөн, Демьян Иванович вөзйис ветлыны кар сайө, Ёля ты дорө. Туйө вөрзытөдз дыр на топөдчөмөн пукалісны, чунь помъяснас малышталісны ёрта-ёртнысө.

— Тайө шусьө флирт,— вашнитіс Люда.

— Мый?— Демьян Иванович аслас думьясө сетчөма да эз гөгөрво вашнитөмсө.

— Флирт. Кыдзи коминас сійө лоө?

— Флиртыс? Синмасьөм.

— Но ми огө синмасьөй.

— Сідзкө, маласьөм.

Люда серөктіс.

— Сэтшөм стөча шуин.

— Но өд миян радейтчөм, абу флирт.

— А тэ чайтан, мый радейтчигөн флирт-маласьөмыс оз ков? Сэтшөм лөсьыд кывны өта-мөдтө. Со, таdzi...

— Лөсьыд, кыв шутөг лөсьыд.

Сэсся дыркодь на бара чөв олісны. Сөмын вом доръяснаныс корсисны ёрта-ёртсө. Вочаасьлісны. И чөв олөмнас висьталісны унджык кывъясөн дорысь... Туйө петісны сөрөнкөдь нин. Люда пуксис орччөн, воысасис, и вөрзисны.

— Бергалышт карса уличьясөдыс,— корис сійө.

— Кытіджык?

— Кыті көсьян.

Демьян Иванович окотапырысь петкөдліс карсө, висьтасис, көн-мый. Карсө сійө төдіс да радейтіс. Да, дзик өткодь керкаяс — унджыкыс вит судта, эмөсь и өкмыс судтаяс, гөпта жуглөм уличаяс, но Сыктыв юбердса карыс кажитчө, и не сөмын сылы. Воысь-во сэсся и вежсьө, мичаммө, выль керкаясыс со абу нин кирпич кодьөсь, быд керкалы зільөны сетны аслыспөлөс чужөмбан.

— Веж пуясыс ёна мичмөдөны карсө,— казяліс Люда,— Москваын найө гежөдөсь и зэв джуджыд керкаяс водзын быттё коньөр тусьяс. А тані тыдаланаөсь.

— Лок пыр кежлө,— вөзйис Демьян Иванович.

— Ме эськө шуда вөлі,— вочавидзис Люда.

— А мый кутө?

— Тыдавтөм сюрс вез.

— Мөвпышт да гиж. Ме тэныд бур удж корся.

— Аттьө.

— А мый аттьөыс, локтан вежон и юасыны кута.

— Нөрөвит, Деми...

Воисны Ёля ты дорё рытъя рёмыднас нин. Машинасё Демьян Иванович сувтёдіс дзик вадорас. Синъяс водзаныс брутвидзис тылён пемыд веркёсыс, некутшом гы, и сомьын ачыс тыыс быттё нёжжйё-нёжжйё лолаліс. Ывласё мичмёдіс на рытъя кыа, но югыдыс вочасён чиніс, вёйис вёртас сайё. Гөгөр чов-лөнъ. Воськовмёд сайын ваыс дышиника польскёдчис посни изъя берегё и тайён тёдчёдіс вой кезлё пуксьём лёнсьё.

— Пыралам ваас, Деми,— збоя вёзйис Люда.

— Ёні? Тадзи? Ме ёд весиг абу... этійё, пасьтасьёма ваё пырём вылё.

— Ме абу жё.

Люда шыблаліс машина пытшкё вылыс паськёмсё, а улысса дзик ёти кольём новланторнас бузгысис ваё. Сы бёрся — Демьян Иванович. Ворсісны, дурисны, бузёдчисны. И окасисны, дерт. Ва вылын и ва пытшкас.

— Ак, лёсьыд! Деми, ме Васа, суёд менё!— и шыбитчис ты шёрлань.

— Ылё эн вартчы — кёдзыд, коктё войтёв кыскас!

— Суёд и окышт!

— Но, трасича!

Демьян Иванович мый вынсьыс заводитіс уджавны кияснас, важён нин эз вартчыв, да прамёясё эз и кужлыв. Та йылысь сійё ёні вунёдіс. А Людалён челядьдырсяыс кольёма — кывтіс, эз резышт, мичаа ёвтіс кияснас. Но, тыдалё, гөгөрвоис, кодарё-мый. Сетчис. Окыштчисны и воёдчисны ылысмём береглань.

— Но и тэ,— шуасис Демьян Иванович, чеччалёмён пельсьыс васё вётлігмоз.

Сэсся ыркыдыс кутіс босьтны. Ва вылас и ты гөгёртасын гыён-гыён чукормис сук еджыд ру.

— Фу! Косьтысьны колё,— пыркёдіс юрнас Люда.

— Колё.

Косёдчыштисны машинаысь босьтём чышкёдён, Демьян Иванович гортсьыс босьтіс.

Демьян Иванович тшөктіс пуксьыны машинаё, и дзоляник ёдён найё ылыстчисны тысянь, а сэсся кезисны векныдык туйёд веж туруна видзлань. Водзын нинём эз кут тыдавы руысла. Татшёмсё некоднанныс на эз адзывны. Сувтісны. Демьян Иванович дыркодь уджёдіс двигательсё, мед радиаторыс лои пось, и машина пытшкыс шоналіс. Люда вёлі кыпыд руа, шмонитіс, сераліс и — некытчё эз тэрмась. А руыс сукмис, лои йёв кодь еджыд. Нинём эз кут тыдавы весиг воськов сайысь.

— Деми, вай тані и узям. Вёям руас, а аски сыкёд тшөтш и разалам.

— Видзёдлам. Но первой косьтысям.

Демьян Иванович петіс машинасьыс, восьтіс капотсё да кыкнанныслысь улыс новланъяссё пуктіс пось радиатор вылё. Минут дасён и косьмасны.

— Де-ми!— кыліс Людалён гёлёс.

— Недыр виччысьыштам, и позяс мунны либё узьмёдчыны, кыдзи тэ вёзьян вёлі.

Пырис машина пытшкас, но Люда сэн эз вёв. Петіс — абу. Но, сё дивёыд! Быттё сыліс.

— Ау!— кыліс матысь гёлёс.

Демьян Иванович уськёдчис гёлёсланыс. Ачыс воши руас. Оз тёд весиг, кодарын машинаыс.

— Ау! — мөдлаысь кыліс Людалён гөлөсыс.

И заводитісны ворсны — руысь. Вөтөдас Людаёс, мам пась-
көма аньёс, топөдлас, чупнитас, а сійө бара нин вошөма. Чуйма-
на, шемөсмөдана мичлун. Люда петас ру пытшсыс — здук кеж-
лө — югыд, мича — и бөр вошө. Сылө руас. Вөр-ваыс ас пытш-
кас босьтө. Чужан муыскөд сөльнитчө.

Бара мөдіс ворсөдчыны вирыс Демьян Ивановичлөн. И кыз
нө оз ворсөдчы: этатшөм статя да кузь шыльыд кокъяса ань мыч-
чысь, быттё мөд мирысь. Юрсиыс сямунөма, кияссө шевкни-
төма, тайкө лэбзяс. А гашкө, көсйө меліа сывйыштны сійөс, Де-
миёс. Здук — и серпасыс вошө. Бокын нин көнкө кылө Людалён
сьөлөмсяныс сералөмыс. Тайө нөшта на өзтө. Котралө сы бөрся,
муртса оз люкасылы машинаас. И суис век жө. Сывъяліс. Окаліс.
Гөгөрбок.

...Демьян Иванович ордө Люда эз мун.

— Талун колө лоны гортын, — шуис сійө. — Аски лунтыр мөда
чукөртчыны, а аскомысь пета туйө. — Аддзис, мый Деми шогө
усьөма, небзьөдіс шуөмсө. — Көсьян кө, верман колльөдны. Но ме
йитчыла тэкөд аски рытланьыс. А гашкө, и аддзысьлам на. Абу
паныд?

Дерт, абу паныд. Сьөлөм вылас эз ло лөсьыд. Быттё восьлаліс
вөрся туйөд, а туйыс быри, он төд, кодарө колө — водзө мунны
али бергөдчыны. Сэсся, дыр-ө налөн тадзи кыссяс радейтчөмныс.
Ёна, тыдалө, көрталөма сійөс Москваыс.

Люда ай-мамлөн керка дорын машинаас дыр сёрнитісны. Люда
эз тэрмась петны, вөлі сёр, но карыс югзис уна лыда биөн, гөгөр
ветлөдлісны на йөз, а машинаас, быттё саридзшөрся ді вылын,
найө пукалісны өта-мөд дорас топөдчөмөн — кыкөн. Эновтан дісө,
и янсалан.

— Гижны тэ бара он мөд, — аддзысьөм помланьыс шуис Де-
мьян Иванович. — Ысты көть нин фототө ассъыд.

— А мыйла ми тэкөд эгө пыралөй ательеө талун, Деми?

Демьян Иванович весиг шөйөвошліс. А, збыльысь, мыйла?

— Эгө тай. Сө дивө! Сэн эськө и уджалө менам бур төдса,
Харитон. Эн на кө вунөд, ресторанад матыстчыліс. Кар пасьята
нималө. Весиг газетъясын йөзөдлөны.

— Кыкөн орччөн пуксим эськө, кызди өні. Да? Мичаа
топөдчөмөн.

«Нөш юр!» Ас кежсыс асьсө видіс Демьян Иванович. И мыйла
татшөм бур мөвпыс юрас эз во, кор вөлі ставсө на позьө. Көть
альбом тыр фотоась. А өні, вой шөрнас, кутшөм нин ателье.

— Зэв жаль. Позис и коліс пыравны ательеас.

— Эн шогсы, Деми. Ми удитам на унаысь пыравны. Коркө
бөрынджык. А фотоос ыста. Медся матысса кадө. Виччысь. И менө
виччысь. Сэтшөм бур, мый тэ менам эм. Эн вунөд. Ми аддзысям
бара, и сэки ме восся тэныд дзикөдз. Ставыс лоө тэ сайын, тэ
ног. Мый шуан, сідзи мед и лоас. Ме ола локтан аддзысьөмөн
нин.

Окыштчисны бөръяысь. Демьян Иванович мыччис кышакылысь
югыд тубрас.

— Тэд мясянь козин.

— Ой, аттьө! А мый тані?

— Бөрыннас видзөдлан.

— Аттьө!

И Люда пырис гортас.

Сизинёд аддзысылөм

Аскинас рытывбыд Демьян Иванович пукаліс гортас телефон дорын, но телефон весиг өтчыдысь эз триньобты. Вой шөр кадлань нин эновтчис кыйодны-виччысьны. Гөгөрвоис, телефон кутас чөв овны, пукав көть асылөдзыс. Ышловзис пыдіа и пөрөдчис вольпасяс.

Сэсся бара мөдісны сьорсьөн-бөрсьөн кыссыны лун бөрся лун, төлысь бөрся төлысь. Ни письмө, ни фото. Татшөмыс некыдз юрад оз пуксы: сы бөрын, мый на костын вөлі, Демьян Иванович серти, не кө быд лун, то вежоннас өтчыд-мөдысьтө позис эськө и гижны. Да и фототө ыстыны, сы вылө уна кад оз ков...

Пыраліс коркө уджаланинас фотограф Харитон. Тшолкнитіс ас пызан саяс пукалысь Демьян Ивановичөс.

— Атгё, но ме тэнö эг кор. И газетын петкөдчыны ог вөзйысь. Сідз и төд, ог мынтысь.

— Оз и ков, Демьян Иванович. Оз и ков. Гөгөрта ёртъясөс. Юкся нимкодълунөн.

— Кутшөм нимкодълун нө суис вежон шөрас? Медальөн пасйисны уджтө?

— Эз. Медальыд мый. Фотояс менсьым босьтисны. Москваө. «Кызбөд нэм — фотоясын» выставка вылө. И ачимөс корисны. Гөгөрвоин? А тэ — медаль...

— Бур. Тайө ас уджад ыджыд вермөм. Дивъя, Москваө мунан.

— А мый дивъяыс. Москва — и эм Москва. Меным выставкаыс дона, уджъясөс паськыда петкөдлыны позянлуныс.

— Сідз, дерт...

— Тэд Москвасьыс мыйкө колө? Висьтав. Судзөда, вая.

Демьян Иванович дыркодь чөла видзөдіс варов Харитон вылө.

— Вайны нинөм оз ков, но өти фото мем эськө колө.

— Кутшөм? Висьтав.

— Сійө тэнад абу на.

И Демьян Ивановичлөн виччысьтөг висьтавсис и Люда йылысь, и фото йылысь, кодөс весышөрө виччысь.

— Пасйышт меным сылысь телефонсө, и вежон мысти фото лоө тэнад пызан вылын.

— Тэ, этійө, видзчысьмөн. Сылөн верөс...

— Гөгөрвоа. Ме төвйылөм гут.

Демьян Иванович ачыс төдіс: тайө мортсө и гырйысь он вермы кыйны. Майшасьны та боксянь оз ков. И сійө сетіс Харитонлы Людалысь телефон номерсө.

— Вот, надейтча тэ вылө.

— Вөча, эн майшась.

— Ывлаас мед и сулалө. Мыйө пасьтасьөма, сійөн мед и петас. Вөччыны, шу, оз ков, нинөмла. Быд лунся паськөмнас быттё матысджык, асджык...

— Ставыс лоө бур. Эн пов, ог көмөд.

— Но, сідзкө, аддзысьлытөдз! мед выставка вылад ыджыда донъяласны.

Киасисны. Сэсся Харитон инмөдчис топөдөм чуныснас көси-чаас, армияын моз, и петіс кабинетысь...

А Демьян Иванович бара колис өтнасөн аслас думъяскөд. Отделыс абу уна йөза, бергавны, дерт, лоө, но уджыс мунө, и

тайö кутшöмакö кутö, мед не усьны сьöлöмön дзикöдз. Олöмыс гөгöр дзулькйöн пуö. Некод оз дöсaдит. Неуна кыпöдiсны удждон, и весиг Яков да Öльöксан мыйкö дыра кeжлö дутдiсны пурсьыны.

...Харитон пырис выльун асылö. Кылалöм синъяса. Пырис и медводз юалис, эм-ö кутшöмкö курыдтор юр веськöдны. Демьян Иванович видзöдiс сы вылö юалана синъясöн.

— Да вайи, вайи, эн шогсьы, — гартласян гөлöсöн заводитiс Харитон, но паныдасис Демьян Иванович синъяскöд да ланьтiс, кутiс гудйысьны зептас. — Энлы, аддза, ёна тай...

Зепсьыс Харитонлөн усьны джоджас негатив-лентаяс, чук-рассьöм фотояс. Демьян Иванович кыпöдiс усьöмасö и... му югы-дыс топалiс ёкмьльöдз: фотоясын и збыльысь Люда, но мыйся серпасъяс! — Көнкö тыр паськöма, көнкö пöрччысьöма югъялысь шöвкöдз, а öти фото вылын и дзик пасьтöм. И нюмъялö! И синъясыс дзирдалöны! Демьян Иванович, öшиньялань бергöдчöмön, нюжöдiс чуњьяснас негативсö и казялiс сийö жö серпасьяссö. Морöс пытшкас кутiс пуны лöглун — Харитон вылö, Люда вылö, став мирыс вылö, кодi вермö лэдзны ортсö татшöм пакöсьтсö, татшöм няйтсö.

— Кыдзи тайö артмис?

— А мый? Ставыс лючки, — лэдзчысис гөгөрвотöм улö Харитон. — Со тэныд, мый коран вöли.

И мыччис фото, көни Люда сулалö тöдса платтьöа и веськыд кисö чолöмалана кыпöдыштöма. Ачыс нюмъялö. «Тайö дзик öти бур нога фото, — гөгөрвоис Демьян Иванович, — сэсся, тыдалö, корöма Людаöс гостиницаас, ас ордас, либö кытчöкö мöдлаö. Ныв-бабаяс вылö лют, кужö найöс ылöдлыны, ворсiгмоз, кокниа, мелi да йиджана кывъясöн». Эз, эз вежөгтан ру пузлась Демьян Иванович морöсын, а зывöклун.

— Кыдзи тайö артмис? — выльысь юалис Демьян Иванович.

А Харитон палялiс нин, кыйис сыланьö бугжылясян видзöд-лассö и öдйö-öдйö мöдiс чукöртавны фотояссö да негативъяссö, сэсся котöрөн петiс. Сьöкыд вина дукуыс сöмын коли да пызан вылын Людалөн тöдса платтьöа фотоыс. Сийöс Харитон колис. Демьян Иванович пöддалiс öдзöссö, паськыда восьтiс öшиньсö, фотосö Людалысь дыркодь кутiс киас, көсйис косявны, но, мөв-пыштöм бöрын, пунктiс иган сайö кабинет пельöсын сулалысь ыджыд сейфö. Бергалыштiс отделса кабинетъястi и водзджык мунiс гортас, висян ру вылö ыстысьöмön. А тайö и збыльысь вöли тадз. Сийö кылiс ас пытшсьыс личкöм-зэлалом, эбöсыс воши, та вöсна кeжавлiс аптекаö, босьтiс, юасьöмön, мый сылы колö, и мунiс ньöжйöникön гортас. Тэрмасыны вöли нинöмла — некод сийöс оз виччысь, а патераыс оз пышый.

Юрас быдсямаыс бергалiс. Машинаас пукаломсö да козьналом тубрассö янсöдчöм водзвылын казътыштiс. Дона лавкаын тшап ањьяс тэчисны «Супер-Омса» колготкияс. Казялiс кокъяс да мыгөр сертиыс Люда кодь ањьöс и сы серти шуис ыдждасö. Бöрйисны мый колö — некымынöс. Бöрынджык Демьян Иванович и сьöмтор тубрасас суйыштiс — абу уна и абу этша. Ньöти эз вöв жаль. Тшаква. Мед новлö, мед видзö — веськодь. Абу веськодь мöдтор: гашкö, буретш сылысь колготкисö Люда вылысь нетшкис Харитон?.. Гусясысьлөн öти грек, а воштысьлөн дас. Мыйсюрö öд и водзтi вöли казялана. Тэнö пö радейта, но ог радейт гижны. Тадз оз овлы. Öни со пасьтöм фотояссö Харитон новлöдлö сьöрсьыс.

Демьян Иванович ногөн, быттьо асьсө, Людасө, нуөдісны сы до-
рысь кытчөкө бокө. «Деми» мыжа? Но өд Люда эз юась сылысь,
кор вежнясис Харитон водзын и эсідз, и тадз. Ас окотасьыс веж-
нясис. «Эк, Люда, Люда, со кыз ми тэкөд аддзысим...»

...Коли некымын лун. Личалыштис сьолөм вылас Демьян Ива-
новичлөн. Мый сэсся вөчан? Курыд, да нылышт. Кадыс бурдө-
дас сьолөм дойсө. Көдзавны да янсавны колө, сэсся немтор.

Өти асылө, удж вылас воөм бөрын пыр жө, Демьян Иванович
восьтис сейфсө, кыскис Людалысь фотосө и, недыр видзөдөм бө-
рын, чуш-чаш косяліс сійөс зэв посни торъяс былө. Нөшта на
быттьо кокньөдіс. «Но и бур. Мыні вежөр кольмөдысьысь».

Регыд мысти Демьян Иванович босьтис отпуск да исковтис
лунбылө, мелі гыяса шоныд саридзлань. Сійө төдмаліс туйө петтөдз,
мый Харитон выставка вылас аслас уджъясөн абу и волөма. Сідзкө,
некутшөм донъялөм йылысь и сёрни эз вермы лоны. Но тайө
Демьян Ивановичлы вөлі нин дзик веськодь.

Жөкъямисөд аддзысылөм

Коли нөшта во. Демьян Иванович дзикөдз бурдіс муслуна ви-
сьөмсьыс, оліс рама, и кор өти гожся лунө триньөбтис телефон,
нинөм сыын эз вөрззы, көть и кыліс трубкасьыс Людалысь гөлөссө.

— Чолөм, Деми! Төдін менө?

— Чолөм, Люда!

— Мый сэтшөм жугыль? А?

— Да-а, уджыс уна, кызди и век.

— Ме со вои.

— Кыла.

— Ме тэкөд, позьө шуны, дзик орччөн. Наташа нывьёрт ор-
дын. Неважөн тайө патераас вуджөма. Олөны ичөт нылыскөд кы-
көн. Пырав.

— Ог вермы, уджыс юр выв тыр.

— Но-о... Недыр кежлө өд позьө. Да и өбед кад нин. Быдса
во эгө аддзысьлөй. А ме буретш «Супер-Омса» колготкиа. Тэнад
дасөс вөлі пуктөма. Тайө бөръяыс нин. И сьөмсьыд аттө. Вич-
чыся. Лок!

Люда висьталіс адрессө. Демьян Иванович видзөдліс часі былө,
збыльысь, позьө шуны, пөшти өбед кад нин. Уджвывса ичөт сто-
лөвөяс, дерт нин, тырыс йөз. Клопөдчөны өдзөсьяс, кылө гора
сёрни. Да! Позьө и ветлыны, видзөдлыны синъясас.

— Пета,— дженьыда шуис Демьян Иванович.

— Отитор сөмын менө майшөдлө,— кыліс бара Людалысь
гөлөссө.

— Кывза.

— Наташа ой-ой мича ань. Унаөн сы былө видзөдөны. И ме
пола, кор муна бара Москваө, мед эз гөрддзась тіян костын мус-
лун. Збыльысь пола.

— Таысь повны оз ков.

— Сідзкө, бур. Век жө, тэнад мыйкө лоөма. Он вись?

— Гашкө... Ачыс Наташаыс абу гортас али мый?

— Лавкаө петіс. А со, пырө нин. Виччыся. Лок.

Но и но. Аддзысясны Людакөд, а некутшөм вирби ас пытш-
сьыс оз кыв. Быттьөкө удж кузяыс кытчөкө корисны. Тэрмасьтөг
Демьян Иванович тэчис ыджыд төдчанлуна кабаляссө, йитчыліс

на телефон пыр өти колана морткөд, сэсся вёлисти петіс ывлаё. Сувтовкерис, лолыштіс ывла выв сынөдсө и мөдөдчис индөм вит судта керкалань...

Чолөмасисны. Наташа и збыльысь вөлөм югыд чужөмбана мича ань, гырысь синъяса, авъя, этша сёрниа. Люда дорысь кызкө быттё гортса кодъджык, асджык. Весиг төдмасьтөдзыс на. Демьян Иванович чуймис: кык аньөс өткодялігөн, ас кежсьыс сетіс Людалы мөд места. «Первойөдзыс оз кыскы». Чужөмас чуқыртор казяліс. «Юө, тыдалө».

Наташалөн лөсьөдөма бур пызан. Демьян Иванович вотөдз на костын, төдчис, вөлөма нин сёрни. Наташа видзөдывліс өта-мөдыс вылө, нюмёвтлывліс раминика да кадысь кадө вөзйыліс сёйны-юны. Нылыс школаын. Мыйла ачыс гортас, эз висьтась, а Демьян Иванович эз юась. Медводдзаысь и медбөръяысь аддзө, кутшөм сылы делө! Варовитісны карын вежсьөмъяс йылысь, төдсаяс йылысь, көн-мый вузалөны, өткодьөсь-ө донъяс тані да Москваын. Аньяслөн сёрниыд век эм. Демьян Иванович пырөдчаліс сёрниас, кор вөлі мый шуны. А кадыс муніс. Людаөс лои аддзылөма. Ёна ылысмөм ань. Позьө ньөжйөник мунны. Юыштісны кокни вина, неуна, а кор Люда мөдіс содгыны джынъя румкаясө, Демьян Иванович ки пыдөснас тупкис румкасө.

— Тырмас, аттьө. Меным удж вылө.

— Кухняд тшынасьышта, Наташа, позьө?— юаліс Люда.

— Дерт, кутшөм юалөм вермас лоны.

Люда корис синъяснас Демьян Ивановичөс тшөтш петавны кухняс.

— Кыдзи олан, Деми?— юаліс Люда, чигаркасө өзтігмоз.

— Абу Деми, а Демьян Иванович...

— Ого! А мый лоис?

— Вежсьөмъяс эмөсь... Тэ со тшынасян. Тайө вежсьөм жө. Тэнад. Гашкө, и нөшта кутшөмкө вежсьөмъяс эмөсь, кодъясөс он пырысь-пыр казяв.

— Тэ мый йылысь, Деми?

— Демьян Иванович.

— Нинөм ог гөгөрво.

— И меөдз сьөкыда жө воис.

— Мый воис?

— Аттьө фотосьыд.

— Ме некор бура ог пет, та вөсна и ог радейт снимайтчыны.

— А ме эськө мөд ног шуи. Тэ зэв бура петін Харитонлөн фотоясын. Кужан петкөдчыны быд ногыс.

— О, Господи!..— Людалөн синъясыс паськалісны.— Ужас!

— Меным сійө петкөдліс ставсө. Кокъяс, морөсьяс... Ассьыс уджсө Харитон кужө вөчны. Мыйө оз босытчы, быдтор артмө.

— Ыдждөдліс фотомодельөн. Журналө пө сета. Ыджыд сьөм йылысь...

— Тырмас! Оз ков.

— Меным тайө ставыс вөлі лёк вөтын моз.

— Да, вермас лоны.

Люда лэдзис синъяссө и дыр чөв оліс, сэсся инмөдчис чуньяс-нас Демьян Иванович морөсө.

— Деми... Демьян Иванович. Тэ век вөлін и эм менам сьөлөм шөрын. Быд лун ме...

— Люда, ме висьталі, оз ков. Тырмас. Вай огө вөрөдөй сійөс, мый абу нин и оз ло. Меным колө мунны.

Демьян Иванович аттёоаліс Наташаёс гёститёдчёмысь, юрнас довкнитіс Людалы и петіс ортсё. Вёськыда удж вылас эз мун, а гёгралыштіс кар кузяыс. «Тадзи колё вёлі лоны. И ёні ме ог мыжды Людаёс нинёмысь. Тыдалё, олёмыс абу тырвуйё бур. Со и куритчё-шпунькйё. Семья йывсьыс нинём эг юав. А мыйла? Коді ёні мем сійё?»

Тадзи мёвпаліс Демьян Иванович аслас тёрытъя муса ань йылысь. Рытнас дыр бергаліс вольпасяс. Бара на мыждіс и дор-йысис: «Мыйысь менё сійё тадз уськёдіс? Ыджыд съом пё... Сідзкё, Москваас татшём и эм оланногыс. Соссьыны заводитліс, а син-мыс мыжсё бура висьталё. Эк! Вёлёма и бырёма, ёгон тырёма. Сэссия сёрниё ог нин пыр, бара кё звонитас. Ставыс! Сыкёд менё нинём оз йит».

Но! Воліс юрас Демьян Ивановичлы, мый эз Люда, а сійё ас кадё суйсис тёдмасьны. Сійё пессис муслуннысё видзиг-дорйиг, а эз Люда. Сідзкё, ёнджыкасё сійё ворссис. Радейтіс садь быртёдзыс, а Люда сёмын вермана вочавидзис. А вермис ёд и медводдза здуксяньыс бергёдчыны да вешйыны сы дорысь. Унатор абу гёгөрвоана тані. Но Харитон... Думъяс вожалісны, Демьян Иванович бара пузис и вынён йёткыштіс юрсьыс бурсё и лёксё — ставсё, мый вёлі йитчёма Людакёд. «Кадыс быдтор бурдодас, кадыс быдтор шыльодас. Оз ков лоны небыд нямёдон. Мед шотъ разалёны ковтом мёвпгяс. Му вылас колё сулавны!»

Өкмисёд аддзысьлём

Мича гожся рытё, Наташа ордын Людакёд недыр мысти аддзысьлём бёрын, пасйисны удж вылын асланыс медвылыс вёськёдлысьлысь чужан лун. Сійё ветеран, и рытпук дырйи медводдзаысь юёртіс регыдъя кадё удж вылысь мунём йылысь. Ошкис отделъяслысь удж и торйён пасйис отделён вёськёдлысь Демьян Ивановичёс. Обичаа морт пё, тыдалана быдмис и кад нин кыпёдны вылёджык. Тадз жё и эстён лыддёоны — вёськёдлысь чургёдіс водз чуньсё вывланьё. Демьян Иванович эз виччысь татшём сёрнисё и сылён лов шыыс тасасьліс. Вежысыпуйён шуисны. Эз, нёти эз зіль сійё кавшасьны вывлань, водзё эз суйсьы, а оліс лунся тёждъясён, корсюрё мыйкё и эз артмыв. А вёськёдлысьсё ёна пыдди пуктылісны, и некодлы юрас эз воны, мый сы местаын вермас лоны кодкё мёд. И со, ачыс шуис Демьян Ивановичёс.

Кор йёзыс кутісны разёдчавны и кодсюрё весиг чолёмавны нин сійёс заводитліс уджын кыпёдчёмён, Демьян Иванович, не-уна гажа, пырис аслас кабинетё. Дыр пукаліс, мёвпаліс олём йылысь, ас йывсьыс. Кыкысь триньёбтыліс телефон: съёрсьён-бёрсьён сійёс чолёмалісны Яков да Ольёксан. Коса вочавидзис: «водз на чолёмавны», и шыбитіс трубкасё. «Тянлы таысь бурыс дзик нинём, вёшьёрё зіянныд син улё вёськавны, и сідз бура тёда ётитё и мёдтё. Вётла, и тёжд оз ло...»

Телефон нёшта ётчыд триньёбтіс. «Трасичаясыд, юёмаёсь, дёзмёдчёны, пырала да вётла гортаныс...» Но босьтіс трубкасё и — кыліс Людалысь гёлёссё. Эз вермы сорсьыны — сійё. Люда сёрнитіс тэрыба, корис кывзыны помёдзыс, уна кад оз босьт. Звонитё неылысь, автоматсянь. Корё аддзысьлыны. Медбёръяысь. И мыйкё

козынавны, зэв донтөмтор, сөмын казытылөм ыло. Демьян Иванович чөла кывзис, сёрнисö Людальсы эз торк, мыйкө мөвпалис ассыс.

— Бур,— весиг аслыс виччысьтөг шусис сылөн.— Кодарлань меным мунны?

— Петан и ме тэнö аддза.

— Öнi жö?

— Öнi.

И мөдарладорас трубкасö пуктисны. Демьян Иванович гөгөртис синнас кабинетсö. Мый Людальсы козынавны? Донтөмтор пö... Кысь сийöс ме корся? Сувтис стенин öшалысь рамкаа серпас водзын. Важөн нин öшалö. Кор воис кабинетас, вöли нин. Серпасыс абу зэв ясыд; ру пытшкын ва веркөс, а сы сайын вөр лөзалö. И рытъя кыа, кусан выйын нин. Сулыштис чөла Демьян Иванович, кутшөмкө дум воис юрас. Босьтис улöс, вольсалис сэтчö газет да кавшасис улöсыс ыло. Мынтöдис серпассö стенсыс, бергөдис сийöс стенин банөн да мышсыс лыддис гижöд: «Еджыд ру...»

Чышкышталис ветьökөн рамкасö нэмөвöйся бусысь, гартыштис ыджыд ватманö, көрталис кресталөмөн и петис ывла ыло. Аслыс көсийсис: «Аски жö мөдöс öшöда, «Лун шөр кад» серпас гортын эм. Та ыджда жö».

Люда сулалис уджалан керкасянныс улич мөдарас. Демьян Иванович вуджис уличсö. Здук-мөд сулалисны чөла. Сэсся чолө-масисны.

— Тэ он и вежсы.

— А тэ вежсыштöмьд,— пасйис Демьян Иванович.

— Кодарлань.

— Сидз... Важ сертиис.

— Тöда, верман водзö не висьтавы.

— Кыдз олан?

— Быд ногыс. А тэ век на лөгалан?

— Ог,— Демьян Иванович корсис бурөдана кыв, но эз аддзы. Бара чөв усыны. Сёрни сюрöс воши.

— Дивитан?

— Висьталi нин, ог.

— Öбидитi ме тэнö... А лолын век на тэ.

— Оз ков та йылысь. Колö водзö овны. Дерт, ас оласногсьыд он пышйы — сийö тэөн вөдитö. Но — кыдз кужан. Со, тэныд козин. Донтөмджык оз овлы. Танi художникөн гижөм серпас. Сийö мый йылысь кө тэныд казытыштас. Да и ас чужан мутö дум ылад уськөдас.

— Аттö!— Люда босьтис козинсö.— Сэсся ме тэнö дөзмөдны ог кут.

— Ачыд тöдан.

— Олөмад уна вож да чукыль паныдасьлö. Сиа тэд лоны шу-даөн, Деми... Демьян Иванович.

— И тэд сиа лоны шудаөн, Люда, менö эн жö дивит.

— Тэнöсö мыйысь?

— Код төдас, гашкө, мыжаыс ме.

— Ме мыжа. Став бурсö, Деми!

— Став бурсö, Люда!

— Колльöд көть синъяснад.

И Люда мунис, козинсö киас кутөмөн. Демьян Иванович колльöдис сийöс синъяснас, кытчөдз уна судта керкаяс эз сайöдны аньöс, а сыкөд тшөтш и став кольөм олөмсö ассыс.

И — виччысьтөм аддзиссьом

Демьян Иванович лои ыджыд веськөддысьөн. Яковос да Ольоксанос торйөдіс орчча отделеясо, но вөтлыны эз вөтлы.

Аддзыліс Харитонос, синмыс кылаёма. Но збодер. Уськөдчис воча. Быттьо нинөм эз и лолы на костын.

— А, Демьян Иванович! Олан-вылан!

— Олан-вылан, Харитон. Мый нин выльыс?

— Пöшти нинөм. Гөтыркөд юксян выйын. Төдмөда!

— Абу быть. Меным и сідз овсьö.

— Юксям кө, лёк киö мед эз веськав.

— Мун, дыш кывзыны...

Учёной ёртыс Демьян Ивановичлөн лои наукаясса докторөн, кытчөкө исковтис-муніс.

Коркө, шойччан лунö, виччысьтөг паныдасис Настякөд.

— Но! Чолөм! Важөн нин эг аддзыв.

— Чолөм, Демьян Иванович!

Важ моз гөгрөс бандзибъяса, банийома, көть öні окышт. Сё мокасьт, грекыд!

— А мыйла өтнад? Юрий көні? Көлысь вылад тай нө энö и корлөй...

— Некутшөм көлысь эз ло, Демьян Иванович.

— Мый сідз?

— Ог төд, кыдзи и висьтавыны. Ме өд вөвлі нин верөс сайын. Юксим. Верөсöй лунвылысь, сэтчö и исковтис-муніс, бөр гортас.

— Та йылысь Юрий төдіс?

— Төдіс, дерт. Нинөм пö, өтлаасям, тэ меным кажитчан.

— А мый либö сэсся?..

— Ай-мамыслы эг кажитчы. Сійö өд өтка пи, кывзысьö.

— Эн кажитчы сыысь, мый верөс сайын вөлін?

— Да.

— И янсалинныд?

— Да. Пыр кежлө, Демьян Иванович.

— Но и олөм. Менам ставыс жö пусь-пасьмуні.

— А ме өд сідзи и вөлі чайта.

— Мыйла?

— Абу гозъя ті.

— Мыйөн?

— Ог төд мыйөн, но абу гозъя.

— А тэкөд, шуам,— гозъя?

— Шмонитан, Демьян Иванович.

— Бөрдны али мый.

— Бөрдны оз ков. Му югыдыс паськыд. Шудыс быдөнлы вермас вичмыны. Сөмын колö олөмас чорыджыка кутчысьны.

— И өтнад олан?

— Öтнам. Патерай кык ичöt жыръя. Төра...

— Тэ буретша. Со и ме өтнам.

— Кык өткодь.

— Кык өткодь.

— Сідзкө, мөвпыштыны колö...



Анатолий ИЛЛАРИОНОВ

* * *

Турёб водзвылын лёнис.
Йөрö пуксисны жоньяс.
Керка вевт вылын лымйыс —
Дзирда-кодзула дзоньнас.

Юммöм сямöда тшыныс
Унзиль сикт весьттi кывтö.
Пачсянь ымыртан выныс
Юрйив кодзувсö сывдö.

* * *

Бур, кор мортыд сьылö-олö,
Немтор сьөлöмсö оз парсав.
Бур, кор ставсö лэптö лолыс:
Кос гожöмсö, зэра арсö.
Бур, кор луныс пуксьö мича.
Нöшта бур, кор бурыс веськыд,
Да зэв этша мортлы вичмö...
Мöд ног ог и донъяв эськö.

* * *

Кор ме дзикöдз дöзма ёртысь,
Вөрöгысь и аньысь,
Пышъя ю дорланьö гортысь
Водз-водз асывсянныс.

Гашкö, юква ог и пузьöд,
Эг öд сыла волы.
Бипурас да тшынас узьö
Кывбурöйлöн лолыс.

Гижа кывбурöс да лыддя
Сэни шöйтись йöзлы.
Öтдор понйöс пукта пыдди,
Шоньд кывъяс вöзъя.

Лыддя кусысь гожöмыслы,
Аски мед эз бöрддзы,
Лыддя шондi югöрыслы.
Помсö ог на гöрддзы...

Комиöдiс **Ю.Васютов.**

✧ ✧ ✧

Кыр горув исковтö Чуклöм

Бөръя воясö Ичöt Визин юбокса Чуклöм сикт йылысь уна нин лой гижöма. Архивын дыр лукйысьöм бöрын таво петис менам «Чуклöм: вежаинъяс, ловъя нимъяс» небöг да С.Х.Сажинлөн «Население села Чухлом: прошлое и настоящее» небöг. Тайö кык уджыс лоöны öта-мöд динас содтöдъясөн, сетöны позянлун бурджыка вежöртны сиктлысь уна вося историясö. Водзджык «Войвыв кодзув» журналын петалисны сиктса олöм йылысь гижöдъяс. «Коми му» газетын тавося йирым (октябрь) тöлысьын лэдзлисны жö менсьым — «Эндöм му, киссьöм сикт да «диспаритет» статья. Гижöдъяссö гарали эг ошйысьöм могысь, а сы ради, мый карын олысь чуклöмсалы чужаниныслөн öнiя олöмыс абу веськодö, найöс тшöтш жö шогöдö.

Нэм чöж (меным матö нин 75 арöс) гöрдитчыли сийöн, мый чужли сиктын, коми мортöн. Велавли быдтор вöчны и бура уджавны, а таысь йöзыс пыр пыдди пуктылисны. Коми сёрниа йöз некöн эз вöвлыны кедзовтанаöсь. Мöдарö на, комитö быдлаын пыдди пуктылисны: сийö некор оз корсь кокни туй, ставсö вöчö колана ног. И тайöс ставсö кылöмыс лов вылö пыр содтöд сетлис кыпыдлун, ышöдис водзö олöмас.

Но сиктса öнiя шогöдана олöмыс пондис бырöдны долыдлун. Шуам, сизим во мысти Чуклöм кутас пасйыны 400 воа юбилей. А мыйöн кутам ошйысьны да гöрдитчыны? Сöмын важсянас? Вот тайö и шогöдö менö да корö юксьыштны коми йöзыскöд мöвпъясөн.

Неважөн бара волi чужан сиктö. Колi аддзысьлыны школаын велöдчысь челядькöд да ышöдны найöс мыйскöрö тöдмавны, туявны важся олöмсö. Да и аслам гаж бырис сиктысь, ичöтджык вокысь. Вежон джынöн аддзысьли грездъясса важ тöдсаяскöд. Олöмаджык йöзыдлы видлöм-аддзысьлöмыд да варовитыштöмыд кажитчö. Пыралi и сиктса администрацияö, СПК (сельскохозяйственный производственный кооператив) правленньö. Висьталисны: урожай идралöм эштöдöма. Бура быдмöма картофель, скöтлы көрым заптöма тырмымöн. Комын тонна картофель донтöм донысь иналöмаöсь нин. Коляс урожайсö пуктöмаöсь видзны донöнджык иналан кадöдз. Олöм сиктын, кыз шуласны, лун да вой — мунö. Тöv пуксьöм бöрын ёна тэрмöдлана удж абу. Кад тырмö и шойчыштны, а курыд радейтысьяслы и юыштны. Овмöсьясын заптысьöны пескөн. Öнi и танi эмöсь мытшöдъяс. Кöзйяка-аньяс, поводдя кöдздöдöм бöрын, тöждысьöны быдтöм-тшөгöдöм скöтöс яй вылö начкöм йылысь. Öткымынöн скöтсö иналöны сьöм вылö. Тадзисö коланаинö сьöмыс воö чукöрöнджык. Сийöс öд сэсся некысь он босьт, СПК-ыд век на зэв гöль, да бурджыкыс олöмас оз на и тыдав, көть уджалысьяс оз на дзикöдзсö эновтчыны, водзö вылö лачаөн на зильöны уджавны.

СПК-лөн петкөдчана серпасыс, совхоз кадсякөд өткөдьялөмөн, со кутшөм:

1991 воын совхозын уджалөма 301 морт. Сэсся воысь воө чинөма. Öнi СПК-ын сөмын 139 морт, но и на пиысь бура мын-тысьтөгьд оз ставыс сьөлөмсянь уджавны.

Совхоз дырйи пуктылөмаось 130—140 гектар картопель. Öнi, инавны вермытөмысла, пуктöны сөмын 22 гектар. Урожайыс водз-тi волөма 185 центнерөн гектар вылысь, таво — 109.

Доныс центнер картопельыслөн вөвлөма (важ донөн) 13,25 шайт, 2000 воын — 318 шайт. А иналан доныс лэччөма 130—150 шайтөдз, да и сийö доннас оз öдийö инась.

Турун важ дорысь öнi заптöны джынсö, силос — кык коймөд юкөнсö, а сенаж — дас пөв этшаджык. Скöt чинөма 2,3 пөв, лыс-тан мөскыс кольөма воддза серти нелямын прöчент, йөв чинөма нель да джын пөв. Йөвлөн асдоныс (важ сьөмөн) вөлөма 47,21 шайтөн центнер, öнi — 843 шайтөн. Места вылын сийөс иналөм оз артмы, лоö быд лун нуны машинаөн карса йөв заводö донтөм донысь.

Яй вылө скötөс вузалөм чинөма нель да джын пөв (168 тонна пыдди 37). Вузавсьö яй комбинатлы ловъя сьөктаөн бара жö зэв донтөг. Базар вылын да ресторанъяслы позьö эськö вузавны до-нөнджык, сөмын ыли овмөсьясыдлы тайö оз жö лөсяв. Со и артмө, мый быдтөм-вөдитөмтö донтөм донысь иналөмөн да воысь воө öтарö чинтысьмөн сиктса öнiя СПК озырмыны оз вермы. Сикт искөвтö горув да водзö гөльмө.

Позьö и колö, тыдалö, бергөдчывны важланьджык на, медым тырвыйөджык вежөртны Чуклөмлысь увлань искөвтөмсö.

1900 воын Чуклөмын вөлөма 162 крестьянской овмөс. Сэни видзлөмаось 212 вөв, 25 чань, 520 мөс, 55 кукань да 650 ыж. Öнi, көть СПК юр лыд динö содтан мөс лыдсö фермер Н.Лапшинлысь да ас овмөсьясын видзанасö, сө восайса юр лыдөдзыс лоö ылын. (Совхоз дырйи 1987 воын вөлөма 741 мөс, 2000 воын — 285.)

Артмө, сө во сайын сиктса йөз овлөмаось выйөн и яйөн, нөшта и вузавлөмаось лөсялана донъясөн (8—9 шайтөн пуд вый, 2—3 шайтөн пуд яй).

Сиктса öнiя олысьяс картопельсö донтөм донысь жö вузалöны. Öткымынөн вузалөмаось тоннаөн и унджык. А кытчö сэсся налы воштыны урожайсö? Вөвлөм сельпо öнi оз босьт. Со и лоö быд-төмтортö вузавны шайт да кызь либö шайт да ветымын урысь килограмм. Тайö, дерт, оз вешты уджалөм донсö. Сэсся и казялан, кутшөм мытшөдъясөдз вайөдiс сiдз шусяна рынокыд.

Чужанiнö вылысь волөм бöрын ассыйм и юала: колö-ö сиктса олөмын рынокыс? Ачым жö вочавидза: бура, ставсö гөгөр мөв-пыштөмөн сийö колана.

Сэсся бергөдчыла, өткөдьяла карса да сиктса олөм. Карсаыдлы «рынокыд» тыдалана нин. Уна бур мича стрöйбаяс кыптiсны, кар шөр ёна мичаммис. Республика юбилей кежлө мичмөдiсны уна керка, туйяс дзоньталiсны, паркъяс весалыштiсны, вылысь моз лөсьөдiсны шөр Степановскöй площадь да мукөдтор. Дерт, карса гөльджык олысьяслөн, а найö унджыкөнныс, эмөсь жö асланыс сьөкылдунъяс — öтарö содö быдторйысь мынтысьөм, а удждон да пенсия ичöt.

Сиктын карса кодъ выльмөм-мичмөмыс оз тыдав. Республи-калөн юбилей сэни некыдзи эз петкөдчы. Мөдарö, сикт öтарö пöрысьмө-важмө. Öткымын стрöитөм либö выльмөдөм керкаяс

важмём пөвстас син улад оз и усыны. Сиктса стрөйтчём өд-дзыштлөма өкмысдасөд вояс воддза джынас, кор вөрсө сетлөма-ось дон мынтытөг да вөлөмны мукөд кокнөдөмъяс. Öнi татшөм кокнөдөмъяссө ёна чинтөмаось, и сы вөсна стрөйтчысьыд шоч-мөма. Сэсся өд кодлы стрөйтчыны, найө стрөйтчисны нин ас кадө. Öнi татшөм кадыс сөмын өткымын, бур нажөткаа, олысьяслы да карса дачникъяслы.

Сиктын и грездъясын (Ёльбазатөг) 2001 вося төв шөрөдз лыд-дъысылөма нельсө нелямын гөгөр керка, на лыдын овтөмыс сизимдас сайө да нөшта киссян выйөнаыс кызь. Со Опонь Ёльөклөн вөвлөм овмөс. Ачыс сийө — Алексей Михайлович Сажин — усьө-ма война вылын (взводса командир, младшөй лейтенант). Гөты-рыс — Опонь Палө — быдтис да велөдис нель челядьөс, кодъяс вөвлөмаось дженъыд нэмаось да кувсьылісны, а сэсся и ачыс, өтнас тайө керкаас сьөкыда олігөн, кувсис жө. Сулалысь на киссьөм керкаыс ветлысь-мунысьлы казытылө Опонь Ёльөклысь помассьөм рөдсө.

Важ Чуклөмын Парпонеи Иванлөн вөвлөма гажа да кыпыд керка. Тані, гажаджык жыръясас, дыр велөдчылісны маті грезд-ясса челядь. Парпонеи Иван кувсьылөма важөн нин, а гөты-рыс — война бөрын. Пиыс налөн — Алексей Иванович Сельков, вөвлөм «Ударник» да «Роз» колхозса председатель — кувсьылөма жө, а сылөн гөтырыс да нылыс олоны Ёльбаза вөр посёлокын, гожөмъяснас волевлөны пө дачаө моз.

Татшөм овмөсыс грездъясын уна. Шуам, сийө жө Важ Чук-лөмас лыддъыссьө ветымын вит керка, овтөмыс — дас квайт, дзикөдз эновтөм-киссьөмыс — нель. Дас сайө керкаөн вөдитчөны гожөмъяснас дача пыдди карын да мукөдлаын олысь рөдвужыс либө керкаыссьө ньөбысьяс. Олысьясөн кольөмаось дас куим пен-сионер — өкмыс инвалид да ёна нин пөрысьяс. Уджалысьяссө позьө лыддьбөдлыны чунь вылын. Мыйлакө томуловыс татысь ставыс пышйө Ягдорө, Кырулө да мукөдлаө. 1979 восянь (кызь сайө воөн) тані йөзыс чинөма нель пөв. А грезд местаыс зэв ми-ча да гажа, локтө асфальта туй. Коркө татчө овмөдчылөмаось чуклөмса медводдза олысьяс — Сельковъяс, и тані вөвлі налөн ыджыд котыр. Тасянь найө писькөдчылөмаось уна выль ола-нинъясө: Важпушупө, Понөльмылькйө, Жуөдө, Жуөдбокө, Ста-рөчъягө да Подөдзшорө. Налөн öнi кольөмаось сөмын местаясыс да нимъясыс. Овыс тайө ыджыд чукөра олысьясылөн кольөма öнi сөмын комын мортлы.

Дав грездө йөзыс (Сажинъяс) овмөдчылөмаось кызьөд нэм за-водитчигөн, и грездыс ёна паськавлөма. Местаыс гажа, кыпыд, вөрыс матын, асфальта туй жө öнi локтө. Сэні лыддъыссьө комын өкмыс керка, витыс овтөм, көкъямыс керкаөн вөдитчөны дача пыдди. Олысьяс пиас дасысь унджык пенсионер — нель инвалид да олома нин пөрысь. Арлыда нин олысь Онтон Анөлы лоөма мунны овны Визинө — ветеран керкаө. Выль стрөйбаяс тані оз нин лыбны, важъясыс пөрысьмөны. Пыралі важмөм нин керкаын олысь Епим Николай Васяөс видлыны. Сылы 84 арөс лоө. Олө өтнас, вөдитө град йөр, быдтөма пуктас, видзө көзаясөс йөв да яй вылө, ветлө на вөрө вотчыны. Олөм вылө оз норась, коть и эм норасянаыс. Керка стеныс өдзөс порог увтіыс сісьмөма, керкаыс вөйөма, джоджыс гөрба, пыді вежөссө тупкөма. Ломтө ыджыд да ичөт пач. Кыдзкө тай уна төв нин тадзи төвийө, паччөрын да мый да. Гортыд — век горт. Некытчө оз мунсьы, та йылысь и дум

абу. Керка дзоньталом йылысь сёрнисо оз и кыпөд — олас пө, кытчөдз олас. Татшөм важмөм керкаыд тані абу этша. Грездыс Важ Чуклом моз жө быран выйын.

Овтөм керкаяс быдлаын эмось: Чоййылын — матө кызь, Ключын да Керөсын — дас квайтөн, Кырулын — дас, Ягдорын — квайт да с.в. Ставыс сикт пасьталаыс көкъямысдас гөгөр. Та дінө кө содтан ветымын гөгөр дачаөн вөдитчанаос, артмө, мый матө став керкасыс коймөд юкөныс овны шогмытөм. Найос некод нин оз вьльмөд, и во дас-кызь мысти (гашкө, и водзджык на) лооны снимокъясывса кодьос жө. Сикт-грездъяслөн мичлуныс дзикөдз вошө. Со и воам бөр 17—18 нэмъясса кадө, кор тшыг, лёка олөмысла йөзыслы ковмылөма оланінъяссө эновтавын да мунны бурджыкинъясө. Сэк тай со переписьяс дырйи пасъявлөмаось: «Дом пуст. Хозяин шел на Каму» да сідз водзө. Татшөм сяма перепись кө өні вөчны, позяс пасъявын: «Дом пуст. Хозяин шел в город» или «Дом полупуст — летняя дача». Дерт, тайө шмонь кодь. А збыльысь кө — Чуклом кусан туй вылын.

Нөшта кутшөмсюрө лыдпасьяс: 2000 воын том йөзыс (14 арөссянь 30-өдз) сиктын вөлөма кыксө ветымын кык морт (став олысь пөвстысь нельөд юкөныс) да кызь том семья. На пиын дасыс өти кагаа, кык семья кык челядя и сизимыс абу тыр семья (мужичөйтөмөсь). Чужөма тайө воас квайт кага (2001 воын сөмын өти), кулысыс вөлөма өкмыс. Откымын мужичөйяс мудерысла ли юөмысла семьясө оз лөсьөдны. Со и тыдовтчө сиктыслөн ылыс. Школаын велөдчысь челядълөн лыдыс отарө чинө. Таво велөдчыны пырысыс вөлөма сөмын кыкөн, да и найө Ёльбаза посёлокса.

Думайтны кутан да юрад воө со кутшөм юалөм: «Мыйөн нө мыжмис сиктыс государство да власьтъяс водзас?» Эз-ө мөй роч государствоыс сувт кок йылас да уна нэм сөвмы сикт-деревня вылө мыджсьөмөн? Эз-ө мөй сиктса йөз видзны сійөс вөрөгъясысь да вермыны войнаяс вылын? Чайтсьө, крестьяна киөн кыпөдчис странаын промышленность. Совет власьт дырйи сиктъяс вылө жө мыджсьөмөн (уджалысь киөн и сырьёөн) ыджыд странаным лои мирөвөй державаөн, көні вөлі вына экономика, мый сетіс позялун война вылын венны фашистскөй Германияос. И тайө ыджыд тышас победасө вөлі шедөдөма бара жө ёнджыкасө сиктса йөзөн, да и полководецъясыс петалісны на пөвстысь. Сиктса йөз — нывбабаяс, пöрысь да челядь — лун и вой тшыгъялөм сорөн уджалісны да отсалісны перйыны победа, тырмымөн сетісны фронтлы сёян-юан да паськөм. Война вайис ыджыдысь-ыджыд воштөмъяс. Сөмын чуклөмса пөвстысь сэсь бөрсө эз локны кыксө көкъямысдас куим мужичөй (война вылө ветлысь лыдысь кык коймөд юкөныс).

Сэсса тай кок йылө регыдөн и сувтіс странаным.

И со сэсса өні, нем видзөдтөг, нинөм артышттөг, төлктөг, лои ставсө пазйөма-жугөдөма, и сикт-деревняос тшөтш. Коми йөз оланінъяслы тайө лои ыджыд неминучаөн. Дас во чөж нин майшасям, корсям петан туй, но сійө некөн на оз тыдав. Сиктъяс, кыдзи тыдалө вайөдөм примеръясысь да лыдпасьясысь, важмөны, йөзыс пышйөны, а коді кольө — лэдзчысьөны да юсьөны.

Коми муыд абу Краснодарскөй крайса да лунвыв обласьтъясса муяс кодь, көні, кыдз шуласны, сатшкан кө телега вож, телегаыс быдмас. Миянлысь вынтөм муястө важөн нин төдлөмаось. Вөвлөм переписьяс дырйи гижысыс пыр пасъявлөмны: «Пашни средние». Бур муястө миянлысь абу казявлөмаось, и тайө сетлөма

подув кокньодыштны крестьянаос вотъясон. Урожайтөм воясыд (кынтөм ли косьтөм вөсна) пыр вөвлөмаось. Чуклөмса йөзөс та-тшөм неминуचाыс сулөма весиг и ыджыд война бөрын нин. Өти воө гожөм шөрнас видз вылө ветлөмаось пупайкаөн, көдзаяс-ыс вундытөг лым улө веськалөмаось. Тадз вөлі, дерт, и мукөд коми сиктын. Өти кывйөн кө, видз-му вөдитөмыд миян рис-куйтана.

Чайтсьө, дзик та вөсна жө республикаын промышленность сөвмөмкөд тшөтш, ставсө бура артыштөмөн, видз-му овмөслысь нырвизьсө вежисны: коли вөдитны град выв пуктас, картопель, унджык муыс веськалі көрым улө, мед видзны унджык йөла скөт. Лёк поводдяд эзджык кут повзьөдлыны, а быдтөм-вөдитөм продукциялөн коланлуныс век содіс и содіс. Тайө вөлі быд боксянь лөсяланаөн. Сөвмис промышленность, сөвмисны и сиктса ов-мөсьяс.

Чуклөм сикт зумыда сувтіс кок вылө, и сэні олысь йөзыс уджалісны майшасьтөг: удж тырмис, удждон мынтылісны ас кадө и тырмана, магазинъясын колана төвар вөлі, лишалана картопель позис сдایتны заготпунктө. Челядь — сад-яслиын да школаын. Керка гөгөрын — тырмымөн град йөр, картаын — пемөс. Сиктын писькөдөма сөстөм ва босьтан скважина, эм культура керка, библиотека, пошта, медицина пункт... Ов да ов!

Но дыр таdzi эз нюжав. Думышттөг, артышттөг да тэрмасьомөн лөсьөдөм «рынок» пагавтөдзыс кучкис сиктса олөмө да артмөдіс разьны вермытөм гөрөдъяс. На пиысь медшөрыс — некытчө лөсаятөм донъяс. Найө кутөны овмөсьяслысь кыпөдчөмсө. Вывті донаось лоины машинаяс, донсяліс ломтас-мавтас, электричество. И доныс налөн өтарө на содө. Такөд некыдзи оз вермы ордйысьны овмөсын быдтөм-вөдитөмыс, и сылөн водзсаянлуныс век слабмө. И кымын водзө, сымын содө донъяслөн торъялөмыс. Та вөсна сиктса прөдукция (урожай, скөт лыд, йөв, яй) пыр чинө.

Ыбъяс-видзьяс вывті ветлөдлігөн казялан, мый турунтөм-джыкинъяссө воысь-во колялөны ытшкытөг. Буракө, ытшкысьыс жалитө ломтассө — аддзө, мый пөльзаыс лоө этша. Мөд вонас эновтөминас туруныс быдмө нөшта на этшаджык, а водзө вылө лоө сөйтөмөн. Сідзкө, өтилаті мыйкө чинтөм (ытшкытөмин ли, скөт юр лыд ли, эновтөм видз-ыб ли) кучкө мукөдлаө — урожай вылө, йөв-яй вылө. И таdzi, чайтсьө, лоө помтөг — сэтчөдз, кытчөдз дзикөдз оз киссьы сикт да тшык-быр видз-му уджалысь морт.

Сиктса олөм пырас рынокө сөмын сэк, кор быд боксянь лоө лөсьөдөма бур пөрадок. Өні вөвлөм, лөсялана йитвежъяссө кись-төма. Прөдукция ньөбөмын, вайөмын да вузалөмын став личөдсө и инөдсө (правосө) сетөма коммерсантъяслы, а найө ыджыд барыштөг оз уджавны. И сиктса олысьяс вөснаыд найө, дерт, оз төждысьны.

Донъяс кузя казъывсьө нөшта со мый: көрта көлуй революцияөдз вөлөма дона жө. Жөч ведра — 25 ур, чер — 20 ур, чарла — 21 ур, коса — 25 ур, ральник — 20 ур да с.в., а уджалан пу додь донъявсьылөма чер донөн (20 ур), пуд рудзөг пызь — 1 шайтөн. Гөгөрвоана: сәки чугун, көрт да сталь ки помысь на вөчөмөн да рудасө вөлөн ылысь кыскалөмөн Ньючим да Нючпас заводъясын артмылөма донөн. Та вылө видзөдтөг, чуклөмса крестьяна көрта көлуйтөг абу уджавлөмаось. Дона вөсна жө 1920 воын сиктса овмөсьясын вөлөма сөмын куим көрт гөр. НЭП

дырйи гөръясөн да машинасён вузасълёмаось паськыдджыка нин, и найос ньобоммогысь отувтчылёмаось артельясё. Колхоз да МТС дырйи машинаяс понда майшасьом бырёма. Весиг ыджыд война дырйи, кор став кортыс мунис да промышленность уджаліс победа вылө, сиктса уджалысьяс пу гөрйөн гөрөмөдз эз волены. Ёні промышленность абу нин важся кодь, а вот донъясыс сиктлы коланаторъяс вылө вывті лөсявтөмөсь. Со и артмө, мый сиктөс бөр бергөдөны важся пу гөрлань, коть сійөс вөчысь-лөсьөдысьяс важён нин абу.

Либө со татшөм гөрөд: йөзлы быдтөмторсө инавны некытчө. Карса базарө нуны ылын, магазинъяс оз босьтны. Та вөсна сиктса олысьяс ассьыныс медбур картофельсө вузалөны донтөм донысь (70 шайтысь вит ведраа мешөк) волывлысь «варышъяслы». Ме төдмавлі да казялі со мый: карса базар вылын вит литраа ведра картофель аръявылыс нин вузалөны комын шайтысь, а каршөрсә «Черемушки» магазинын чипан кольк гырся кыськө вайөм картофельөн вузасёны матө өкмыс шайтөн килограмм. Юавсьө: кодлы нө ми, карсаяс (да и республиканым), отсалам кутны да сөвмөдны овмөсьяссө, а ассьыным кедзовтам да водзө кысьтам?

Тадзи жө и яйөн вузасям, отсалам суйөрсайсалы содтыны скөт да чипан юр лыд, а асланым век чинө и чинө. Та ногнад миян олөмным некор оз бурмы, сы вөсна мый рынокыс дзик на пөрадокө вайөдтөм. Ме думысь, пөрадокыс артмас сэк, кодыр лоө йитөма колана ногөн и промышленность, и видз-му овмөс, и вузасьом, а сидзжө кар да сикт — ставыслы пөльзаён. Оз нинөм артмы, кор өтияс озырмөны, а мөдъясөс гөльмөдөны.

Сиктъясын колөны приёмной пунктъяс, көні эськө йөзыслысь примитисны лөсялана донысь (мед уджсө вештіс жө) картофель да мукөдтор. Натөг сикттө грабитөны волись «варышъяс».

Тані эм коланлун бергөдчывны неуна важланьджык. Коркө районын паськыда вөдитлісны шабді, а сылысь идзассө колө вөлі инавны. Та могысь Кунибын өдйө стрөитісны шабді няръялан завод, кытчө быд колхозсянь шабдісө вайлісны вөлөн, бур туйяс-төг на.

Сэсса колхозъяс паськөдісны картофель вөдитөм, сійөс воштыны лои некытчө. Районса шөр местаө жө (Пустөшө) кыпөдісны крахмал завод. Сэтчө бара вөлөн вайлісны картофель поставка.

Сэки йөзыс көсйисны уджавны. Сійөн и ыджыд странаным сөвмис да ёнмис.

Ёні оз позь али мый татшөм ногөн жө лөсьөдавны картофель да мукөдтор босьтанінъяссө? Туйяс ёні бурөсь, нуөмас оз лоны мытшөдъяс. Шуөны тай: «Олөмас пө выльторйыс — вунөдөм нин важыс». Чайтсьө, сюрас район шөринын крестьяналысь быдтөмсө босьтанін да сійөс видзанін, медым бөрас лючки донысь мөдөдны вузасянінъясө.

Сиктса олөмын эм нөшта өти нелючки. Артмө сійө пасйөм нин гөрөдъяссьяс, кодъяс вежөны йөзлысь удж дінас да олөм вылас видзөдлассө. Олөмад помтөм нелючкиыд морттө тшыкөдө, чужтө веськодълун, дышлун, вина юөм вылө сетчөм. Кодлы нө кажитчас воысь-во батракавны дон босьттөг. Татшөм уджалысь-ыслы быть ковмас бокысь корсьны сьөм, гусявны ставсө, мый позьө гусявны. Сэсса өд сиктад медшөр «валютаөн» лои курыд доз. Юысьыд сиктын лоис уна. Кокниджык лыддьөдлыны ютөмт-ясөс. Найө вывті нин этшаёнсь.

Юөны айулов и нывбабаяс. Но алкоголикөн асьсө некод оз

шу. Ме сёрнитлі өти татшөм төдса том морткөд. Быд лунъя кодалөмыс, пөкмелитчансө корсьөмыс кыссьө вежонъясөн. А өд тайө мортыс вөлі зэв уджач да вежөра. Водзті, совхоз дырйи, видзліс-тшөгөдліс өти гожөмнас сө өшпиөс яй вылө.

Юала сылысь, мыйла юөмас сетчис. Висьталө: «Уджалан, уджалан, да оз вештысьны. Мудзан, а сөсся скөрман да и корсян мудз веськөдантор. Гажмыштан да бара содтан». И тадзи лунысь-лун, төлысьысь-төлысь.

Сиктлысь историясө туялігөн лои казялөма, мый юөм вылө лэччысьөмыс вөвлөма олөм дзугсян воясө. Чуклөмын татшөмыс вөвлөма XIX нэм помын и XX нэм заводитчигөн. Власът тупкывлөма винаөн вузасьөмсө том йөзөс салдатө мөдөдігөн, вичкояс нуөдлөмаөсь юөмлы паныд мөрччана удж. Священник Рогов ачыс тан водзмөстчылөма: 1890 воын панлөма ютөмъяслысь котыр. Сэні первойсө вөлөма өкмыс морт, а кызь во мысти (1910 воын) налөн лыдыс содөма ветымын мортөдз, ютөм котырсалысь ним-овсө гижавлөмаөсь торъя книгаө — на вөсна вичкоын кевмысьөм ради. Жаль, тайө книгаыс меным эз скур да эг вермы төдмавны, кодъяслөн дед-прадедныс пыравлөмаөсь ютөм котырас.

Власът чорыда тышкасьлөма самөкур вөчөмкөд. Сійөс вөчысь-яссө акцизнөй инспектор штрапуйтлөма нелямын шайтөдз, а медым сійөс мынтыны, семьялы ковмылөма вузавны уна скөт (өти мөскыс сулавлөма дас шайт). Сөсся Россияын вөлі лөсьөдөма «сухой закон», кодөс бырөдісны Сөвет власът дырйи нин — 1925 воын.

Сөвет власът дырйи некымынысь заводитлісны дугөдны йөзлысь юөмсө, волісны весиг виноградникъяс кералөмөдз. Но нинөм эз артмы. Ме думысь, мөд ногөнджык колі вөчны вина юөм чинтан уджсө. Тані государстволы оз позь лоны веськодьөн. Вина юөмыд өд оз өна торъяв наркоманияысь. Накөд тышкасьтөг воштам олөмас сөстөмлунсө, и йөз нимсө вермам дзикөдз воштыны.

Россияын реформаясид вөвліны нин, сөмын бөръяыс, чайтсьө, сиктлы вайис лөк олөм. Шуам, 1864 вося реформаысь коми крестьяналы лёкыс эз вөв. Лөсьөдөм земствояс матыстісны власътсө крестьяна дінө. Земствояс кутісны төдны быд овмөс йылысь, крестьяналысь русө да нужсө. Земство лөсьөдлөма быд сиктын нянь запас видзан магазея, мед урожайтөм воясө мездыны йөзсө. Сійө жө видлавлөма семьякостса юксьөм, выль овмөс лөсьөдөм да выль пөчинөкъясө вуджөм. Тадзи власът пырөдчылөма сиктса олөмын быд юкөнө. Ставыс вөчсьылөма вөлөсьт правленньө пыр, көні быдтор видлавлөмаөсь скод (собранныө) вылын. Öні быттё кутшөмакө пырөдчөны жө татшөм сяма юралөмас. Районын лөсьөдөма муниципальной (местной) котыртчөм, а воддза сельсөвет лоөма сылөн юкөнөн. Бумага вылын гижсьө кузя: «Администрация Чухломского сельсовета администрации муниципального образования «Сысольский район». Аслас бюджетыс сельсөветса администрациялөн абу, сьөмсө сетөны районса бюджетысь смета серти. Земство дырйи вөлөсьтса бюджетыс артмылөма быдтор вылө крестьяналысь сьөм чукөртөмөн скод тшөктөм серти. Öні тадзи сьөм чукөртөм оз артмы. Олөмас гөрөдъясыс гырысьсө, да и вежсис видз-муөн вөдитчанногыс. Гырысь предприятиеяс абуөсь, бок вылө пөрөм лесопункт уна сьөм оз сет. Да и матігөгөрс бурджык вөрсө важөн нин лои кералөма.

Выль нога олөм сиктын вывті на өна дзуртө-катласьө да и лючки лөсьөдтөм на. Власът виччысьө, кодыр рынокыс ставсө ачыс

шылёдас-мольодас, некыдзи сійос ладмөдтөг. Чина индалысь-юралысь пөвстын сиктса олөм вежысьяс оз на тыдавны, көть на пөвстын лоины нин наукаысса докторъяс. Оз индыны сиктлысь петан туйсö и мукөд учёнойяс. Мед көть эськө кодкө босьтчас места вылын төдмавны сиктса йөзлысь олөмсö да наука выlö мыджсьөмөн петкөдлыны коми сиктлысь петан туйсö, коми кыв да коми йөзсö видзөм ради.

Он шу, мый чина йөз этша ветлөны сиктъясö. Волөны школаясö (весиг детсадъясö) юбилей да мукөдтор пасйыны. Петкөдчыласны матігөгöрсалы, сёрнитасны начальствокөд, дерт жö, мыйкө выlö сьом корасны, норасясны да и «пызан» на лөсьөдласны. Сöмын сиктса гөрөдъясыс кольöны разътөг. Сёрни эм — удж оз тыдав.

Сиктлы колöны сійос сөвмөдан законъяс. Найос лөсьөдөм могысь колö видлавны став тыдалана вариантсö, кодъяс эськө вермисны сетны пöльза да разыны öнiя гөрөдъяссö. Шуам, «варышъяслы» сиктлы пöльза выlö лөсьөдны вот. Либö думыштлыны мөд ног: вузасысь-ньöбасысьлысь вывтiасяна босьтөм «барышсьяс» юкыштны мыйтакö и сиктлы. Но Российской госудaрство ыджыдджык лача кутö рубежсайса төвар выlö. Оз кö позь тайос вöчны, колö думыштлыны да вöчны мөд скодитчантор. Көсьян кö — артмас, да вот көсйöмыс, тыдалö, и абу. Кыдзи нö сэсся отсавны гатшöн куйлысь сиктыслы?

Ме гарыштлі нин нянь видзан магазеяс йылысь. Тайö öд вöлі сиктъясöс мездан фонд, и чуклөмса крестьяна ёна пöльзуйтчылöмаöсь тайö фонднас. 1900 воын магазеяс норма серти видзлöмаöсь 2800 пуд нянь. Урожайтөм 1882 воын вöлөсьтса магазеяысь дон вештытөг Ньючим заводса йөзлы нулöмаöсь 140 пуд нянь. Та йылысь пасъя ог ошйысьөм могысь.

Сэсся öнi со быд сикас фонд нин эм: Горбачевлөн, челядьлы отсалан, храм вöчан... Сöмын сикт ловзьöданыс вот абу на.

Нöшта öтитор. Колö и оз ков, кутім корсьны да пасъявны быд сикас «юбилейяс». Коли республикалөн юбилей. Сійö, гашкө, вöлі и коланаөн. «Садьмөдіс» карьясса администрациясöс, учреждениеясса да предприятиеясса юралысьясöс öтилаті-мөдлаті дзоньталыштны, мичмөдыштны. А вот видз-му овмөс министерстволөн юбилейыс, ме ногөн, вöлі сикт вылын сералөм. Киссьөм сиктад сійö некодлы кыпыдлун эз сет, некодös эз ышöд. И нинөм некыті эз вежсьы.

Ме көть и томдырсянь карса олысь, а аслам чужанін вöсна пыр на вися. И көсья, мед коркө Чуклөмын олөмыс бурмылас на.

Помала чуклөмса коми гижысь Ичөт Иванлөн (И.И.Сажинлөн) 1927 вося кывбурысь кывъясөн:

Оз вун некор сиктса олөм,
век син водзын гажа Чуклөм —
чужанінöй.



Трипан Вась — Висар

Вөр-ва серпасалом лои шөр темаон коми литература чужигон нин. Пейзаж пыр тыдовтчö морт пытшкös, сям да этш. Пармаын мортыс воссьö, сэнi некодысь яндысьны, некод оз индав и оз öлöд сийöс. Коми литератураын нравственность артавсьö нэмъясон тэчсьом вөр-ва да морт кост оласногон, мортлөн вöрын да ва дорын асьсö кужомон кутöм. Морт нога олöм вылö видзöдлас дыр кадон вежсьö: мунö ва-жыс, воö мыйкö выль, но традицияыс кольö.

Кызьöд нэмын тöдчана вежсьомъяс лоины коми характерын, оласногын. Тайö вежсьомыс ясыда тыдовтчö В.Чисталевлысь «Трипан Вась» да Г.Юшковлысь «Висар» висьтъяс орччöдигон.

Герояс и зэв матынöсь öта-мöдыслы, и ёна ылынöсь. «Висар» лыддигон казялан кутшöмкö пыдi йитöд «Трипан Васькöд»: композицияын, сюжетын, вөр-ва серпасаясын, характерьясын. Танi поэбö весиг сёрнитны прототип йылысь. Сöмын образъяс костас абу сы мында öткодьлуныс, мыйта паныд сувтöдöм, и артмö сийö ичöтик детальясось, налөн йитöдъясысь да мукöдторйысь.

«Висар» висьт пансьö геройлөн туйöн: «Висар сынiс сувтсөн. Небыдика ырситлөмөн веткиыс тювис водзö. Ямöм юыс муртса-муртса паныдалiс сийöс.

Верст куим нин катiс Висар, а некутшöм мудзöм на эз кыв, сöмын шоналiс. Яя чужöмыс багралiс кизьöриник тош пырыс».

Синмад шыбитчö геройлөн вын-эбöсыс, вердаса, «яя чужöмыс». Сэсся мытшасян «багралiс» кывйö, кытысь кылан герой йылысь мыйкö он ёна мичаöс.

Трипан Вась сидз жö петö туйö, но туйыс сылы сетчö ёна сьöкыджыка: «...ньюжийö вöрзис коськъяс вылöд, визлач бöжъясöд: кашкис, сьöкыда личкалiс пелыс вороп вылö кимöдзяснас; оръявлытöг зяткис-гигтiс көрт пома пелыс изъя ю пыдöсö». Торъялö и геройяслөн туйö петан могыс: Висар мунö вөр-ваыслысь босьтны (сюмод кульны), Вась — нянь көдзны.

Абу öткодь туйыс и олöмыс кык геройлөн. Абу öткодьöсь и олöм вылас видзöдласьясыс. Заводитö тайö тыдовтчыны вөр-ва серпасаянь. Поэтичнöя сетö серпассö В.Чисталев: «И кымын водзö, сымын визувмис ю. Вылö кыпöдчисны ю пöлөн слудаяс. Нöшта нин джуджыдöсь улiсянь кажитчисны юрйылас быдмысь великан нияс. Улиса бызгыльтiс-быдмис ва бердын турун. Сой кыза пöляна омра разöдiс-лэдзис сынöдас ассьыс лэчyd, нырбордъяс чазöдан, несйöдан көрсö. Сыкöд вензисны небыдджык, азымлун босьтöдан көрнаныс гöрд сэтöр пуяс.

И ниа сир дукуыс, и кызд пу ли көрыс — ставыс сорласис öтлаö. Первобытнöй этшөн олiс да лолалiс ывла. Сöстöмсьыс-сöстöм югыд ва сёльгис пыж улын. Ньюв моз лыйыштасны пыж боктi чер пу кузя вöй комъяс. Ю мöдар дортiыс полiгтыр вуджöртасны кебöсьяс... Лөнъ, сэтшöм лөнъ, мый пыж дорö пелысөн тотшкыштöм шы кажитчö гым горөн — йöлбга водзысь водзö вучки-вачки сетас слудаысь слудаö уна вевся тэрыб гы. Кытöнкö чипсасьö сьöла —

«чиинии... чиин... чи-чи-чи — цип». Зэв сэтшөм небыда, сөстөма, сөдза, ылын-ө матын — он төд». Гөгөр лөнь, вөрзёдлытөм вөр-ва олө торйөн, аслас, первобытнөй этшөн на. Геройыс оз лысьт вөрзёдны, шызьёдны сійөс. Да и оз вермы — сійө и ачыс зверь-пөтка да парма кодь жө вөр-валөн юкөн. Вась да му-ваыс олөны өти ритмөн, өти лов шыөн. Сэсся геройлысь мөвпьяссө да вөр-ва серпасьяссө автор гижөма дактильөн — лов вылө пуксянаа.

Мөд сикас мөвпьяс чужөны Г.Юшковлөн висьтысь: «Ю катыдас, өти көджын, быдмисны зэв мича кыз пуяс — веськыдось, улёдыс увтөмось, парчтөмось», но, вөлөмкө, оз мичыс вөрзёд Висарлысь сёлөмсө: «...некысь сэсся матігөгөрсыйс бур сямөдыс оз сюр».

«Висар» висьтын вөр-ва серпас бөрын век сулалөны геройлөн мөвпьяс сьом, нажөвитчөм да кынөмпөт йылысь. Автор кывьясөн вөссьө Висарлөн мөвпыс вузасьом йылысь: «Кольөм во Висар сьтысь кульліс нин, кызь гөрддым вайліс. Сизим пестер да өкмыс чуман петалис. Чуманьяссө сиктас иналіс, а пестерьяссө карө катліс базар вылө. Өти здукөн и босьталісны».

Тима Вень, аслас геройлысь вөчасьомсө петкөдлігөн, кыпөдө уджсө да вөчөмторсө, поэтизируют: «вөчалө туисьяс, чуманьяс — чача кодь мичаось — эзысь кышөда, зарни пытшкөса, чөскыд ли көра дозмукьяс. Туислысь бурлунсө коми морт төдө: «туисыд быдлаө туйө: гортын көть туйын сыысь бур дозмук оз сюр, көть мый пуктыны. Көдзыдтор кө — дыр оз шонав, пөсьтор кө — оз көдзав; туис оз сісьмы, оз сім — нэм помыс абу...» И ни өти кыв абу сьом йылысь, сөмын коми мортлөн сямөн-кужөмлунөн нимкодьясьом, сійөс нимөдөм. А сьом да нажөтка йылысь мөвпьяс лөоны «Висарын» сюжет йитөднас, вөчөмторьяслөн помканас. Висар чуньлыс мында оз вөч, оз кө аддзы аслыс выгөда.

Кыкнан геройыс гөгөрвоөны вөр-васө, ас ногыс төждысьөны сы вөсна. Сідз, Трипан Вась кылө вөрыслысь, сэні олысьыслысь лов шысө: «Ном курччалөмысь Вась оз дөзмы, төдө: номтөгьд, шоныдтөгьд нинөм оз артмы: турун-нянь ни вотөс. «Лөддза-номья гожөм — бур во», — примета сылөн. Герой кылө и сёрнитө муыскөд, быдмөгыскөд, сьылөдігмоз лывкйөдлө: «Кузь ускөй, дженьыд мывкыдөй, идйөй! Ёна жө пөрьясьлан тэ: кодыркө — весьт кузя сөмын, кодыркө усьөмыд — тушатө он вермы кутны; во кост мысьт кынман — он удит воны... Во — не во тэныд! Куйөдсө сюян тэд, трундаөн суктан, быдторсө му пытшкад крестьянин кундас, — мусө көть асьсө сорөмөн сөй!.. Дрөчка тэ, сэсся со нинөм. Орччөн со тонө сулалөсю, выныс сылөн весиг джын мында абу, но быдмө тай, нинөм оз шу...»

Быд ловья ловкөд сёрнитө и Висар. Но Трипан Васьлөн сёрнысь, весиг видөмысь, кылө мелілун, радейтөм, то Висарөн и буртор вөчигас лыддысьысьсө ділкнитөдө, а оз ло нимкодь. Висар видзөдлө дозмөрөс да, быттьө дозмөр понда төждысьөмөн, «небыдика» шуб: «Пөж өдйөджык да быдты пиянтө, а ме арнас октысьла», мездө арпиянөс — «На, петөй!.. Мөдысь, ветелясигөн, гашкө, тыртланнуд пасибө пыдди!». И льөм пу мездігөн бара мөвпалө ас йывсьыс: «Ловья на колин. Бара на вола, сідзкө, арьявылысь».

Ас ногыс сёрнитө вөр-вакөд Висар: «Көть кытчө Висар оз мун, век босьтө сьөрсыйс пищальсө... Непөштө көч люкалөмысь, ошкысь өні Висар оз повзый: пищальсьыс кындзи, чер на эм дай кузьпурт, кодөс дорліс важ капкан пружинаысь». Дерт, позьө шуны: тані серам сорөн гижө авторыс геройлөн көчысь полөм йылысь.

Сөмын мыччысьö и геройлөн ышнясьöмыс, асьыс вын кылöмыс да вылö пуксьöмыс. Комилөн пöтка поздысян кадö вöрад оз вöлі позь гора шы лэдзны, понъясöс дом вылысь лэдзны (сэтшöм кадö мынöм понсö комияс вермисны и вины), непöштö пищальöн мунны. Тані нин Висар мунö йöзлөн оласноглы паныд. Да и мый сылы йöзыс: Висар олö ас радиыс, «ас вылас нэм помсö арталіс — и эз ылав». Сылы гөгөр некод эз ков, эз көсйы некодöс тöдны — висьтысь ог аддзöй ни öти ним: нэмсö öтлаын олан мортлөн — «гöтыр», йöзлөн — «орчча керкаса», «öтилы».

Йöз вылö вылісянь видзöдöмыс тыдовтчö и асьсö ошкöмын: «А Висар быдтор сяммö, та вöсна сійöс быдлаö и чукöстöны». Кöть сёрнитö авторыс, но лöö гөгөрвоана: тайö геройлөн мöвпыс. «Трипан Васьын» авторыс нимöдö комились чуман вöчан сямсö, а Висар кыпöдö асьсö: «Öти здукөн и босьталісны. А ньöбтöг оз овны! Висарлөн пестерьясыд лöсьыдöсь, кокнийсь, йöрышаöсь. Тшак ни пув — кöть мый пукты, нинöм оз жугав ни нырсьы. Сэсся и волысьясыс тшöтш сямöдысь, мед пельпомтö оз зырт, абу мукöдлөн моз сира пратьысь. Дерт, ньöбасны». Йöзсö омöльтöмөн көсйö ёнджыка ошкыны асьсö, кыпöдчыштны, кывны асьсö му кутысьöн, көзяинöн.

Ыджыдалöмыс, асьсö көзяин туйö пуктöмыс тöдчö и вöрын: «Вөр дорад да ва дорад Висар век удитліс йöзсьыс водзджык и та вöсна ставсö водзвыв артавліс аслыс».

Став мöвпыс геройлөн арся кыйсьöм да вотчöм йылысь, и арысь водзö мöвпыс оз судзсьы, быттьö арөн и помалö олöмсö, вайöдö асьсö лöсьöдöм йöртöдöдзыс. Оз тыдав сылөн коми руыс — оз öти воөн ков овны, а водзö видзöдöмөн, аския лунөн, мед и челядлы, и пöльöн шуысьяслы колис. Ас вылас нэмсö олö: висьтас кыв абу челядыс йылысь, вермас лоны, найö сылөн и абуöсь. Сідзкö, и кольнысö вöрас зверь-пöткасö да ваас черисö некодлы. Сійөн нöшта зільö-тэрмасьö унджык аслыс босьтны.

Абу öти лунөн олысь Трипан Вась. Унаысь геройлы юрас волöны ныв-пиыс: көнöсь найö, мый накод. И няньсö сійö кодзö оз аслыс кынöмпöт вылö, а пияныслөн локтігкежлö: «Пияныс дум вылас усины: «Көн бара ветлöны сьöлöмшөр пиянöй-а? Ловъяöсь абу нин? Воласны оз коркö?..» Сьöлöмыс висьö. На понда тöждысьö, пыр на уджалö-керö, мед налы кокныйдджык лои водзö овмöдчыны. Со и öні на на йылысь думөн кодзатор вöчыштіс: «Локтасны да öд ковмас и сёйны мыйкö налы». Налы сійö видзö кйдыссö, оз сёй, оз сет бокö усьны ни öти тусьлы.

Дерт, комилы вөр-ва вöлі кынöмпöт перьянінөн, но найö век кольлісны зверь-пöткасö мöд во вылö рöдмымөн, эз кыйлыны ковтöг. Казьтыштны кө Йиркапöс: сійöс сиктсаыс виисны вывтіасьöмысь, вöрса закон торкöмысь, повзисны зверь-пöтка бырöмысь, öд ни öти ловъя лов эз вермы сыысь пышйыны.

Трипан Вась вуграсьыштö пусян мында: «рытладор видз весьтсьыс вуграсьыштіс, — пусян лои». Сійö ставсö вöчыштö: «корöсь перйыштаннй», «шуыштіс», гöстинеч вылö «чери пуктыштны», «нюжöдыштіс». Тайö кывъясас тöдчö этшыс геройлөн, сылөн сямыс да вежавидзöмыс.

Висар тулысын лыйö йöраöс — тайö нин этш тöдтöмтор. Но нöшта на и кызди кыйö? Йöраöс аддзытöдз висьтлөн öдыс вöлі ньöжмьд: «Асья водз чеччöмыс да лунтырья мудзыс топöдны кутісны сійöс öтвылысь. Мырдөн сорөн калькöдыштіс синьяссö, мед видзöдлыны,

оз-ö косö сын». Сэсся öддзö — автор пыртö дженьыд да союзтöм сёрникузяяс: «Коліс öтка пуляа патрон. Сэтшöмыс кык и вöлі патронташ веськыдладорас. Видліс дор патронсö — эз шед позсьыс: дыр вөрзёдлытöмысла ли мый ли быттö сибдöма сэтчö. Видліс мöд патронсö — эз жö шед...» Медвынаöн лоö кадакыв, ёнджыкасö отрицательнöй, мед восьтыны геройлысь скöрмöмсö, дöзмöмсö, горшсö: «эз шед», «эз жö шед», «эз мичаа пукты», «эз дзик пыр вöй», «эз эшты», «эз сувтовкерлы». Колöмыс тыдовтчö и геройöн асьсö кутöмас: «Висар сэтшöма скöрмис — курччис дор патронсö да нетшыштис пиньнас; патронташсö эз мичаа пукты, а шыбитис скöрйывсьыс, и пыжас пыдди сійö веськалі ваö». Öти сёрникузяын кыкысь паныдасьö «скöр» кыв, патронсö «нетшыштис» — кутшöмкö кöин нога асьсö кутöм, этш тöдтöм.

Став олöмыс геройяслөн — сиктса йöзлөн — мунö öти туйöд, но паныда нырвизьöн. Трипан Вась — нэмсö мырсьысь, нянь быдтысь, челядыслы олысь — кулöм бöрас ловзьö. Ловзьö бöрзя луньясö кöдзöм няняс, вөр-пуас, ныв-пиас. Лолыс сылөн кыпöдчö муса вөр-ва весьтас и лоö му-валөн юкөнөн.

Висар висът помас чужйö виöм йöрасö:

«— Сöтана!— ёрччыштис Висар.— Эз вермы эстчöджык, косінас, усьны! — И мый вынсьыс чужйис йöралы кынöмас, быттö сійö мыжа вöлі татчö кулöмсьыс». Нэм чöж комияс пыдди пуктылісны кыйдöстö: эз шулыны лёк кыв, вежавидзисны, корисны прöща виöмсьыс, юксьылісны рöдвужкöд. Комилөн рöдвуж войтыр — хантьяс — и öнöдз на йöра кыйöм бöрын чукöртöны став рöдсö да юрбитöмөн гöститöдöны найöс. И кыв оз вермы лоны кыйдöс чужйöм да вартöм йылысь.

Висар оз варт, а чужйö йöралы, мыйöн нöшта нин улöдз лэдзö йöралысь донсö. Висарлөн сапöга кокыс некымынысь паныдасьлö висътас: кор Висар «сапöг тырыс гумовтис сьöд нүйт», да нöшта водзынджык — арпиясöс лэдзигөн: «кодйыштис сапöг нырнас лыа визьöбсö». Трипан Васьлы кö вöрыс радейтана да муса, Висарлы — ыджыдаланін: буртор — черипиян лэдзöм — сійö вöчö зывöкпырысь, сапöг нырнас, а оз сьöлöмсянныс, киөн.

Висар чужйö оз сöмын виöм йöралы, а став вөр-ваыслы, став комиыслы, кодъяс пыдди пуктöны, Ен туйö видзöны мусö и васö. И йöрасö чужйöмыс лоö, дерт, кульминацияөн сюжетас, медвынаöн тайö висътас, медбура восьтö Висарлысь «сісь» пытшкöссö.

Трипан Вась кö кыптö вöчöмторъяснас, Висар олöмнас, вöчöмторъяснас воштö морт нимсö. Сійö ловъя вылысь кулöма. Нэм джын весиг абу кык видлалан гижöд костас, а кызди торъялöны геройяс, кызди вежсис коми мортлөн сямыс. Г.Юшков аслас геройöн быттö горöдö, корö сувтлыны комисö, овны этшөн да сямён, кызд овліс Трипан Вась.



Александр НЕКРАСОВ (Гамса)

Вёрса пöжар

Керöсбöж сикт нюжöдчис Эжва веськыд берег пöлөн. Сиктсö войвыв боксяныыс кытшалö козъя-пожöма яг. Вöр саяс, кык-куим верст ылнаын, ыджыд гöгрöс нюр. Нюрыс сиктса йöзлы быд го-жöм-ар лышкыда козыналö мырпом да турипув. Вотöса нюрас кыскö ас дорас верстыö войтырöс, пöль-пöчьясöс и челядьöс.

Талун со Полипов Васълөн чоя-вока ветлöмаöсь жö мырпом вотны. Вась дядь, совхозса механизатор, Анна гöтырыскöд челядьсö ичöтысянь быд уджö велöдöмаöсь и, дерт, пармаысь ко-зинъяссö чукöртöны.

Мырпомыс бура артмöма да пажунöдз и тыртисны Зоя да Миша дозъяссö вотöсөн. Радлiгтыр найö восьлалiсны гортланьыс.

— Зоя! Зоя! Видзöдлы, Кузь шор дорсянь съöд тшын качöдчö енэжлань. Гашкö, вöрыс öзйис да,— шуис Миша чойыслы.

Челядь котöртисны Кузь шорлань и аддзисны: кодкö бипур пестылöма да абу бура кусöдöма. «Гöрд петукыд» бордъяссö пась-кöдöма да азыма няръялö кос росъяс и яла нитшсö.

— Кусöдны колö пöжарсö,— ышöдiс вокыс чойсö.

Чоя-вока зiля кутчысисны уджö: кыскалiсны, чукöртисны бокö кос росъяссö, кулисны кос нитшсö, кусöдалiсны-кучкалiсны бисö уль коз пу лапъясөн. Öтилаясь кусöдасны бисö, а «Гöрд петукыд» мöдлаö нин шыбитчöма.

— Зоя, миянлөн оз тырмы вынным вермасьны пöжарыскöд. Котöрт сиктö да висътав неминуча йывсьыс сиктсöветö, медым öдйö чукöртöны верстыö йöзöс пöжарсö кусöдны, а ме öтнам вермасьышта биыскöд,— тшöктiс Миша чойыслы.

Кор воисны сиктса войтыр, Миша пыр на вöлi вермасьö биыскöд. Детинкалөн кусöдчигас ёна сотчалöма ки-кокыс.

Сиктса олысьяс дыркодь вермасисны вёрса пöжарыскöд да мездисны пожöма ягсö ыджыд неминучаысь. Мишаöс, дас куим арöса зонкаöс, нуöдiсны больницаö.

Дыр ковмис Мишалы бурдöдны сотчöм дойяссö. Ёртъясыс да школаса велöдысьяс тшöкыда воывлiсны видлыны висъысь зонмöс да ышöдiсны сiйöс:

— Регыд, регыд бурдан, Мишук.

Школаö пырикжежлö Мишаöс лэдзисны больницаысь.

Сентябрь первой лун — тöдöмлунъяслөн праздник. Школаса директор чукöртiс велöдчысьясöс линейка вылö. Локтiс и лесхозса директор Василий Павлович. Сiйö пöся аттьöалiс-ошкис Мишаöс да Зояöс вёрса пöжар кусöдiгөн ыджыд пай пуктöмысь, козыналiс чоя-вокалы часiяс.

Ловья барометръяс

Миян турун пуктан видзным мöдлапöлын, Лёмты бокын. Шойччан лунö. Мам да бать дасьтысьöны мунны видз вылö ытшкыны да куртны-чöвтны.

— Талун аскөд нуодлам Мишаос, сийö бергöдлыштас турунсö, а бöрас оз öктыштас ичöтджык чой-вокыслы. Ок и ёна таво арт-мöма озйыс, тусьясыс пев пом кодьöсь,— шуис бать.

А меным нимкодъыс...

И со, ми видз вылынöсь нин.

Пöльтö небыдик төвру. Кыпыда сьылöны лэбачьяс. Сигудö-көн моз ворсöны-чириктöны чиркъяс. Варовитöны төв ныр улын кыдзьяс, бадьяс да пипуяс. Мам да бать ытшкöны, а ме öдйö бергöдлi важ ытшкöм турун да котöртi оз öктыны. Эз на тыр доз-мукöй, кыла батьлысь горзöмсö:

— Мишук, донаöй, лок миянлы отсав куртны, а ме тэрмасьöмөн кута чöвтны. Пажын бöрас зэрмас...

— Оз жö зэрмы... Луныс мича да... Енэжас кымөр чир абу,— шензьöмөн вочавидзис Миша.

— Зэрмас. Öдйö босът куран да куртöй мамыдкöд. Ме зорöд места лöсьöда...

Муртса зорöд сигöрмис да пуксим пажнайтны, вөр сайсянь кыпöдчис пемыдлöз кымөр. Чорыда гымыштiс, а сэсся здук мысти кутiс ведра дорысь моз кисътны-зэрны, гымавны-чардавны. Ковмис котөрөн пырны вөрö да дзебсьыны пашкыр козьяс улö.

— Туналин, батьö, зэрсö,— шуис Миша.

— Эг тунав. Чиркъяс висъталiсны да кодзувкотъяс.

— Кыдзкö?

— Аскинас чиркъяс сьылiсны, кодзувкоткарын сэтчöс олысь-ясыслөн ветлан розьясыс восьсаöсь вöлiсны, а пажын кадлань и чиркъяс сьывны дугдiсны, и кодзувкотъяс карнысö топыда вевт-тьöмаöсь... Зэрысь.

Вöрса пемöсьяс, зверьяс, лэбачьяс, став гагъясыс поводдя вежсьöмсö водзвыв тöдöны... Ловъя барометръяс.

Гыча вад

— Миша дядь вель уна чери кыйöма,— ошкыштiс олöма нин суседсö Вася Исаков.— Тöв и гожöм, тулыс и ар, буди, öтмоз тэныд чериыс шедö.

— А тэнад арлыдсянь нэмöс кыйся да тöда васа ловъя ловъя-ясылысь оланногсö. Война каднас, зонкаөн на, прöст кадö вадорысь эг кайлы. Аслыным тырмывлiс и суседъяслы на вичмöдлывлiм. Поснялiс вот чериыс Эжваын и тыясын. Гычьяс, ёкышгьяс, йөршгьяс ёнджыкасö и шедöны, бырны кутiс бур чериыс,— чери керигмоз висътавлiс зонкалы Миша дядь.

— Видзöдлы, видзöдлы, Миша дядь,— чуймöмөн индiс тазйö Вася.— Чериясыс со ловъяöсь на кымынкö.

— Гычьяс тайö. Найöс сайкыдджык лунö көть лун джын нопъяд видз, а лэдзин ваö, уялöны, быттьö нинöм абу и вöлöма, васьыс быттьö абу и кыпöдлöмаöсь сынöд вылас.

— А посниджыкъяссö, ловъяяссö вай меным, Миша дядь.

— Каньыдлы? Босът... Чунь кузя йөршгьясыдлөн да ки вомлöс кузьята гычьясыдлөн уна-ö нур.

— Ог каньлы вылö кор. Совхозыс тай кодйылöма пöжаргьясысь видзчысян зэв кузь, паськыд да джуджыд пруд, сэтчö эськö ловъя гычьяссö лэдзны. Посни челядь сэнi гожöмбыд купайтчöны, а төвнас конькиөн йи вылас ислалöны. Вот эськö налы вутрасьöм вылö рöдмöдны сэнi черисö.

— А мый? Буртор од мөвпыштөмьд. Петав, инө, юкмөсө вала. Вебра джын пырт, видзөдлам, коді уялө на кыйдөсысь, сійөс и лэдз. Кодйылісны прудсө некымын во сайын нин. Берегъясыс турунсялісны, тшөтш и берегдорса ваас нин мыйкө нитш сяма быдмө. Колө чайтны, овмөдчас чериыс посни челядьлы гаж да кыйсьом вылө.

Васялы кыкысь тшөктыны оз ков. Пыртис вебра джын ва. Миша дядькөд лэдзалисны сэтчө бөжъяснас тірөдчысь гычъясөс. Черияс здукөн и палялісны. Чери керсьом бөрын Миша дядь да Вася нуисны черисө тракторөн кодйөм прудйө да сэтчө и кисьтісны ванас өтсор.

Гычъяс, ыджыд ваө веськалөм бөрын, өдйө и уйыштісны син улысь джуджыдінас.

— Та мында черисыд дыр ковмас посни челядьлы кыйдөссө виччыны. Ветлам, инө, матысса кадө ботанөн нөшта кыйыштам гычъяс, ёкышъяс да йөршъяс. Унасьыд өдйөджык и рөдмасы.

— Окотапырысь,— сөгласа докнитіс юрнас Вася.

Олөма чери кыйысь да зонка тракторөн кодйөм прудйө, гашкө, вебра чери лэдзисны. Быд пөлөссө, коді вөрса тыясын рөдмө-олө.

Во-мөд тайө кадсянныс коли. Гожөмъясын сиктса зонпосни өні сэні и вуграсьоны. Унаыс, дерт, оз шед, но мыйкө мында гортаныс вайыштілөны. Сэсся чериыд од уна лэдзө пөксө. Коркө, гашкө, и нимаवны кутас Васялөн да Миша дядьлөн гыча вадйыс тшөтш и ёкышъясөн да мукөд чериөн.



Виталий КУРАТОВ

Мөскуа көсьян видзөдлыны?

Арөс вит ли квайт мен вөлі. Отчыд гожөмнас Вася өртөй чукөстіс попасыны (городкиөн ворсны). Петі уличө, кытчө посни войтыр пыр чукөртчывлім. Зонпосни сэні тырыс нин, чилзисны-горзисны, коді кызди кужис, а ыджыдаліс на вылын, кызди и пыр, дас нель арөса Педьө Гриш, беринөсь чутъяса, банийөм көвдум кодь паськыд чужөма, дженъыдика шырөм гөрдов юрсиа зон — шмонитны да поснияс вылын кикимеритчыны радейтысь.

Эг на удит попаян палич киө босьтны, матыстчис Педьө Гриш да паськыда нюмъялөмөн юалис:

— Виталей, Мөскуа көсьян видзөдлыны?

Телевизор-радио сэки грездын эз на вөвны, но гырысь йөзсянь кывлывлі: медся ыджыд карыс миян — Мөскуа, йөзыс сэні ко-дзувкот мында, керкаясыс — енвевтөдз, машинаыс — лыдтөм-тшөттөм. Кодлы нө абу окота сійөс видзөдлыны?

Детинкаяс дугдісны ворсөмысь, баргөдісны синъяссө ме вылө, виччысьоны, мый лоө. А Педьө Гриш мөдысь юалис, збыльысь пө көсьян видзөдлыны Мөскуасө?

— Көсья!— шуи.

— Но, сідзкө, видзөд,— шуис зонмьд, клещиөн моз топөдіс кыкнан кинас пельясөд да тоныгөдіс чужөмөс вывлань, кокъяс весиг муас оз инмыны.



Педьö Гриш юалö:

— Тыдалö оз Мöскуаыс?

Пельяс вот-вот орöны, но ог аддзы Мöскуасö.

— Оз,— вочавидзи.

Зонмыд нöшта на вылöджык менö пельясöд тоньгöдiс и бара юалö:

— Öнi?

Син водзын менам пемдiс, виж чутъяс мöдiсны лэбавны, и ме вöлисти гöгөрвои: Педьö Гришыд ме вылын тешитчö, сэсся мöдi кевмысьны.

— Лэдз, зэв бура тыдалö.

А ёртъяс куснясьмөн сералöны. Вөлöмкö, Педьö Гришыд уна-лы нин Мöскуасö петкöдлöма.

Мездысим

Миян быдмигөн грездын со кыдзи вöли: ломтысьö кö кодлөнкö пивсян, рытнас суседъяслөн зонпосниыс ставныс мунасны сэтчö пивсьыны.

Öтчыд төвнас Пиля дядь ломтöма пивсянсö да менö тшöтш чукöстiс кык пиискöд пивсьыны.

Пивсянсö керöс бокö вöли пуктöма, турöбъяс дырйи вой бокас сигөр йылöдзыс толаавлiс, а лун банас тэчöма пес чипас, сы вывтi позис кайны пивсян вевт вылас.

Ми, куим зонка, кучикъяс донавтöдз швачöдчим-корöсясим да ыркöдчöм могысь уськöдчим пивсян кöджö. И друг Öльöк вöзйö: вайö пö каям вевт вылас да сигөр вывсяньыс чеччыштам тола пиас, регыдджык пö ыркалам. Ёртлөн вöзйöмыс ышöдiс, и ми пес чипас вывтi зэв тэрыба кавшасим пивсян сигөр йылöдзыс. Медводдзаөн ме чеччыштi. Гургыси-вöйи уль лым пиас гöгйöдз. Пурк-парк киён вешталi водзысь лымсö, котөрөн пыри пивсянö шонтысьны. Ме бöрысь ыкайтiгтырйи дзуркнитiс-пырис Семö да кайис выли пöлөкö. Колис здук-мöд, ми бара нин пöсялiм да кöть выльысь петам сигөр йивсянь чеччыштны, а Öльöк век на эз пыр. Сэсся недыр мысти кылис ывласянь горзöм шы. Пиля дядькöд ми тшöтш уськöдчим ывлаö и аддзим со мый: Öльöк, миянысь ыджыдджык дай сьöкыдджык зонкаыд, чеччыштöма ульдöм лым пиад, пурскысьöма-пырöма голяöдзыс да сибдöма. Лои миянлы тазъясөн дэбыд ва петкöдлыны да зонкатö мездыны.



Журнал петö «Сыктывкарса ЛПК»
восьса акционер котыр бумага вылын.

*Журналын йöзöдтöм гижöдъяс
редакция оз рецензируют и авторыслы найöс оз мöдöд.*

Техн. редактор **А.Одинцов.** Комп. набор и верстка **Н.Кузнецова.** Корректор **Н.Габова.**

Адрес редакции: 167982. ГСП-2, г. Сыктывкар, Дом печати, комн. 26.
Телефоны редакции: 42-47-52 (гл. редактор), 42-51-52 (отв. секретарь).

Подписано к печати 06.03.2002. Формат 70х108¹/₁₆. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1390. Заказ № 1676. Регистр. № Ф0095.
ОАО «Коми республиканская типография», 167610, г. Сыктывкар, ул. Первомайская, 70.